

## LABAARI GEA NGE MƐ MATEU U YORUA

Mateun tireru ta s̄awa Labaari gean tirenu nne ye sa raa wan teeru. Tire nin baatere ta m̄ ye ta naa gire. Mateun tireru s̄o u s̄osim̄ ma Yesu u s̄awa Kirisi wi Gusun̄ u ḡsa yellun di. Ma ba win gari yorua N̄o Mw̄e Gururu s̄o. Yuuba ba Kirisi wi mara u na u bu yakia Romugibun n̄oman di. Yenin s̄na Yesu u gerum̄ u sirem̄ ma win banda kun s̄a handunia migiru.

Mateun tireru ta s̄awa tire te ta N̄o Mw̄e Gururu ka N̄o Mw̄e Kpaarun gari sw̄enam̄, ka sere Isireliba ka maa Yesun yigberu.

### *Tire ten kpunaa*

1. Yesun bwese t̄ka ka win marubu, wiru 1n di sere wiru 2.
2. Yesun bat̄mu ka win k̄kiribu, wiru 3n di sere wiru 4.
3. Yesun s̄osinu guuru w̄ll̄, wiru 5n di sere wiru 7.
4. Bar̄bun bekiabu ka ḡr̄obun ḡran daabu, wiru 8n di sere wiru 10.
5. S̄osi ni Yesu u kua, wiru 11n di sere wiru 12.
6. M̄nnu ka s̄m maamaakiginu, wiru 13n di sere wiru 16.
7. Yesun wasin ḡsiabu ka win Yerusalemun daabu, wiru 17n di sere wiru 20.
8. Yesun s̄osi d̄akinu Yerusalemū, wiru 21n di sere wiru 25.
9. Yesun siribu ka win ḡo ka win seebu ḡrin di, wiru 26n di sere wiru 28.

### *Yesu Kirisin bweserun t̄ka (I maa m̄erio Luku 3:23-38)*

<sup>1</sup> Yesu Kirisin bweserun t̄ka wee, wi u s̄a Dafidin sikadobu. Dafidi maa s̄a Aburhamun sikadobu.

<sup>2</sup> Aburahamu u Isaki mara, Isaki u Yakəbu mara. Yakəbu u Yuda mara ka win maabu ka wənəbu. <sup>3</sup> Yuda ka Tamari ba Faresi ka Sara mara. Faresi u Esiromu mara. Esiromu u Aramu mara. <sup>4</sup> Aramu u Aminadabu mara. Aminadabu u Nasoni mara. Nasoni u Saaməw mara. <sup>5</sup> Saaməw ka Rahabu ba Boasi mara. Boasi ka Rutu ba Yobedi mara. Yobedi u Isai mara. <sup>6</sup> Isai u Dafidi mara.

Dafidi u kua sunə, ma wi ka wi u raa sãa Yurin kurə ba Saloməw mara. <sup>7</sup> Saloməw u Roboamu mara. Roboamu u Abia mara. Abia u Asafu mara. <sup>8</sup> Asafu u Yosafati mara. Yosafati u Yoramumu mara. Yoramumu u Osiasi mara. <sup>9</sup> Osiasi u Yotamu mara. Yotamu u Akasi mara. Akasi u Esekiasi mara. <sup>10</sup> Esekiasi u Manase mara. Manase u Aməw mara. Aməw u Yosiasi mara. <sup>11</sup> Yosiasi u Yekonia mara ka win wənəbu sanam mē ba Isireliba gura ba ka da Babilonin temə.

<sup>12</sup> Ben Babilonin daabun biru Yekonia u Salatieli mara. Salatieli u Sorobabeli mara. <sup>13</sup> Sorobabeli u Abiudu mara. Abiudu u Eliakimu mara. Eliakimu u Asoru mara. <sup>14</sup> Asoru u Sadəku mara. Sadəku u Asimumu mara. Asimumu u Eliudu mara. <sup>15</sup> Eliudu u Eleasaa mara. Eleasaa u Matani mara. Matani u Yakəbu mara. <sup>16</sup> Yakəbu u Yosefu mara wi u kua Maarin durə. Maari wiya, u Yesu mara, wi ba soka Kirisi.

<sup>17</sup> Nge meya ben bwese te səw, saa Aburahamun min di n ka girari Dafidin mi, ba sãawa tənu wəkura nne. Saa maa Dafidin min di n ka girari saa ye ba ka bu yoru da Babilonin temə, ba sãawa tənu wəkura nne. Yen biru saa min di ba ka bu da Babilonin temə n ka Kirisin saa girari, be, ba maa sãawa tənu wəkura nne.

*Yesu Kirisin marubu*

*(I maa mēerio Luku 2:1-7)*

<sup>18</sup> Wee nge mē ba ka Yesu Kirisi mara. Win mero Maari u sãa Yosefun kurə kēero, adama bu sere suana Maari u deema u gura mə saa Hunde Dēeron min di. <sup>19</sup> Win durə Yosefu wi, u sãa geegii, u n kī u Maari sekuru doke batuma səw. Yen sōna u gōru doke u nùn yina asiri səw. <sup>20</sup> Saa ye u ye bwisikumə saa yera Yinnin gərado u nùn kure dosu səw

u nùn sǎwa u nɛɛ, Yosefu, Dafidin sikadobu a ku berum ko a ka wunen kurǎ kǎero Maari yenu doke, domi gura ye u mǎ mi, saa Hunde Dɛeron min diya. <sup>21</sup> U koo bii tǎn durǎ ma, kpa a nùn yǎsiru kǎ Yesu \*, domi u koo win tǎmbu faaba ko saa ben durum di.

<sup>22</sup> Yeni kpuro ya koora kpa Yinnin gari yi u gerua saa win sǎmǎn nǎw sǎwn di yi ka koora, <sup>23</sup> yi yi nɛɛ, “Wǎndia goo u koo gura sua kpa u bii tǎn durǎ ma, kpa bu nùn yǎsiru kǎ Emanueli.”

Yǎsi ten tubusiana, Gusunǎ wǎa ka bɛsɛ.

<sup>24</sup> Yen sǎna ye Yosefu u yanda, u kua ye Yinnin gǎrado u nùn sǎwa, u Maari yenu doke. <sup>25</sup> Adama u ñ nùn yǎ kurǎ sere u ka win bii tǎn durǎ mara. Ma u nùn yǎsiru kǎ Yesu.

## 2

Sǎbu saa sǎw yari yerun di

<sup>1</sup> Ba Yesu marawa Betelehemuǎ Yudean temǎ, sina boko Herodun waati. Sanam mɛ sǎw, kperin saria yǎrobu gabu ba na Yerusalemuǎ saa sǎw yari yerun di, <sup>2</sup> ma ba nɛɛ, mana Yuuban sunǎ wi ba mara tǎ u wǎa. Domi sa win kpera wa ya kura sǎw yari yerǎ, yera sa na su nùn sǎ.

<sup>3</sup> Ye sina boko Herodu u gari yi nua, win bwǎra kun kpunɛ, ka Yerusalemugibun tii kpuro. <sup>4</sup> U yǎku kowo tǎnwerobu kpuro menna ka wooda yǎrobu ma u bu bikia u nɛɛ, mana ba nɛɛ ba koo wi Gusunǎ u gǎsa \* ma. <sup>5</sup> Ba nùn sǎwa ba nɛɛ, Betelehemuǎra Yudean tem sǎw, domi Gusunǎn sǎmǎ u yorua u nɛɛ,

<sup>6</sup> “Wunɛ, Betelehemu, Yudean tem sǎw, ñ ñ mǎ wuna a piiburu bo Yudean wuu bakasu sǎw. Domi wunen min diya sunǎ u koo yari wi u koo nen tǎmbu Isireliba kpara.”

---

\* 1:21 Yesu - Yǎsi ten tubusiana faaba kowo. \* 2:4 wi Gusunǎ u gǎsa - Ka Gɛrɛkim wiya ba sokumǎ Kirisi.

<sup>7</sup> Yera Herodu u kperin saria yēro be sokusia asiri sɔɔ ma u bu bikia saa ye kpera ye, ya kura mam mam. <sup>8</sup> Ma u dera ba da Betelehemuɔ. U bu sɔɔwa u nɛɛ, bu doo bu bii win gari bikia sãa sãa. Bà n nùn wa bu gɔsirama bu nùn sɔ, kpa win tii u maa da u nùn sã.

<sup>9</sup> Ye ba win gari yi nua ba kpa, yera ba swaa wɔri. Wee, kpera ye ba raa wa sɔɔ yari yerɔ, ya kpam bu swaa gbiiye sere yam mi bii wi, u wãa, ma ya yɔra yam min wɔllɔ. <sup>10</sup> Ye ba kpera ye wa ben gɔru ga dora n banda. <sup>11</sup> Ye ba dua diru mi, ba bii wi wa ka win mero Maari. Yera ba yiira ba nùn sãwa. Ma ba ben bɔɔnu kusia, ba wura wuna ba nùn kã, ka turare bwesenu yiru. <sup>12</sup> Ma Gusunɔ u bu sɔɔwa dosu sɔɔ u nɛɛ, bu ku raa wure Herodun mi. Ma ba sãa ben wuuɔ ka swaa tuka.

**Ba ka Yesu kpikuru da Egibitiɔ**

<sup>13</sup> Ye kperin saria yēro be, ba biru kisi ba doona, ma Yinnin gɔrado u Yosefu kure dosu sɔɔ u nɛɛ, a seewo a bii wi ka win mero sua kpa a ka bu kpikuru su Egibiti gia, a sina mi sere dɔma te kon maa nun sɔ a sīima, domi Herodu u koo bii wi kasu u go.

<sup>14</sup> Ma Yosefu u seewa wɔkuru u bii wi ka win mero sua ma u doona Egibiti gia. <sup>15</sup> U sina mi sere Herodu u ka gu. Yeni ya koora kpa Yinnin gari yi u gerua saa win sɔmɔn nɔɔ sɔɔn di yi ka koora ye u nɛɛ, “Egibitin diya na nen bii sokuma.”

**Ba bii tɔn durɔ piiminu go**

<sup>16</sup> Ye Herodu u wa ma sɔɔ be ba na saa sɔɔ yari yerun di ba nùn yaakoru kua, u mɔru besira. Ma u dera ba bii tɔn durɔbu kpuro go be ba ñ wɔɔ yiru kere Betelehemuɔ ka yen baru kpaanɔ kpuro. Domi u yen sanam dooru kua mìn di sɔɔ be, ba nɛɛ ba kpera ye wa. <sup>17</sup> Nge mɛya ye Gusunɔn sɔmɔ Yeremi u gerua, ya koora, ye u nɛɛ,

<sup>18</sup> “Ba swīi gɛɛ nɔɔmɔ Ramaɔ.

Yēro u sumə u weeweenu m̀.  
 Ase Raseliwa u sumə win bibun s̄.  
 Ma u yina bu ǹn suuru kana  
 domi bii be kpurowa ba gu.”

Ba ka Yesu wurama

Egibitin di

<sup>19</sup> Herodu u gu. Win ḡən biru Yinnin ḡrado u Yosefu kure dosu s̄ə Egibitiə. <sup>20</sup> U n̄ε, a seewo a bii wi ka win mero sua kpa i wura Isirelin temə, domi be ba kī bu bii wi go, ba gu.

<sup>21</sup> Ma Yosefu seewa u bii wi ka win mero sua ba kpam wura Isirelin temə. <sup>22</sup> Adama ye u nua ma Aakelusi u bandu di Yudean temə win baa Herodun ayerə, u b̄rum kua u ka sina mi. Ma u doona Galilen temə, nge m̄ Gusunə u ǹn s̄əwa dosu s̄ə. <sup>23</sup> Ma u da u sina wuu ge ba sokumə Nasaretia, kpa Gusunən s̄əməbun gari yi ka kooa yi yi n̄ε, “Ba koo ǹn sokuwa Nasaretigii.”

### 3

Yohanu Batemu kowon waasu

(I maa m̄erio Maaku 1:1-8, Luku 3:1-18, Yohanu 1:19-28)

<sup>1</sup> Sanam m̄ε s̄ə, Yohanu Batemu kowo u na u waasu m̀ Yudean ḡbaburə. <sup>2</sup> U n̄ε, i b̄εn ḡr̄u ḡsio domi Gusunə u sisi u bandu swīi.

<sup>3</sup> Yohanu wiya w̄n gari Gusunən s̄əmə Esai u m̀ sanam m̄ε u n̄ε,  
 “Goo u gerumə ka dam ḡbaburə u m̀,  
 i Yinnin swaa s̄n̄wə,  
 kpa i n̄ ye n̄ə n̄erasiamə yu d̄nda.”

<sup>4</sup> Yohanu wi, u yooyoona sansun yaberu sebua, ma u ḡnan kpaka s̄ke p̄raə. Win d̄iana t̄wee ka tim bausu.

<sup>5</sup> T̄mba na win mi saa Yerusalemun di ka Yudean tem kpuro, ka tem kpuron di m̄ mu daa te ba m̀ Yuudeni

sikerene. <sup>6</sup> Ba ben toranu tuuba kua ma u bu batemu kua daa te ba m̀ Yuudenio.

<sup>7</sup> Ye Yohanu u wa ma Falisiba ka Sadusiba dabinu ba na win mi u ka bu batemu ko, u bu s̄owa u nee, bee waa ḡs̄onu wara u maa bee s̄owa i Gusun̄n m̄ru duka suuri ye ya wee. <sup>8</sup> I de been kookoosu su s̄osi ma i ḡru ḡsia. <sup>9</sup> I kun tamaa i ko gafara wa Aburhamun s̄ domi i gerum̄o i m̀ u s̄a been baaba. Na bee s̄om̄o Gusun̄o u koo kp̄i u kpee ni sua u ka Aburhamu bibu kua. <sup>10</sup> Wee, ba gb̄aa wasi k̄o bu ka d̄a wukiri. D̄aru baatere te ta ñ bii geenu marum̄o tera ba koo bura kpa bu doke d̄o s̄o. <sup>11</sup> Ne na bee batemu m̀ ka nim i ka ḡru ḡsiabun seeda di, adama wi u sisi nen biruo u koo bee batemu ko ka Hunde D̄ero ka d̄o. U man dam kere gem gem, sere na ñ mam tura n ka win baranu sua n nene. <sup>12</sup> U win saratia neni win n̄om̄o, u koo win alikama soo yeru kura kpa u win alikama gura u doke biraru s̄o. Adama u koo sakosu doke d̄o s̄o wi u ku ra gbi.

### *Yesun batemu*

(*I maa meerio Maaku 1:9-11, Luku 3:21-22*)

<sup>13</sup> Sanam meya Yesu u na saa Galilen di u da daa te ba m̀ Yuudenio, Yohanu u ka n̄n batemu ko. <sup>14</sup> Adama Yohanu u k̄i u yina. U nee, wuna n weene a man batemu ko, yera a maa na nen mi? <sup>15</sup> Adama Yesu u n̄n wisa u nee, a de n kooru me gina, domi nge meya sa ko ka kpuro ko ye Gusun̄o u bikiam̄o.

Ma Yohanu u wura. <sup>16</sup> Ye u Yesu batemu kua u kpa, mii mii Yesu u yara nim s̄on di. Yera w̄lla wukiara, ma u Gusun̄n Hunde wa u saram wee nge kparuko, u na u sina win wiru w̄llo. <sup>17</sup> Ma n̄o gagu ga n̄ora w̄llun di ga nee, winiwa nen Bii k̄nasi w̄ s̄o nen ḡru dobu kpuro w̄a.

## 4

*Setam* u Yesu kəkura

(*I* maa mærio Maaku 1:12-13, Luku 4:1-13)

<sup>1</sup> Yen biru Hunde Dæero u ka Yesu da gbaburo Setam u ka nùn kəkiri. <sup>2</sup> Ye Yesu u nəw bəkua sɔw sɔw weeru ka wɔkuru weeru, yen biru gɔwra nùn mɔ. <sup>3</sup> Ma Setam u na win mi u nɛɛ, à n sãa Gusunɔn Biin na, a kpee nini sɔwɔw nu gɔsio pɛɛ.

<sup>4</sup> Yesu nùn wisa u nɛɛ, Gusunɔn gari yi gerua yi nɛɛ, tɔnu kun ko n wãa dɛanu tɔnan sɔ. U maa wãawa Gusunɔn gere kpuron sɔ.

<sup>5</sup> Ma Setam u ka nùn da Yerusalemu wuu dæerɔ gen mi, u nùn sɔndi sãa yerun wii kpiirɔ. <sup>6</sup> Ma u nɛɛ, à n sãa Gusunɔn Biin na, a yɔwɔw a sura temɔ domi Gusunɔn gari yi gerua yi nɛɛ,

“Gusunɔ u koo win gɔradoba nəw kɛ wunen sɔ bu nun nɛnɛ ka ben nɔma, kpa a ku ra ka wunen naasu kperu sokura.”

<sup>7</sup> Yesu nùn wisa u nɛɛ, adama Gusunɔn gari yi maa gerua yi nɛɛ, “A ku ra Gusunɔ wunen Yinnin dam mæri a ka wa mɛ mu nɛ.”

<sup>8</sup> Yen biru Setam u ka Yesu da guu bakaru garun wɔllɔ, u nùn dunian tem kpuro sɔwsi ka mɛn bɛɛɛ mi sinamba bandu dii. <sup>9</sup> Ma u nɛɛ, yeni kpurowa kon nun wɛ à n yiira a man sãwa.

<sup>10</sup> Ma Yesu u wisa u nɛɛ, a doonɔ min di Setam. Domi ba yorua ba nɛɛ, “Kaa Gusunɔ wunen Yinni sã, kpa a n wi turon wãaru wãa.”

<sup>11</sup> Yera Setam u doona win min di, ma Gusunɔn gɔradoba ba na ba nùn nəəri.

*Yesu win sɔmburu torua Galileɔ*

(*I* maa mærio Maaku 1:14-15, Luku 4:14-15)

<sup>12</sup> Ye Yesu u nua ma ba Yohanu mwa ba doke pirisəm sɔw, yera u doona Galileɔ. <sup>13</sup> U n̄ sinɛ Nasaretio, u da u

sinawa Kapenamuo, ye ya wãa daa burerun bokuo te ba ra soku Galile, Nefitali ka Sabulonin temo. <sup>14</sup> Kpa ye Gusunon somo Esai u raa gerua yu ka kooa, ye u nee,

<sup>15</sup> “Sabulonin tem ka Nefitalin tem mu wãa nim wõku gia, daa te ba mð Yuudenin guruo Galileo mi ton tukoba wãa.

<sup>16</sup> Be ba sã yam wõkuru soo mi, ba koo yam bururam bakam wa.

Be, be gəon berum wukiri nge yam wõkuru, bera yam bururam koo kurema.”

<sup>17</sup> Saa saa yen diya Yesu u win waasu torua. U nee, i been gõrusu gəasio, domi Gusuno u sisi u bandu swii.

*Yesu u susure kowobu nne soka*

*(I maa meerio Maaku 1:16-20, Luku 5:1-11)*

<sup>18</sup> Nge me Yesu u siimo Galilen daa burerun bokuo u susure kowobu yiru gabu wa, moo ka wono, Simoo wi ba ra soku Piee ka win wono Andere. Ba susure mð daa bure te soo ka yaakororu. <sup>19</sup> Yesu u bu sɔɔwa u nee, i man swiima, kon bee sɔɔsi nge me i ko ka tambu kasu bu man swii.

<sup>20</sup> Mii mii ba ben yaakoronu deri, ma ba nun swii.

<sup>21</sup> Ye u susi wuswaa u maa moo ka wono wa Yakabu ka Yohanu, Sebeden bibu. Ba wãa ben goo nimkuu soo ka ben tundo Sebede, ba ben yaakoronu korumo. Yesu u bu soka. <sup>22</sup> Mii mii ba ben tundo deri goo nimkuu soo, ma ba Yesu swii.

<sup>23</sup> Yesu u bosu Galilen tem kpuro soo u keu sɔɔsimo ben menno yeno u ban te Gusuno u koo swiin Labaari gea waasu mð, ma u tambu ben bara bwese bweseka bekiamme. <sup>24</sup> Win baaru ya yebi baama kpuro Sirin tem soo sere tamba ka ben barabu na win mi, be ba bara bwese bweseka mo ka be ba wuriri dabinun wahala mð ka be ba werekunu mo, ka girikpakpa wɔrobu ka ben wasin bee tia gu gu. Ma Yesu u be kpuro beka. <sup>25</sup> Ma ton wɔru guni nun swii saa Galile ka bera ye ba mð wusu wəkurun di,



ka Yerusalemu ka Yudea ka tem me mu wãa daa te ba m̀ Yuudenin gurun di.

## 5

*Yesun* waasu guuru ẁll̀

<sup>1</sup> Yesu u t̀n ẁru ge wa ma u ỳwa guuru garun ẁll̀ u sina. Win bwãaba menna win mi <sup>2</sup> ma u gari gerubu ẁri u bu gãa dabinun keu s̀si.

*Doo* ǹw geerun gari

(*I* maa m̀erio Luku 6:20-23)

<sup>3</sup> Yesu u ǹe,  
doo ǹrugiba b̀n hunde ya Gusuǹn beke bar̀.  
Beya ba ko n wãa mi Gusuǹ u bandu swii.

<sup>4</sup> Doo ǹrugiba be ba nukuru sankire.

Gusuǹ u koo bu nukuru yemiasia.

<sup>5</sup> Doo ǹrugiba b̀n daa ya du.

Beya ba koo tem me tubi di.

<sup>6</sup> Doo ǹrugiba be ba kasu bu ko ye Gusuǹ u bikiam̀ nge  
be ba d̄anu ka nim kasu.

Ba koo debu.

<sup>7</sup> Doo ǹrugiba be ba ẁnẁndu m̀.

Gusuǹ u koo bu ẁnẁndu kua.

<sup>8</sup> Doo ǹrugiba b̀n ḡru ga d̀ere.

Ba koo Gusuǹ wa.

<sup>9</sup> Doo ǹrugiba be ba ra yiber̀ t̀eru kpeesie.

Gusuǹ u koo bu soku win bibu.

<sup>10</sup> Doo ǹrugiba be ba ǹni s̀wa ỳn s̄ ba kua ye  
Gusuǹ u bikia.

Beya ba ko n wãa mi Gusuǹ u bandu swii.

<sup>11</sup> Doo ǹrugiba be, sanam me ba be yaakoru m̀ ma ba be ǹni s̀m̀ ma ba k̄sa weesugia baayere be manim̀ nen s̄. <sup>12</sup> I ḡru doru kpa i n nuku doo bakabu m̀ ỳn s̄ ba be are beke yiyewe ẁll̀. Domi nge meya ba Gusuǹn s̀m̀bu ǹni s̀wa be ba be gbiye.

Boru ka yam bururam

(I maa mɛerio Maaku 9:50, Luku 14:34-35)

<sup>13</sup> Yesu maa nɛɛ, bɛɛya handunian boru \*, adama boru tã n nɔɔ gu mba ba koo ka tu dorasia. Ta ñ maa gãanu ganu ma n kun mɔ bu yari kpa tɔmbu ba n te taakumɔ ka ben naasu.

<sup>14</sup> Bɛɛya handunian yam bururam. Wuu ge ba swii guuru wɔllɔ, ga ñ beruramɔ. <sup>15</sup> Ba ku ra maa fitila meni, kpa bu tongoro sua bu gu wukiri. Adama ba ra gu sɔndiwa dabu wɔllɔ kpa gu tɔmbu kpuro yam burura be ba wãa yenu sɔɔ. <sup>16</sup> Nge meya i de bɛɛn yam bururam mu burura tɔmbun wuswaaɔ kpa ba n ka bɛɛn sɔm geenu waamɔ, kpa bu wa bu bɛɛn Baaba wɔrukoo bɛɛɛ wɛ.

Woodan gari

<sup>17</sup> Yesu maa nɛɛ, i kun tamaa na nawa n ka Mɔwisin wooda kpeesia ka Gusunɔn sɔmɔbun sɔɔsinu. Aawo, na nawa n ka ye tãsisia. <sup>18</sup> Domi na bɛɛ sɔɔmɔ ka gem, sere wɔllu ka tem mu ka kpe, baa wooda yen yori tombu ga ñ kam mɔ sere ye kpuro yu ka koorã. <sup>19</sup> Yen sɔna baawure wi u woodan gari tia gaa sara, baa yen piibu, ma u gabu sɔɔmɔ bu ko mɛ, wiya ba koo soku piibu ban te Gusunɔ u koo swii sɔɔ. Adama wi u mɔ ye ya gerumɔ ma u ye gabu sɔɔsimɔ, wiya ba koo soku tɔn gisonko Gusunɔn ban te sɔɔ. <sup>20</sup> Domi na bɛɛ sɔɔmɔ, ma n kun mɔ i kua ye Gusunɔ u bikia n kere wooda yɛrɔbu ka Falisiba i ñ duɔ mi Gusunɔ u bandu swii.

Mɔrun gari

<sup>21</sup> Yesu maa nɛɛ, i nua ma ba gasɔgibu sɔɔwa ba nɛɛ, i ku ra tɔnu go, baawure wi u tɔnu go, ba koo ka nùn da siri kowon mi. <sup>22</sup> Adama tɛ, nɛ na bɛɛ sɔɔmɔ, baawure

---

\* 5:13 boru - Bɔɔ te ba ka yã mini ta sãawa nge bɔɔ swãaru. Ta koo kpĩ tu nɔɔ gbi.

wi u ka win tɔnusi mɔru mɔ ba koo ka nɔn da siri kowon mi, baawure wi u win tɔnusi nɛɛ, kambu, ba koo nɔn siri tɔnwerobun wuswaaɔ, baawure wi u maa win tɔnusi mɔ gari bɔkɔ u n̄ koo dɔɔ wi u ku ra gbi sarari. <sup>23</sup> Yen sɔna à n ka Gusunɔ kɛru naawa yɔku yerɔ, ma a yaaya mi, ma wunen tɔnusi u gɔanu neni win gɔruɔ wunen sɔ, <sup>24</sup> a wunen kɛɛ te derio mi, yɔku yerun wuswaaɔ, kpa a yande da a gari yi kpeesia ka yɛro. Yen biru a wurama a Gusunɔ wunen kɛru kɛ.

<sup>25</sup> Goo ù n ka nun dɔɔ siri yerɔ, a yɛro suuru kanɔ fuuku swaa sɔɔ, kpa u ku raa nun siri kowo nɔmu sɔndia, kpa siri kowo u ku nun sandamu nɔmu sɔndia, kpa sandamu u ku nun doke pirisɔm sɔɔ. <sup>26</sup> Na nun sɔɔmɔ ka gem, miya kaa sina sere a ka wunen wooda sarabun gobi kɔsia. Baa faram, a n̄ buremɔ.

#### Sakararun gari

<sup>27</sup> Ma Yesu maa nɛɛ, i nua ma ba gasɔgibu sɔɔwa ba nɛɛ, “I ku ra sakararu ko.” <sup>28</sup> Adama tɛ na bɛɛ sɔɔmɔ, tɔn durɔ ù n tɔn kurɔ mɛera, ma u nɔn bine kua, u ka nɔn sakararu kua kɔ win gɔruɔ. <sup>29-30</sup> Yen sɔna wunen nɔm geun nɔnu gà n nun torasia, a gu wɔwo a kɔ. Wunen nɔm geu gà n maa nun torasia a gu buro a kɔ. N sanɔ a wunen wasin gam bia, ka sere ye wunen wasi kpuro koo doona dɔɔ sɔɔ wi u ku ra gbi.

#### Kurɔ yinabun gari

(I maa mɛerio Mateu 19:9, Maaku 10:11-12, Luku 16:18)

<sup>31</sup> Ma Yesu nɛɛ, ba maa gasɔgibu sɔɔwa ba nɛɛ, “Durɔ wi u win kurɔ yina, u koo kurɔ wi yinanaan tireru wɛ.” <sup>32</sup> Adama tɛ na bɛɛ sɔɔmɔ, baawure wi u win kurɔ yina gɔanun sɔ ma n kun mɔ sakararu, durɔ wiya nɔn sakararu koosia ù n durɔ kpao sua. Durɔ wi u maa goon kurɔ yinaro sua, win tii u sakararu kuawa.

#### Nɔɔ mwɛenun gari

<sup>33</sup> Ma Yesu nɛɛ, i maa nua ma ba kpam gasɔgibu sɔɔwa ba nɛɛ, “A ku ra bɔre ka gari weesugii, adama kaa nɔɔ mwɛɛnu yibia nì sɔɔ a bɔrua Yinnin wuswaaɔ.” <sup>34</sup> Adama tɛ na bɛɛ sɔɔmɔ ì n nɔɔ mwɛɛnu mɔ i ku ra bɔre. I ku ka wɔllu bɔre yèn sɔ ta sãa Gusunɔn sina gɔna. <sup>35</sup> I ku ka tem bɔre yèn sɔ mu sãa Gusunɔn naa sɔnditiru. I ku maa ka Yerusalemu bɔre yèn sɔ ya sãa sina bokon wuu. <sup>36</sup> I ku maa ka bɛɛn wiru bɔre yèn sɔ i ñ kpɛ i sera tia bururasia, i ñ maa kpɛ i ye tĩrasia. <sup>37</sup> I de bɛɛn gere ya n sãa mɛya, ñ kun mɛ aawo, n ñ mɛ. Ye i sɔndimɔ menin wɔllo kpuro, tɔn kɔson min diya ya naamɔ.

*Mɔru kɔsiarun gari*

*(I maa mɛɛrio Luku 6:29-30)*

<sup>38</sup> Ma Yesu nɛɛ, i nua ma ba raa gerua, “Wi u win winsim nɔnu wãa, ba koo maa wiguu wãa. Wi u maa win winsim dondu bua, ba koo maa wigiru buawa.” <sup>39</sup> Adama nɛ na nɛɛ, a ku ka tɔn kɔso sanna. Ù n wunen nɔm geun baaru so, a maa nùn nɔm dwarugiru tĩiyɔ. <sup>40</sup> Goo ù n maa ka nun da siri yerɔ u ka wunen yabe piibu mwa, a de u maa wunen yabe bakaru sua. <sup>41</sup> Goo ù n nun tilasi kua a ka nùn win sɔmunu daawa nge kilo tia, a ka nùn daawo kilo yiru. <sup>42</sup> Goo ù n nun gãanu kana, a nùn wɛɛyɔ. Goo ù n maa gãanu bɔkuram na wunen mi, a ku yina.

*Kĩru yibereban sɔ*

*(I maa mɛɛrio Luku 6:27-28, 32-36)*

<sup>43</sup> Ma Yesu maa nɛɛ, i nua ma ba raa gerua, “A wunen beruse kɔɔ, kpa a wunen yibere tusi.” <sup>44</sup> Adama nɛ na bɛɛ sɔɔmɔ, i bɛɛn yibereba kĩru sɔɔsio, kpa i kanaru ko be ba bɛɛ nɔni sɔɔmɔn sɔ. <sup>45</sup> Nge mɛya i ko ka sɔɔsi ma i sãa bɛɛn Baaba wɔrukoon bibu. Domi u sɔɔ yarisiamɔ tɔn kɔsobu ka tɔn geobun mi. U gura nɛɛsiamɔ geegibu ka gee sarirugibun mi. <sup>46</sup> Ì n bu kĩru sɔɔsimɔ be ba bɛɛ kɔ

tɔna, are yirà i ko n yīiyɔ. Gbere mwaɔbun tii ba ra ko mɛ. <sup>47</sup> Ì n maa bɛɛgibu tɔna tɔbura, sanɔ yerà i gabu kere. Tɔn tukobun tii mam, ba ra ko mɛ. <sup>48</sup> Ñ n mɛn na, i de bɛɛn tɔn giroru tu yibu nge mɛ bɛɛn Baaba wɔrukoogira yiba.

## 6

### Wɔnwɔndun kɛrun gari

<sup>1</sup> Yesu u bu sɔɔwa u nɛɛ, i laakari koowo, i ku bɛɛn gean kobu sɔɔsi batuma sɔɔ, tɔmbu bu ka wan sɔ. Ì n kua mɛ, i ò are gɛɛ wasi bɛɛn Baaba wɔrukoon min di.

<sup>2</sup> Yen sɔ, à n sãarobu gãanu kã, a ku woo kana nge mɛ be ba yɛɛru kasu ba ra ko mennɔ yenɔ ka swɛɛɔ. Ba ra ko mɛ, tɔmbu bu ka bu siaran sɔ. Na bɛɛ sɔɔmɔ ka gem, ba ben are kpuro wa kɔ. <sup>3</sup> Ñ n mɛn na, à n sãaro goo gãanu kɛmɔ, a ku de wunen nɔm dwaru tu gia ye wunen nɔm geu ga mɔ. <sup>4</sup> N weene a gãa gee ni ko asiri sɔɔ, kpa wunen Baaba wi u ra wa ye ya koora asiri sɔɔ u nun are wɛ.

### Kanarun gari

(*I maa mɛɛrio Luku 11:2-4*)

<sup>5</sup> Yesu maa nɛɛ, ò n maa kanaru mɔ, i ku ko nge be ba yɛɛru kasu. Ba ra kã bu kanaru ko ba n yɔ mennɔ yenɔ ka wuu suunun swaa kɛɛnanu sɔɔ kpa tɔmbu kpuro bu ka bu wa. Na bɛɛ sɔɔmɔ ka gem, ba ben are kpuro wa kɔ.

<sup>6</sup> Adama à n kanaru mɔ a doo wunen dii sɔɔwɔ a gambo kɛnɛ, kpa a wunen Baaba kana wi u wã asiri sɔɔ mi. Ma wunen Baaba wi, wi u waamɔ ye a mɔ asiri sɔɔ, u koo nun are wɛ.

<sup>7</sup> I ku bɛɛn kanaru gawa nge tɔn tukobu be ba tamaa Gusunɔ u koo ben kanaru nɔ ben gari gawabun sɔ. <sup>8</sup> I ku bu saari. Bɛɛn Baaba u bɛɛn bukata yɛ i sere nùn kana. <sup>9</sup> Yen sɔ, wee nge mɛ i ko i n da kanaru ko. I n da nɛɛ, besen Baaba wi u wã wɔllɔ, a de ba n yɛ ma wuna sãa Dɛero.

<sup>10</sup> A na a bandu swīi.

A de bu wunen kīru ko tem sǎo mini, nge mε ba mǎ wǎllǎ.

<sup>11</sup> A sun bεsen gison dīanu kē.

<sup>12</sup> A sun bεsen toranu suuru kuo, nge mε be ba ra sun tore,  
sa bu suuru kuamme.

<sup>13</sup> A ku ka sun da kākiribun bera gia.

Adama a sun wuna saa tǎn kǎson nǎmun di.

[Domi wuna a bandu ka dam ka yiiko mǎ sere ka  
baadommaǎ. Ami.]

<sup>14</sup> Domi ì n gabun toranu suuru kua, ni ba bεε kua, bεen  
Baaba wǎllugii u koo maa bεε suuru kua. <sup>15</sup> Adama ì kun  
gabun suuru kue, bεen Baaba u ì koo maa bεε bεen toranu  
suuru kua.

*Nǎo bǎkurun gari*

<sup>16</sup> Ma Yesu nεε, ì n maa nǎo bǎkua i ku de bεen wuswaa  
yu bεen wahala sǎǎsi nge be ba yēru kasu. Ba ra ben  
wuswεε kǎsi kpa gabu bu wa ma ba nǎo bǎkua. Na bεε  
sǎǎmǎ ka gem ba ben are kpuro wa kǎ. <sup>17</sup> Adama à n nǎo  
bǎkua a wubuo kpa a wunen wuswaa gum sawa, <sup>18</sup> kpa  
tǎmbu bu ku tubu ma a nǎo bǎkua, ma n kun mǎ wunen  
Baaba wi u kun waarǎ. Wunen Baaba wi, wi u wǎa asiri  
sǎo mi, u waamǎ ye a mǎ. U koo nun are wē.

*A dukia beruo wǎllǎ*

*(I maa mεerio Luku 12:33-34)*

<sup>19</sup> Ma Yesu nεε, i ku dukia bere handunia sǎo mini, mi  
gemi yi ra di, ka mi ya koo wurura nǎrura, ka mi gbenǎbu  
ba koo du ka dam bu gbeni. <sup>20</sup> Adama i dukia beruo wǎllǎ  
mi gemi ka wurura yen gaa kun kpē yu ye sanku, mi  
gbenǎbu ba ì kpē bu du bu gbeni. <sup>21</sup> Domi mi wunen dukia  
wǎa miya wunen gǎru ga ra n woo.

*Wasin yam fitila*

*(I maa mεerio Luku 11:34-36)*

<sup>22</sup> Ma Yesu nɛɛ, nɔni yi sãawa nge wasin fitila. Wunen nɔni yì n bwãa do, wasi kpurowa yi ko n yam bururam mɔ.  
<sup>23</sup> Adama wunen nɔni yì n barɔ, wasi yi ñ yam bururam wasi. Ñ n men na, yam bururam me mu wãa wune sɔɔ mù n tĩra, anna a yam wõkurun kpãaru nɔ mi!

*A ñ kpɛ a yinnibu yiru sã*

*(I maa mɛerio Luku 16:13)*

<sup>24</sup> Yesu maa nɛɛ, goo kun kpɛ u yinnibu yiru sã. U koo turo tusi kpa u turo kĩa, ñ kun mɛ, u koo turo tii wɛ kpa u turo gem. I ñ kpɛ i Gusunɔ ka dukia menna i sã.

*A Gusunɔ naane koowo*

*(I maa mɛerio Luku 12:22-31)*

<sup>25</sup> Yesu maa nɛɛ, yen sɔ, i ku wurura ka dĩanun gari, ñ kun mɛ ye i ko nɔ i n ka wãa, ñ kun mɛ ye i ko bɛen wasi wukiri. Wãaru ta dĩanu kere, wasi maa yi yãnu kere. <sup>26</sup> I gunɔsu mɛerio. Su ku ra duure su sere gɛ su sere gãanu doke biraru sɔɔ. Ka mɛ, bɛen Baaba wøllugii u su diisiamɔ. Kaa sere gere bɛɛ? I ñ gunɔ si bɛere kere? <sup>27</sup> Wara bɛɛ sɔɔ u koo kpĩ win wururabun saabu u win wãaru sosi baa gɔm soo teeru.

<sup>28</sup> Mban sɔna i ra n wurure yãnun sɔ. I biibii mɛerio ye ya ra kpi gberɔ. Ya ku ra sɔmburu ko, ya ku ra maa tari.

<sup>29</sup> Adama na bɛɛ sɔmɔ, baa Salomɔɔ ka win yiiko baka u ñ buraru koore nge biibii yen tia. <sup>30</sup> Gusunɔwa u yakasu buraru wɛemɔ gberɔ, si su wãa gisɔ adama sia ba koo su kpɛɛ dɔɔ sɔɔ. Yera u ñ koo bɛɛ yãnu wɛ n kere yaka si? Anna a wa mɛ bɛen naane dokebu piibu kua. <sup>31</sup> I ku maa wurura i gere, mba sa ko di, mba sa ko nɔ, ñ kun mɛ mba sa ko wukiri. <sup>32</sup> Gãa nini kpuron weeweena tɔn tukoba mɔ. Adama bɛen Baaba wøllugii u yɛ ma i yeni kpuron bukata mɔ. <sup>33</sup> Yen sɔ, i gina hania koowo i ka du mi Gusunɔ u bandu swĩi kpa i n sãa win tɔn geobu. Yen biru u koo bɛɛ

wē ye ya tie. <sup>34</sup> Tōō baateren wahala ya tu tura. Yen sō, i ku sian wururabu ko, domi sia ya maa yen wahala mō.

## 7

*I kun da n tōmbu sirimō*

*(I maa mēerio Luku 6:37-38, 41-42)*

<sup>1</sup> Yesu u nē, i kun tōmbu sirimō baadomma, Gusunō u ñ maa ka bēē sirimō. <sup>2</sup> Domi nge mē i gabu sirimō, nge mēya Gusunō u koo maa bēē siri. Ma sakaku ge i ka gabu yīruamme, geya ba koo ka bēē yīrua. <sup>3</sup> Mban sōna a yakō mēerimō wunen kraasin nōnu sō ma a ñ dāa bīru laakari mō te ta wāa wunen tiin nōnu. <sup>4</sup> Amōna kaa ka kpī a wunen kraasi sō u de a yakō wuna win nōnun di sanam mē a dāa bīru mō wunen tiin nōnu. <sup>5</sup> Murafiti wunē, a gbiiyo a dāa bīi te wuna wunen tiin nōnun di kpa a yam wa sāa sāa a ka yakō wuna wunen kraasin nōnun di.

<sup>6</sup> I ku gāa dēeranu bōnu wē nu ku ka gōsira nu bēē mōnsima. I ku maa bēēn goo gobiginu kō kususōnun suunu sō. Su koo nu taaku.

*Kanarun gari*

*(I maa mēerio Luku 11:9-13)*

<sup>7</sup> Yesu u nē, i n da bikie, i ko wa i mwa. I n da kasu, i ko wa. I n da gambo so, ba koo bēē kenīa. <sup>8</sup> Domi baawure wi u bikiamō ba koo nùn wē. Wi u kasu u koo wa. Wi u maa gambo soomō ba koo yēro kenīa. <sup>9</sup> Durō wara bēē sō, win bii ù n nùn pēē bikia u koo wura u nùn kperu wē. <sup>10</sup> Ñ kun mē ù n nùn swāa bikia u koo nùn waa wē? <sup>11</sup> Bēē be i sāa tōn kōsobu ma i yē ma ba ra bibu kēē geenu wē, bēēn Baaba wōllugii u ñ koo be ba nùn kanamō gāa geenu wē n bēē kere?

<sup>12</sup> Yen sōna ye i kī tōmbu bu bēē kua i bu kuo mē bēēn tii, domi yeniwa Mōwisin woodan tireru ka Gusunōn sōmōbun sōsibun tubusianu.



*Kənnə ge ga n̄ yasu*

*(I maa mɛɛrio Luku 13:24)*

<sup>13</sup> Yesu u nɛɛ, i duo ka kənnə ge ga n̄ yasu, domi swaa ye ya dɔɔ kam koo yerə ya n̄ baasinaa mə, yen kənnə ga maa yasu ma tən dabinu dumə mi. <sup>14</sup> Adama swaa ye ya dɔɔ wāaru sɔɔ ya sɛ̄, yen kənnə ga n̄ yasu. Ba n̄ maa dabi be ba ge waamə.

*Dāru ka ten binu*

*(I maa mɛɛrio Luku 6:43-44)*

<sup>15</sup> Yesu u maa nɛɛ, i laakari koowo ka sɔmɔ weesugibu. Yāa gɔna ba ra n̄ tii pote, bu ka na bɛɛn mi, adama sɔwɔ ba sāawa nge demakunu ni nu kasu nu go nu tem.

<sup>16</sup> I ko bu gia saa ben kookoosun di nge mɛ ba ra dāru gie saa ten binun di. Ba ra berenu səri awii wəllɔ? Ba koo gandun binu səri saka wəllɔ? <sup>17</sup> Dāa geera ta ra bii geenu ma, kpa dāa kɔsuru tu bii kɔsunu ma. <sup>18</sup> Dāa geeru ta n̄ kpɛ̄ tu bii kɔsunu ma, mɛya maa dāa kɔsuru ta n̄ kpɛ̄ tu bii geenu ma. <sup>19</sup> Dāru baatere te ta n̄ bii geenu marumə ba ra tu burewa bu kɔ̄ dɔɔ sɔɔ. <sup>20</sup> Nge mɛya i ko ka sɔmɔ weesugii be gia saa ben kookoosun di.

*Na n̄ bɛɛ yɛ̄ gam*

*(I maa mɛɛrio Luku 13:25-27)*

<sup>21</sup> Yesu maa nɛɛ, n̄ n̄ mə baawure wi u man sokumə Yinni, Yinni, wiya u koo du mi Gusunə u bandu swii, ma n̄ kun mə wi u nen Baaba wi u wāa wəllən kīru mɔ. <sup>22</sup> Tɔɔ te, t̄a n̄ tunuma, tən dabira ta koo man sɔ̄ tu nɛɛ, Yinni, Yinni sa n̄ gari gerua ka wunen yīsiru? Sa n̄ wɛɛkunu gire ka wunen yīsiru? Sa n̄ maa sɔm damgii dabinu kue ka wunen yīsiru? <sup>23</sup> Sanam mɛya kon bu sɔ̄ batuma sɔ̄ n̄ nɛɛ, na n̄ bɛɛ yɛ̄ gam, i doonə nen min di, bɛɛ be i kɔsa mɔ.

*Banəbu yiru*

*(I maa mɛɛrio Luku 6:47-49)*

<sup>24</sup> Yesu maa nɛɛ, yen sɔ̄, baawure wi u nen gari yini nɔ̄mɔ, ma u yi mem nɔ̄wammɛ, u ko n ka durɔ̄ bwisigii wini weenɛ wi u win diru bana kpee saara wɔ̄llɔ. <sup>25</sup> Gura ya na, daanu yiba ma nim tɛria ma woo ga dii te swee. Adama ta ñ wɔrumɛ yèn sɔ̄ ba te bana kpee saara wɔ̄llɔ. <sup>26</sup> Adama baawure wi u nen gari yini nɔ̄mɔ ma u ñ yi mem nɔ̄wammɛ, u ko n ka durɔ̄ gari bɔkɔ wini weenɛ wi u win diru bana yani sɛeri wɔ̄llɔ. <sup>27</sup> Gura ya na, daanu nu yiba ma nim tɛria ma woo ga dii te swee, ma ta wɔruma. Ma ten wɔrumaa kpɛa.

### *Yesun yiiko*

<sup>28</sup> Ye Yesu u yeni gerua u kpa, tɔn wɔru ge, ga biti kua win sɔ̄sibun sɔ̄. <sup>29</sup> Domi u bu sɔ̄simɔwa nge wi u yiiko mɔ, n ñ mɔ nge ben wooda yɛrobu.

## 8

### *Yesu u wi u bara disigiru barɔ bekia*

*(I maa mɛerio Maaku 1:40-45, Luku 5:12-16)*

<sup>1</sup> Ye Yesu u sara guu ten min di, tɔn wɔrusu nùn swĩi.  
<sup>2</sup> Ma durɔ̄ goo wi u bara disigiru barɔ u na u kpuna win wuswaaɔ u nɛɛ, tɔnwero, à n wura kaa kpĩ a man bekia kpa n dɛera.  
<sup>3</sup> Yesu u win nɔmu demia u nùn baba ma u nɛɛ, na wura, a bekuro kpa a dɛera.

Mii mii u bekura u dɛera saa win bararun di. <sup>4</sup> Ma Yesu u nùn sɔ̄wa u nɛɛ, a nɔ̄mɔ? A ku goo yeni sɔ̄, adama a doo yãku kowon mi u nun mɛeri, kpa a yãkuru ko te Mɔwisi u yiire. Nge mɛya kaa ka baawure sɔ̄si ma a dɛera.

### *Yesu u tabu sunɔ goon yoo bekia*

*(I maa mɛerio Luku 7:1-10)*

<sup>5</sup> Ye Yesu u dua wuu gagu sɔ̄ ge ba ra soku Kapenamu, tabu sunɔ goo da u ka nùn yinna ma u nùn faaba kana <sup>6</sup> u

nεε, tɔnwero, nen yoo u barɔ yenuɔ, baa nɔma u ku ra kpĩ u yĩiya, u nɔni sɔɔre gem gem.

<sup>7</sup> Ma Yesu u nεε, ya wã, kon da n nùn bɛkia.

<sup>8</sup> Tabu sunɔ wi, u wisa u nεε, aawo na ñ tura a du nen yenuɔ. A gesi gari geruo, nen yoo u koo bɛkura. <sup>9</sup> Nen tii na ra gabu wiru kpĩiyε, ma na tabu kowobu mɔ be na kpare. Nà n turo sɔɔwa u doo, u ra n dɔɔwa. Nà n goo sɔɔwa u na, u ra n sisiwa. Nà n maa nen yoo sɔɔwa u yeni koowo, u ra n mɔwa.

<sup>10</sup> Ye Yesu u gari yini nua, u biti kua ma u tɔmbu sɔɔwa be ba nùn swĩ u nεε, ka gem na bεε sɔɔmɔ, na ñ goo waare baa Isireliba sɔɔ wi u naanε doke binin bweseru mɔ. <sup>11</sup> Na bεε sɔɔmɔ ma tɔn dabira koo na saa sɔɔ yari yeru ka duu yerun di kpa bu sina bu di mi Gusunɔ u bandu swĩ ka Aburhamu ka Isaki ka Yakɔbu sannu. <sup>12</sup> Adama be, be n weenε ba n wãa mi, ba koo bu kɔ tɔɔwɔ yam wɔkuru sɔɔ mi ba koo wiru nɔma sɔndi bu swĩ.

<sup>13</sup> Ma Yesu u tabu sunɔ wi sɔɔwa u nεε, u doo yenuɔ. Ye u naanε doke kpuro ya koo nùn kooru.

Ma saa ye sɔɔ mii mii, tabu sunɔ win yoo wi, u bɛkura.

*Yesu u tɔn dabinu bɛkia*

*(I maa mεerio Maaku 1:29-34, Luku 4:38-41)*

<sup>14</sup> Yesu u da Piεen yenuɔ. Ma u deema Piεen kurɔn mero u wasi sundu barɔ u kpĩ. <sup>15</sup> Yesu win nɔmu baba ma wasi sun te, ta yarina. Ma u seewa u nùn nɔri.

<sup>16</sup> Dɔma ten yoka, ba ka tɔn dabinu na be ba wεrekunu mɔ. Yesu u wεreku ni gira ka gari gerubu tɔna, ma u kpuro bɛkia be ba barɔ. <sup>17</sup> U yeni kua kpa Gusunɔn sɔmɔ Esain gari yi ka kooru, yi u nεε, “Win tii u besen wasin dam sariru sua, ma u ka besen baranu doona.”

*Be ba kĩ bu Yesu swĩ*

*(I maa mεerio Luku 9:57-62)*

<sup>18</sup> Ye Yesu u tɔn wɔrusu wa si su nùn sikerenε, ma u nεε, bu de bu da daa burerun guruɔ. <sup>19</sup> Sanam mεya wooda

yěro goo u na win mi, u nɛɛ, yinni, kon nun swīi yam kpuro mi a dɔɔ.

<sup>20</sup> Yesu u nùn wisa u nɛɛ, semusu bweusu mɔ, gunɔsu su maa sokunu mɔ. Adama nɛ Tɔnɔn Bii na n nɛn tii ayeru garu mɔɔwɛ mi kon kpuna.

<sup>21</sup> Yesun bɔɔ goo u maa gerua u nɛɛ, yinni, a de n gina da n nɛn tundo sike.

<sup>22</sup> Yesu u nùn wisa u nɛɛ, a man swīiyɔ, kpa a de gɔribu bu ben gɔribu sike.

*Yesu u nim kurenu marisia*

*(I maa mɛɛrio Maaku 4:35-41, Luku 8:22-25)*

<sup>23</sup> Yesu u goo nimkuu dua ma win bwāaba nùn swīi ge sɔɔ. <sup>24</sup> Yandɛ ma woo bɔkɔ ga seewa daa bure te sɔɔ, sere nim kurenu nu goo ge wukiri. Adama Yesu u do. <sup>25</sup> Bwāa be, ba da ba nùn yamia ba nɛɛ, Yinni a sun faaba koowo sa kam kobu dɔɔ.

<sup>26</sup> Yesu u nɛɛ, mban sɔna i bɛrum mɔ, bɛɛ naanɛ doke piibugibu.

Ma u seewa u woo ka nim kure ni yiire nu mari ma n mari sɔɔ sɔɔ. <sup>27</sup> Be kpuro ba bitɛ kua ba nɛɛ, durɔ weren bwesera wini. Baa woo ka nim kurenu mam nu nùn mɛm nɔɔwammɛ.

*Yesu u wɛɛkunugibu yiru beki*

*(I maa mɛɛrio Maaku 5:1-20, Luku 8:26-39)*

<sup>28</sup> Yesu u tura Gadaran temɔ daa bure ten guruɔ, ma durɔbu yiru gaba ka nùn yinna be ba yarima sikan di. Durɔ be, ba wɛɛkunu mɔ ba sɛ gem gem sere goo ku ra kākɔ u swaa ye sɛ. <sup>29</sup> Ma ba yandɛ gbāra ba nɛɛ, mba n sun mɛnɛ bɛsɛ ka wunɛ Gusunɔn Bii. A nawa a ka sun tɔya ko saa yu sere turi?

<sup>30</sup> Ba kurusɔ wuu bakaru garu wɛndɛ sāa ta dimɔ.

<sup>31</sup> Wɛɛku ni, nu Yesu kana nu nɛɛ, à n kaa sun gira a de su du kurusɔ ni sɔɔ.

<sup>32</sup> Yesu u nɛɛ, i doo.

Ye nu yara ma nu da nu dua kurusɔ ni sɔɔ. Yera kurusɔ wuu te kpuro ta duki sarama guurun di ta wɔri daa bure te sɔɔ, ta nim diira.

<sup>33</sup> Durɔ be ba raa kurusɔ ni kparamɔ, ba duki doona wuu sɔɔ. Ma ba tɔmbu gari yi kpuro sɔɔwa ka ye n wɛrɛkunugii be yiru deema. <sup>34</sup> Ma wuu gen tɔmbu kpuro ba yara ba Yesu sennɔ da. Ye ba nùn wa ba nùn suuru kana ba nɛɛ, u yario ben tem di.

## 9

*Yesu u durɔ* goo bekia

*wìn* wasin bee tia gu

(*I* maa mɛerio Maaku 2:1-12, Luku 5:17-26)

<sup>1</sup> Yesu u goo nimkuu dua ma u wure u daa bure te tɔbura, ma u tura win tiin wuuɔ. <sup>2</sup> Tɔmbu gabu ba ka nùn durɔ goo naawa wìn wasin bee tia ya gu. Durɔ wi, u kpĩ kpinu wɔllɔ. Ye Yesu u ben naanɛ dokebu wa, u barɔ wi sɔɔwa u nɛɛ, bii durɔbu, a ku mwia kpana, a wunen durum suuru wa.

<sup>3</sup> Ma wooda yɛrobu gaba bwisika ba tii sɔɔwa ba nɛɛ, durɔ wini u Gusunɔ wɔmmɔwa.

<sup>4</sup> Yesu u yɛ ye ba bwisikumɔ ma u nɛɛ, mban sɔna i kɔsa bwisikumɔ bɛen gɔruɔ. <sup>5</sup> Yerà ya sɛsɔ bo, n tɔnu sɔ u win durum suuru wa, ñ kun mɛ n nùn sɔ u seewo u sī. <sup>6</sup> Na kī i n yɛ ma Tɔnun Bii u yiiko mɔ handunia sɔɔ u ka tɔnun durum suuru ko.

Yen sɔna u barɔ wi sɔɔwa u nɛɛ, a seewo a wunen kpinu sua kpa a we yenuɔ.

<sup>7</sup> Durɔ wi, u seewa ma u sīa win yenuɔ. <sup>8</sup> Ye tɔn be, ba yeni wa bɛrum bu mwa ma ba Gusunɔ siara yèn sɔ u yiiko yen bweseru tɔnu wɛ.

*Yesu u Mateu* soka

(*I* maa mɛerio Maaku 2:13-17, Luku 5:27-32)

<sup>9</sup> Yesu u doona min di. Ye u sīimō swaaw u gbere mwaw goo wa wi ba ra soku Mateu u sō gbere yerō. Ma u nūn sōowa u nēē, a man swīiyō.

Ma Mateu u seewa u nūn swīi.

<sup>10</sup> Ye Yesu u dimō durō win yenuō, gbere mwaabu ka kōsan kowobu dabinu ba na ba sina ka Yesu ka win bwāabu sannu. <sup>11</sup> Falisi gaba wa mē, ma ba win bwāabu bikia ba nēē, mban sōna bēen yinni u dimō ka gbere mwaabu ka kōsan kowobu.

<sup>12</sup> Yesu u ben gari yi nua ma u nēē, be ba bwāa do ba n̄ timgiin bukata mō ma n̄ kun mō be ba barō. <sup>13</sup> I doo i Gusunōn garin tubusianu kasu yi yi nēē, “Wōnwōnda na kī, n̄ n̄ mō yākuru.” Domi na n̄ nē n̄ ka geegibu soku ma n̄ kun mō torobu.

*Nōw bōkurun gari*

*(I maa mēerio Maaku 2:18-22, Luku 5:33-39)*

<sup>14</sup> Ma Yohanu Batēmu kowon bwāaba na Yesun mi ba bikia ba nēē, mban sōna bēē ka Falisiba sa ra nōw bōke, adama wunē, wunen bwāabu ba ku ra nōw bōke.

<sup>15</sup> Yesu u bu wisa u nēē, be ba soka kurō kpaā yerō ba ko n̄ nukuru sankire sanam mē kurō kpaon durō wāa ben suunu sōw? Aawō, adama saa ya sisi yē sōw ba koo kurō kpaon durō wōra ben min di. Saa yera ba koo nōw bōke.

<sup>16</sup> Goo ku ra yāa tākōnu kōre ka yasi kpaā ye ba n̄ nim doke. Û n̄ kua mē, yasi kpaā ye, ya koo gawana kpa yu yāa tākō ni gīam sosi. <sup>17</sup> Goo ku ra maa tam kpmam doke gōnan bōw tākōnu sōw. Û n̄ kua mē, bōw ni, nu koo kura kpa tam mē, mu yari kpa bōw nu sankira. Adama ba ra tam kpmam wisiwa gōnan bōw kpaanu sōw. Sanam mē, ye yiru yen gaa kun sankiramō.

*Wirugii goon bii ka kurō wi u Yesun yaberu baban gari*  
*(I maa mēerio Maaku 5:21-43, Luku 8:40-56)*

<sup>18</sup> Sanam me Yesu u bu yeni sɔwɔ wirugii goo u na u yiira win wuswaaɔ u nɛɛ, nen bii tɔn kurɔ u gu tɛ, adama a na a nɔn nɔmu sɔndi kpa u se.

<sup>19</sup> Ma Yesu u seewa ka win bwɔabu ba durɔ wi swii.

<sup>20</sup> Sanam me ba dɔɔ, kurɔ goo wi u yem wiiibu barɔ saa wɔɔ wɔkura yirun di, u susi Yesun biruɔ u win yaberun swaa bua baba. <sup>21</sup> U gerua win tiin gɔruɔ u nɛɛ, ù n gesi win yaberu baba u koo bekura.

<sup>22</sup> Yesu u siira u nɔn wa ma u nɛɛ, kurɔ wunɛ, a ku mwia kprana, wunen naane dokebu nun bekia.

Yande ma kurɔ wi, u bekura.

<sup>23</sup> Ye Yesu u tura wirugii win dirɔ, yera u deema gaba guunu soomɔ ma be kpuro ba sirene. <sup>24</sup> Ma u nɛɛ, i yario beɛ kpuro, wɔndia wi kun gu, u dowa.

Ma be kpuro ba nɔn yaakorɔ wɔri. <sup>25</sup> Ye ba tɔmbu yara ba kpa Yesu u dua u wɔndia win nɔmu nenua, ma wɔndia wi, u seewa. <sup>26</sup> Yenin labaari ya kpararawa tem me kpuro sɔɔ.

*Yesu u wɔkɔbu yiru bekia*

<sup>27</sup> Yesu u doona min di. Nge me u win sanum dɔɔ, wɔkɔbu yiru gaba nɔn swii. Ba nɔɔguru sue ba mɔ, Dafidin sikadobu, a besen wɔnwɔndu waawo.

<sup>28</sup> Ye Yesu u dua dirɔ wɔko be, ba na win mi, ma u bu bikia u nɛɛ, i naane sɔa ma kon kpɔ n yeni ko?

Ma ba nɛɛ, meya Yinni.

<sup>29</sup> Sanam meya Yesu ben nɔni baba ma u nɛɛ, n beɛ kooro nge me i naane sɔa.

<sup>30</sup> Ma ba yam wa. Yera Yesu u bu sɔɔwa u sire u nɛɛ, bu ku raa goo yeni sɔ.

<sup>31</sup> Adama ye ba doona min di kese ba win labaari kparam wɔri tem me kpuro sɔɔ.

*Yesu u soso bekia*

<sup>32</sup> Ye tɔn be, ba doona ma gaba ka durɔ goo na Yesun mi, wi u s̄a soso yèn s̄ɔ u wɛrɛku gagu mɔ win wasi sɔɔ.

<sup>33</sup> Sanam mɛ Yesu u wɛrɛku ge gira durɔ wi, u gari gerubu wɔri. Ma tɔmba biti kua ma ba nɛɛ, sa ñ yenin bweseru waare Isireli sɔɔ.

<sup>34</sup> Adama Falisiba nɛɛ, wɛrɛkunun wirugiiwa u nùn dam wē u ka nu gira.

*Yesu u tɔmbu wɔnwɔndu kua*

<sup>35</sup> Yesu u bɔsu wuu marosu kpuro sɔɔ ka baru kpaanɔ. U keu s̄ɔs̄imɔ ben mennɔ yenɔ u Gusunɔn bandun Labaari gea kparamɔ, ma u tɔmbu bekiamɔ saa bararu ka wasin dam sariru bwese bwesekan di. <sup>36</sup> Ye u tɔn wɔrusu wa ben wɔnwɔnda nùn mwa yèn s̄ɔ ba wurure ma ba yarinɛ nge yāa ni nu kun kparo mɔ. <sup>37</sup> Ma u win bwāabu s̄ɔɔwa u nɛɛ, ye ya ye bu ka gē ya kpā, adama be ba gēɛmɔ ba ñ dabi. <sup>38</sup> Yen s̄ɔ, i gbee yēro kanɔ u kparam tɔmbu mɔrisiama bu ka gē.

## 10

*Bwāabu wɔkura yiru yen yīsa*

*(I maa mɛɛrio Maaku 3:13-19, Luku 6:12-26)*

<sup>1</sup> Yesu u win bwāabu wɔkura yiru menna ma u bu yiiko wē bu ka wɛrɛkunu gira, kpa bu bararu ka wasin dam sariru baatere bekia. <sup>2</sup> Bwāabu wɔkura yiru yen yīsa wee. Gbiikoo Simɔɔ wi ba ra soku Pieɛ ka win wɔnɔ Andere, ka Yakɔbu ka win wɔnɔ Yohanu, Sebeden bibu, <sup>3</sup> ka Filipu ka Baatelemi ka Tomaa ka Mateu wi u raa s̄a gbere mwaɔ, ka Yakɔbu Alufen bii ka Tade, <sup>4</sup> ka Simɔɔ wi u win tem gari kī, ka Yudasi Isikariɔtu wi u tɔmbu Yesu nɔmu sɔndia.

*Yesu u bwāabu wɔkura yiru gɔra*

*(I maa mɛɛrio Maaku 6:7-13, Luku 9:1-6)*

<sup>5</sup> Yesu u tɔmbu wɔkura yiru ye gɔra ka wooda yeni u nɛɛ, i ku swaa gaa swīi ye ya dɔɔ tɔn tukobun tem gia, i ku



maa Samarigibun wuu gagu du. <sup>6</sup> Adama i doo Isireliban mi, be ba kōra nge yāanu. <sup>7</sup> I doo i kpara i nεε, Gusunō u sisi u bandu swīi. <sup>8</sup> I barōbu bekio, i gōribu seeyo, i be ba bara disigiru mō bekio bu dεera, kpa i wεrekunu gira tōmbun wasi sōn di. Yèn sō i wa kōsiaru sari, i maa wēeyō n kun ka kōsiaru. <sup>9</sup> I ku dukia gaa sua i ka da, nge wura n kun mε sii geesu, n kun mε sii gandu bεen bōrō. <sup>10</sup> I ku ka yāa kureru da, n kun mε yaberu yiruse, n kun mε baranu n kun mε dεka. N weenε bu sōm kowo wē yèn bukata u mō u n ka wāa.

<sup>11</sup> Ì n tura wuu marō n kun mε wuu piibu sō, i de i mεeri wi u weenε u bεε dam koosia, kpa i sina win yenuō sere i ka sī wuu gen min di. <sup>12</sup> Ì n yenu gagu dua i gen tōmbu tōbirio kpa i nεε, Gusunō u bεε alafia kē. <sup>13</sup> Yenu gegibu bà n ka alafia ye weenε, i de ya n wāa be sō, adama bà kun ka weenε, i de yu wurama bεen mi. <sup>14</sup> Wuu gagu n kun mε yenu gagun tōmbu bà n maa yina bu bεε dam koosia, bu sere bεen gari swaa daki, i doonō min di kpa i bεen naasun tua bu kpare. <sup>15</sup> Ka geema na bεε sōmō, siribun sanam Gusunō u koo Sodomu ka Gomōragibu wōnwōndu sōsi n kere wuu gen tōmbu.

*Nōni swāaru te ta sisi*

*(I maa mεerio Maaku 13:9-13, Luku 21:12-17)*

<sup>16</sup> Yesu maa nεε, wee, na bεε gōrimō nge yāanu demakunun suunu sō. I de i n bwisi mō nge wεε, kpa i n ka kparukonu weenε taki sariru sō. <sup>17</sup> I laakari koowo domi gaba koo bεε mwa bu ka da siri yerō, kpa bu bεε seni so ben mēnō yenō. <sup>18</sup> Ba koo bεε siri tem yērobu ka sinambun wuswaā nēn sō, kpa i ka seeda di ben mi ka tōn tukobun mi. <sup>19</sup> Bà n ka bεε da siri yerō, i ku wurura ka gari yi i ko gere. I ku maa wurura nge mε i ko gerusina. Saa ye, yà n tura, i ko wa gari yi i ko gere. <sup>20</sup> Domi gari yi i

ko gere yi ñ ko n sãa bæegii, yi koo nawa saa bæen Baaban Hunden min di wi u wãa bæe sɔɔ.

<sup>21</sup> Gaba koo ben wɔnɔbu ñ kun me ben maabu sɔɔsi bu ka bu go. Baababa ba ko maa ko me ben bibu sɔɔ, ma bibu ba koo ben mɔwɔbu kɔrumɔtɔnu kua bu ka bu go.

<sup>22</sup> Baawure u koo bæe tusi nen yĩsirun sɔ. Adama wi u temana sere ka nɔrɔ u koo faaba wa. <sup>23</sup> Bã n bæe nɔni sɔɔwa wuu teu sɔɔ, i duki doonɔ wuu gagun mi. Na bæe sɔɔmɔ ka gem, i ñ ko i Isirelin wusu kpuro sasiri i kpe, Tɔnun Bii u ka tunuma.

<sup>24</sup> Mɛero sari wi u win sɔɔsio kere. Yoo maa sari wi u win yinni kere. <sup>25</sup> Ñ n men na, n tura mɛero u ka win sɔɔsio weena kpa yoo u ka win yinni weena. Bã n yenu yẽro sokumɔ Beseburu, ba koo win yenugibu yĩsi kɔsunu kɛ n kere wi.

*Win* berum n weene i ko

(*I* maa mɛerio Luku 12:2-7)

<sup>26</sup> Yesu maa nɛɛ, yen sɔ, i ku ben berum ko, domi ye ya wukiri ya koo tera, yen asirin gãanu maa sari ni ba ñ koo gia. <sup>27</sup> Ye na bæe sɔɔmɔ yam wɔkuru sɔɔ, i ye geruo yam bururam sɔɔ. Ye i maa nua asiri sɔɔ, i yɔɔwo gidambisa wɔllɔ i ka ye kpuro kpara. <sup>28</sup> I ku bu nasia be ba koo wasi tɔna go, be ba ñ kpɛ bu hunde go. Adama i yẽro nasio wi u koo kpĩ u wasi ka hunde go sannu dɔɔ wi u ku ra gbi sɔɔ.

<sup>29</sup> I ñ ko kpĩ i gunɔminu yiru dwe ka faram? Ka me, baa nin teu, ga ñ koo wɔruma temɔ ma n kun mɔ bæen Baaba u wura. <sup>30</sup> Bæe maa, ba mam bæen wirun serin geeru yɛ.

<sup>31</sup> Ñ n men na, i ku berum ko, i gunɔminu bæere kere sere mi n toma.

*Wi u Kirisi wura*

tɔmbun wuswaaɔ

(*I* maa mɛerio Luku 12:8-9)

<sup>32</sup> Yesu maa nɛɛ, baawure wi u man wura tɔmbun wuswaaɔ, kon maa yẽro wura nen Baaban wuswaaɔ wi

u wãa wõllo. <sup>33</sup> Adama wi u man yina tãmbun wuswaaã, kon maa yẽro yina nen Baaban wuswaaã wi u wãa wõllo.

*Alafia ka takobin gari*

*(I maa mæerio Luku 12:51-53, 14:26-27)*

<sup>34</sup> Yesu maa nɛɛ, i kun tamaa na nawa handuniaã n ka alafia wẽ, aawo, takobiwa na ka na. <sup>35</sup> Na nawa n ka sannã doke bii tãn durã ka win tundon suunu sãã, ka maa bii tãn kurã ka win meron suunu sãã, ka maa kurã mero ka win dwaã meron suunu sãã. <sup>36</sup> Tãnun yenujibu beya ba ko n sãã win yibereba.

<sup>37</sup> Wi u win tundo ñ kun me win mero kĩ n man kere u ñ tura u n ka sãã negii. Nge meya wi u win bii kĩ n man kere u ñ tura u n ka sãã negii. <sup>38</sup> Ma wi u kun win dãã bunanaru sue u n ka man swii u ñ tura u n ka sãã negii.

<sup>39</sup> Wi u kĩ u win wãaru di ka win gõru kĩru u koo tu bia. Adama wi u win wãaru yina nen sã u koo tu wa ka gem.

*Aren gari*

*(I maa mæerio Maaku 9:41)*

<sup>40</sup> Yesu maa nɛɛ, wi u bæɛ dam koosia nena u dam koosia. Wi u maa man dam koosia, u wi u man gõrima dam koosiawa. <sup>41</sup> Wi u Gusunon sãmã dam koosia yèn sã u sãã Gusunon sãmã, u koo are wa nge Gusunon sãmãgii. Wi u maa tãn geo dam koosia, yèn sã u sãã tãn geo, u koo are wa nge tãn geogii. <sup>42</sup> Wi u bwẽɛbwẽɛ benin turo gãanu kã yèn sã u sãã nen bõã, baa ñ n nim nøruram na, na bæɛ sããmã ka gem, yẽro kun win are biamã.

## 11

*Yohanu Batemu kowon gõrobu*

*(I maa mæerio Luku 7:18-35)*

<sup>1</sup> Sanam me Yesu u win bwãabu wøkura yiru ye bwisi yi kã u kpa, u doona min di u da bera yen wuu marosu gia u ka keu sããsi kpa u maa ka waasu ko.

<sup>2</sup> N deema Yohanu Batemu kowo u Yesu wi ba m̀ Kirisin sɔman gari nua sere pirisɔm diru mi u w̃a. Yera u ǹn win bw̃abun gabu g̃ria <sup>3</sup> bu ka ǹn bikia, wiya wi u koo be na? Nge ba n kpao mara.

<sup>4</sup> Yesu bu wisa u n̄ε, i g̃siro i Yohanu tusia ye i nua ka ye i wa. <sup>5</sup> W̃koba yam waam̃, yem̃ba s̃im̃, ba be ba bara disigiru m̃ bekiam̃ bu ka d̄era, sosoba gari n̄om̃, ba g̃ribu seeyam̃ g̃rin di, ma ba s̄arobu Labaari gea waasu kuamm̄. <sup>6</sup> Doo n̄orug̃iwa wi nen gari kun torasiam̃.

<sup>7</sup> Ye Yohanun bw̃aba s̃ia Yesu u Yohanun gari t̄n dabiru s̄ɔbu w̄ri u n̄ε, mba i yara i m̄erim da g̃babur̃. Yak̃ ge woo ga toorim̃? Aawo. <sup>8</sup> N̄ n men na, mba i m̄erim da. Dur̃ wi u ȳa b̄ereginu sebua? Na b̄ε s̄ɔm̃ be ba ȳa b̄ereginu sebua ba w̃a sina kpaañ. <sup>9</sup> Mba i re kobu da. Gusun̄n s̄om̃wa i m̄erim da? M̄ya na b̄ε s̄ɔm̃, ȳro mam Gusun̄n s̄om̃ kere sere mi n toma. <sup>10</sup> Domi Yohanu wiya w̃n s̄ Gusun̄n gari n̄ε, “N wee na nen s̄om̃ g̃riɔ wunen wuswaa wi u koo wunen swaa s̄m̄.” <sup>11</sup> Ka gem na b̄ε s̄ɔm̃, be t̄n kur̃ba mara s̄ɔ goo kun Yohanu Batemu kowo kere. Adama wi u ȳkabu bo ban te Gusun̄ u sw̃i s̄ɔ u ǹn kere. <sup>12</sup> Saa m̃n di Yohanu wi u waasu m̃ sere ka t̄̄ ba ban te kasuwa ka dam, ma damgiba tu mwaam̃. <sup>13</sup> M̄wisi u ban ten gari gerua win wooda s̄ɔ. Gusun̄n s̄om̃bu kpuro ba maa yi gerua sere ka Yohanu Batemu kowon waati. <sup>14</sup> N̄ n k̃i i tubu, wiya Eli wi, wi u koo ra na. <sup>15</sup> Wi u swaa m̃ u ka ñ, u n̄ɔw̃.

<sup>16</sup> Mba kon ka t̄n t̄mbu weesina. Ba ka bibu ween̄ be ba s̄ yabur̃ ba sokunam̃ ba m̃, <sup>17</sup> sa b̄ε guuru soowa ma i n̄ yawa, sa b̄ε g̃ɔ womu kua, i n̄ maa sw̃. <sup>18</sup> Domi Yohanu Batemu kowo u na u n̄ di u n̄ n̄ra nge gabu, ma ba n̄ε u wer̄ekunu m̃wa. <sup>19</sup> T̄nun Bii maa na u dim̃ u n̄rum̃, ma ba gerum̃ ba m̃ u s̄a dim̃ k̃iro ka tam n̄ro,

ka maa gbere mwaɔbu ka kɔsan kowobun bɔrɔ. Ka mɛ, Gusunɔn bwisi yi ra sɔɔsi ma yi sɔa gem yin kookoosun di.

*Wuu sɪn tɔmba yinamɔ*

*bu naane doke*

*(I maa mɛerio Luku 10:13-15)*

<sup>20</sup> Ma Yesu u wuu si gerisim wɔri mi u sɔm maamaakigii dabinu kua, domi sin tɔmba kun bwisika ba ben gɔru gɔsie. <sup>21</sup> U nɛɛ, nuku sankiranugiiwa wunɛ Kɔraseni. Nuku sankiranugiiwa wunɛ Besaida, domi bɔ n sɔm maamaakigia ye kua Tiri ka Sidoni sɔɔ ye ba kua bɛɛn suunu sɔɔ, wuu sin tɔmbu ba ko n daa gɔru gɔsie saa tɛɛbun di ba n sɔ torom sɔɔ ba n saaki sebua nuku sankiranun sɔ. <sup>22</sup> Yen sɔ, na bɛɛ sɔɔmɔ, siribun sanam sɔɔ Tiri ka Sidonigia koo ko kpakaka ka bɛɛ. <sup>23</sup> Wunɛ maa Kapenamu, a yɪiyɔ kaa suara sere wɔllɔ? Aawo, ba koo nun surewa sere gɔriɔ. Domi sɔm maamaakigia ye ya kooa wunɛ sɔɔ, yɔ n kooa Sodomuɔ, wuu ge, ga n wɔa ka gisɔ. <sup>24</sup> Yen sɔna na bɛɛ sɔɔmɔ, siribun sanam Sodomugia koo ko kpakaka ka wunɛ.

*I na nen mi i wɛrabu mwa*

*(I maa mɛerio Luku 10:21-22)*

<sup>25</sup> Saa ye sɔɔ, Yesu u nɛɛ, Baaba, wɔllu ka tem Yinni, na nun siara yɛn sɔ a yabu ye bibu sɔɔsi baa mɛ a ye bwisigibu ka yɛrugibu berua. <sup>26</sup> N wɔ Baaba, domi meya n ka nun naawa wunen kɪru sɔɔ.

<sup>27</sup> Nen Baaba man baayere kpuro wɛ. Goo sari wi u Bii wi yɛ ma n kun mɔ Baaba wi. Goo maa sari wi u Baaba wi yɛ ma n kun mɔ Bii ka maa wi Bii u kɪ u nɔn sɔɔsi.

<sup>28</sup> I na nen mi bɛɛ kpuro, bɛɛ be i ka bɛɛn sɔmunu wasira, kon bɛɛ wɛrasia. <sup>29</sup> I wuro n bɛɛ kpara kpa i ko nen bwɔabu, domi nɛ tɔn duuduo ka tii kawowa, meya kon de

i n wāa bəri yendu sɔɔ. <sup>30</sup> Domi yoo te kon bɛɛ diisia ta ñ wahala mɔ, sɔmu ni kon maa bɛɛ sɔbi nu ñ bunu.

## 12

Tɔɔ wɛrarugirun gari

(I maa mɛerio Maaku 2:23-28, Luku 6:1-5)

<sup>1</sup> Sɔɔ mɛerun biru, tɔɔ wɛrarugiru garu sɔɔ, Yesu ka win bwāabu ba alikama gbaaru bukianɛ ba doonɔ. N deema gɔɔra win bwāabu mɔ ma ba alikama wɔka ba temmɔ. <sup>2</sup> Ye Falisiba ba wa mɛ, ba Yesu sɔɔwa ba nɛɛ, u mɛerio ye win bwāaba mɔ ye wooda ya nɛɛ bu ku ko tɔɔ wɛrarugiru sɔɔ.

<sup>3</sup> Yesu bu sɔɔwa u nɛɛ, i ñ garire ye Dafidi kua sanam mɛ gɔɔra bu mɔ wi ka win tɔmbu? <sup>4</sup> U dua Gusunɔn dirɔ ma u pɛɛ sua ye ba Gusunɔn yiiye ma wi ka win tɔmbu ba di. N deema n ñ weenɛ bu pɛɛ ye di ma n kun mɔ yāku kowobu tɔna. <sup>5</sup> Nge i ñ garire Mɔwisin wooda sɔɔ ma tɔɔ wɛrarugiru sɔɔ, yāku kowo be ba sɔmburu mɔ sāa yerɔ, ba ku ra tɔɔ wɛrarugiru mɛm nɔwɛ. Ba ñ maa sāa taaregibu. <sup>6</sup> Adama na bɛɛ sɔɔmɔ gāanu wāa mini ni nu sāa yeru kpāaru kere. <sup>7</sup> Ì n daa tuba ye Gusunɔn gari gerua yi yi nɛɛ, “Wɔnɔnda na kī, n ñ mɔ yākuru,” i ñ daa taare sarirugibu taare wɛɛmɔ. <sup>8</sup> I de i n yɛ ma Tɔnu Biiwa u tɔɔ wɛrarugiru kua.

Durɔ wìn nɔm teu ga gu

(I maa mɛerio Maaku 3:1-6, Luku 6:6-11)

<sup>9</sup> Ma Yesu doona min di, u dua ben mennɔ yerɔ. <sup>10</sup> Durɔ goo wāa mi, wìn nɔm teu ga gu. Be ba wāa mi, ba Yesu bikia ba nɛɛ, ñ n man na, n weenɛ bu tɔnu bekia tɔɔ wɛrarugiru sɔɔ? Ba gerua mɛ, bu ka wa bu nùn durum mani.

<sup>11</sup> Ma Yesu maa bu bikia u nɛɛ, bɛɛn goo ù n yāaru mɔ ma ta nùn dɔkɔ kpiriru wɔriri tɔɔ wɛrarugiru sɔɔ, u ñ koo

da u tu gawa u yara? <sup>12</sup> Tõnu kun yãaru kere mi n toma? Ñ n men na, ya wã tõnu u gea ko tãõ wẽrarugiru sãõ.

<sup>13</sup> Yera u durõ wi sãõwa u nẽẽ, u win nõmu ge demio.

U ge demia ma ga wẽra nge gen teu. <sup>14</sup> Falisiba ba yara ba da ba wesiana mẽ ba koo ko bu ka Yesu go.

Sõm kowo wi Gusunõ u gõsa

<sup>15</sup> Ye Yesu u gia ma ba kĩ bu nùn gowa, u gẽera saa min di ma tøn dabira nùn swĩi. Ma u barõbu kpuro bekia.

<sup>16</sup> Adama u bu sãõwa u sire u nẽẽ, bu ku raa goo sã wi u sãa. <sup>17</sup> N koora nge mẽ, kpa gari yi Gusunõn sãmõ Esai u yorua yi ka koora. <sup>18</sup> Gari yi sãõ, Gusunõ u nẽẽ,

“Nen sãm kowo wi na gõsa wee, nen kĩnasi wì sãõ nen gõru dobu kpuro wãa.

Na kon nùn nen hunde wẽ, kpa u nen gem kpara bwesenu kpuron mi.

<sup>19</sup> U ñ ka goo sikirinamõ u ñ maa gbãramõ.

Meya maa goo kun win nãõ nãõmõ wuun suunu sãõ.

<sup>20</sup> U ñ koo tøn be ba sunkure nge kaba dakura.

U ñ koo maa bu go baa bà n sãa nge fitila ge ga gãõ dãõ, sere u ka de gem mu tabu di,

<sup>21</sup> kpa bwesenu kpuro nu nin yĩiyõbu doke win yĩsiru sãõ.”

*Yesu ka tii yinamõ*

*(I maa mẽerio Maaku 3:22-30, Luku 11:14-23)*

<sup>22</sup> Ba ka Yesu durõ goo naawa wi werekunu nu kua wãko ka soso. Yesu durõ wi bekia. U yam wa ma u gari gerubu wõri. <sup>23</sup> Ma tøn wõru kpuro ga biti soora ga nẽẽ, ñ n man na ka gem n ñ Dafidin sikadobu mini re?

<sup>24</sup> Adama ye Falisiba ba nua mẽ, yera ba gerua ba nẽẽ, werekunun sunõ Beseburun dama Yesu u ka werekunu giramõ.

<sup>25</sup> Nge mẽ Yesu ben bwisikunu yẽ, u bu sãõwa u nẽẽ, bandu baatere tèn tõmbu ba tabu m̀ ben tii tiine sãõ ta

koo ko bansu. Meya maa wuu baagere ò kun me yenu baagere gèn tàm̄ba ba tabu m̄ò ben tii tiine s̄ò ga ò koo t̄e. <sup>26</sup> Ñ̄ n men na, Setam yà n Setam giram̄ò, ya ka yen tii tabu m̄òwa. Am̄ona yen bandu ta koo ka t̄e. <sup>27</sup> Ñ̄ n s̄ã Beseburun dama na ka w̄erekunu giram̄ò, ka weren dama b̄een bw̄ãaba ka nu giram̄ò. Yenin s̄õna ben tii ba koo s̄õsi ma i tore. <sup>28</sup> Adama ò n Gusun̄on Hunden na, na ka w̄erekunu giram̄ò, yeya ya s̄õsim̄ò ma Gusun̄ò u bandu sw̄ii b̄een suunu s̄ò.

<sup>29</sup> Am̄ona t̄onu koo ka du damgiin yenuò u ka win ȳãnu gura ma n kun m̄ò u gina gbia u damgii wi b̄okua. Ò n n̄un b̄okua, yera u koo kp̄i u win ȳãnu gura.

<sup>30</sup> Wi u kun s̄ã negii u ka man yibere t̄eeru neniwa. Ma wi u ku ra ḡãanu menn̄e ka n̄e sannu u ra ni yarinasiwa. <sup>31</sup> Yen s̄õna na b̄ee s̄õm̄ò t̄amba koo kp̄i bu toranu kpuro ka gari kam gerubu kpuron suuru wa. Adama wi u Hunde D̄eero gari kam gerusim̄ò, u ò yen suuru wasi pai. <sup>32</sup> Baawure wi u n̄e T̄onun Bii gari kam gerusi ba koo ȳẽro suuru kua. Adama baawure wi u Hunde D̄eero gari kam gerusim̄ò, ba ò ȳẽro suuru kuamme saa gis̄on di sere ka sia mam.

*D̄ãru ka ten binu*

*(I maa m̄eeriò Luku 6:43-45)*

<sup>33</sup> Ma Yesu maa n̄e, à n d̄ã geeru duura kaa bii geenu wa. À n maa d̄ã k̄õsuru duura bii k̄õsuna kaa s̄ari. Domi d̄ãrun binun diya ba ra tu tubu. <sup>34</sup> Waa ḡos̄orun bweseru b̄ee! Am̄ona i ko ka gari gee gere b̄ee be i s̄ã t̄on k̄õsobu. Domi ye ya yiba ḡõruò ya yarim̄ò, yeya n̄ò ga gerum̄ò. <sup>35</sup> T̄on geo u ra ḡã geenu yarewa ḡã geenu s̄õn di ni nu berua win ḡõruò. T̄on k̄õso maa ḡã k̄õsunu yaram̄ò ḡã k̄õsunu s̄õn di ni nu berua win ḡõruò. <sup>36</sup> Na b̄ee s̄õm̄ò gari kpuro yi t̄amba gerum̄ò, yi s̄õra ba koo bu siri siribun



sanam. <sup>37</sup> Domi wunen garin diya ba koo nun gem wẽ. Yin min diya ba koo maa nun taare wẽ.

*Tamba yĩreru bikia*

*(I maa mɛerio Maaku 8:11-12, Luku 11:29-32)*

<sup>38</sup> Yera wooda yẽrobu ka Falisi gabu ba Yesu sãowa ba nɛɛ, keu koosio, sa kĩ a yĩreru garu ko su wa.

<sup>39</sup> U bu wisa u nɛɛ, tẽn tɔn kãsobu be ba ñ ka Gusunɔ turo yɔ̃ ba yĩreru bikiamɔ. Adama yĩreru garu maa sari te ba koo bu sãsi ma n kun mɔ Gusunɔn sɔmɔ Yonasigiru.

<sup>40</sup> Domi nge mɛ Yonasi kua sãɔ sɔɔ ita ka wõkuru ita swãa bakan nukurɔ, nge meya maa nɛ Tɔnun Bii kon ko sãɔ sɔɔ ita ka wõkuru ita tem nukurɔ. <sup>41</sup> Siribun sanam sɔɔ Ninifugibu ba koo tẽn tɔmbu seesi bu bu taare wẽ domi ba ben wãaru gɔsia Yonasin waasun sã. Wee tẽ gãanu wãa mini ni nu Yonasi kere. <sup>42</sup> Siribun sanam tɔn kurɔ sunɔ wi u na saa nim nɔɔn sãɔ yẽsan di u koo tẽn tɔmbu seesi u bu taare wẽ yèn sã win tem tonde mìn di u na u ka Salomɔɔn bwisin gari nɔ. Wee tẽ gãanu wãa mini ni nu Salomɔɔ kere.

*Werekunun wuramaru*

*(I maa mɛerio Luku 11:24-26)*

<sup>43</sup> Ma Yesu maa nɛɛ, werekunu nù n doona tɔnun min di, nu ra n bɔsuwa mi gãanu ku ra kpi nu n wẽra yeru kasu nu n bie. <sup>44</sup> Yera nu ra nɛɛ, nu koo gɔsira nin wãa yerɔ mìn di nu raa doona. Nu ra wurame kpa nu deema ta wãa diiru ta kurare ta sɔnde. <sup>45</sup> Kpa nu da nu ganu nɔɔba yiru kasuma ni nu ni kãsuru kere kpa nu du yẽro sɔɔ nu n wãa mi. Ma durɔ win wãa gbiikiru ta koo sãaya ka sere dãakiru. Nge meya n ko n ko ka tẽn tɔn kãso beni.

*Berà ba sãa Yesun wɔnɔbu*

*ka win mero*

*(I maa mɛerio Maaku 3:31-35, Luku 8:19-21)*

<sup>46</sup> Sanam me Yesu u ka tɔn wɔru gari mɔ, wee win mero ka win wɔnɔbu ba yɔ tɔwɔ ba kɪ bu ka nɔn gari ko. <sup>47</sup> Sanam meya goo nɔn sɔwɔ u nee, wunen mero ka wunen wɔnɔbu ba yɔ tɔwɔ ba kɪ bu ka nun gari ko.

<sup>48</sup> Adama Yesu u yɛro bikia u nee, wara nen mero. Berà maa nen wɔnɔbu.

<sup>49</sup> Ma u win bwãabu nɔmu tɔi u nee, beya mini be ba sãa nen mero ka nen wɔnɔbu. <sup>50</sup> Domi baawure wi u nen Baaba wɔrukoon kɪru mɔ, wiya nen wɔnɔ ka nen sesu ka nen mero.

## 13

*Dɔa bwese yɛkon gari*

*(I maa mɛerio Maaku 4:1-9, Luku 8:4-8)*

<sup>1</sup> Sɔw tee te sɔw, Yesu u yara yenun di u da u sina daa burerun goorɔ. <sup>2</sup> Ma tɔn wɔru ga nɔn mɛnne sere u dua goo nimkuu sɔw u sina. Ma tɔn be kpuro ba yɔ daa bure ten goorɔ. <sup>3</sup> U bu gãa dabinu sɔwɔ ka mɔnnu u nee, durɔ goowa yara u dɔa bweseru yɛkam dɔw. <sup>4</sup> Nge me u yɛkamɔ sukum wɔri swaa baarɔ, ma gunɔsu na su di. <sup>5</sup> Ma sukum gam wɔri kpee saara wɔllɔ mi tem kun duku. Ma mu kpia mii mii yɛn sɔ tem kun duku mi. <sup>6</sup> Sanam me sɔw gura u kpɪi te yania ta gbera yɛn sɔ ta n gbini beke mɔ. <sup>7</sup> Sukum gam maa wɔri sãkin suunu sɔw. Ma sãki ka mu kpɛa sannu ma yi mu sɛkene yi go. <sup>8</sup> Adama sukum gam wɔri tem gem sɔw ma mu binu mara, gam gum wunɔbu (100), gam gum wata, gam gum tena.

<sup>9</sup> Ma u nee, wi u swaa mɔ u ka nɔ, u nɔwɔwɔ.

*Mɔnnun asansi*

*(I maa mɛerio Maaku 4:10-12, Luku 8:9-10)*

<sup>10</sup> Yera win bwãaba da ba nɔn deema ba bikia ba nee, mban sɔna u ra ka bu mɔnnu gari sɔ.

<sup>11</sup> Ma u bu wisa u nee, beeya ba Gusunɔn bandun asiri sɔwsi, adama be ba tie, ba n bu sɔwsi. <sup>12</sup> Domi wi u gãanu

mə, wiya ba koo sosia kpa win m̄aru tu kp̄ã. Adama wi u kun ḡãanu mə, fiiko ye u mə, yera ba koo maa n̄un w̄arari. <sup>13</sup> Yenin s̄õna na ka bu m̄õnnu gari s̄õm̄o. Domi ba m̄ērim̄o adama ba ñ waam̄o. Ba swaa daki adama ba ñ n̄õm̄o n sere bu yeeri. <sup>14</sup> Nge m̄eya gari yi Esai u gerua ben s̄õ yi s̄õsiram̄o, ye u n̄ē,

“I ko n n̄õm̄o ka gem, adama n ñ koo b̄ē yeeri.

I ko n m̄ērim̄o adama i ñ ko i wa.

<sup>15</sup> Domi t̄õn benin ḡõru ga ñ biti m̄o.

Ba ben tiin swaa k̄õrua, ba n̄õni yinwa.

Kpa bu ku wa ka ben n̄õni.

Kpa bu ku n̄õ ka ben swaa.

Kpa bu ku gia ka ben bwisi.

Kpa bu ku raa ka ḡõsirama nen mi n ka bu bekiã.”

<sup>16</sup> Doo n̄õrugiba b̄ē, ȳen s̄õ b̄ēen n̄õni waam̄o, b̄ēen swaa maa n̄õm̄o. <sup>17</sup> Ka geema na b̄ē s̄õm̄o, Gusun̄õn s̄õm̄õbu dabiru ka win t̄õn geobu ba k̄iã bu wa ye i waam̄o t̄ẽ, ba ñ maa ye wa. M̄eya ba maa k̄iã bu n̄õ ye i n̄õm̄o t̄ẽ, ba ñ maa nua.

### M̄õn ten tubusianu

(I maa m̄ērio Maaku 4:13-20, Luku 8:11-15)

<sup>18</sup> Ma Yesu u n̄ē, t̄ẽ i m̄õn ten tubusianu n̄õw̄o t̄ẽ ta ka bwese ȳẽko ȳã mi. <sup>19</sup> Be ba Gusun̄õn bandun gari n̄õm̄o ma yi ñ bu yeeri, ba ka swaa baaru weene mi bwese te, ta w̄ari. T̄õn k̄õso wi, u ra n̄e u wuna ye ba duura ben ḡõruo.

<sup>20</sup> Gaba maa ka kp̄ee saaran tem m̄e weene mi bwese ten gara w̄ari. Ba gari yi n̄õm̄o, mii mii ba yi mwaam̄o ka nuku dobu. <sup>21</sup> Adama ba ñ derim̄o yi gbini ko ben ḡõruo. Ma ba ñ ȳõram̄o n ka t̄e. Sanam m̄e wahala ñ kun m̄e n̄õni sw̄ara tunuma gari yin s̄õ kpa bu biru wura yande.

<sup>22</sup> Gaba maa bwese te mwa nge tem s̄ãkunugum s̄õ. Ba gari yi nua adama handunian w̄ãarun wururabu ka gobin n̄õni w̄õkubu bu gari yi t̄ēsi, yi ñ maa binu mara. <sup>23</sup> Gaba

maa bwese te mwa nge tem gem sɔɔ. Beya be ba gari yi nɔɔmɔ ma yi bu yeerimɔ. Ma ba binu marumɔ gabu wunɔbu (100), gabu wata, gabu tena.

*Yaka kɔ̄susun mɔ̄ndu*

<sup>24</sup> Yesu kpam bu mɔ̄ndu kua u nɛɛ, n wee ye Gusunɔn bandun gari yi ka weene. Durɔ goowa u dĩa bwese geeru duura win gbaarɔ. <sup>25</sup> Sanam mɛ baawure kpuro u dweeya, durɔ win yiberɛ u na, u yaka kɔ̄susu duura alikama ye sɔɔ, ma u doona. <sup>26</sup> Ma alikama ya kpia ya kpɛa ya marumɔ, ma yaka kɔ̄su si, su maa kpia ma ba kpɛa sannu. <sup>27</sup> Gbaa yɛron sɔm kowoba na ba nɛɛ, yinni, n ñ dĩa bwese geera a duura wunen gbaarɔ? Ma gian diya yaka kɔ̄su sini. <sup>28</sup> Ma u bu wisa u nɛɛ, yiberɛwa, u kua mɛ. Sɔm kowo be, ba nùn bikia ba nɛɛ, ñ n men na, a kī su da su yaka kɔ̄su si wukiri? <sup>29</sup> Ma u nɛɛ, aawo domi ñ n su wukirimɔ tɛ, ka alikama sanna ko i ra wukiri. <sup>30</sup> I de ye yiru kpuro yu kpɛa sannu sere gɛɛbun saa yà n tura. Sanam mɛya kon sɔm kowobu sɔ̄ bu gina yaka kɔ̄su si mennɔ bu bɔkunu ko bu dɔɔ doke, yen biru bu sere alikama gɛ bu menna nen biraru sɔɔ.

*Mutaadin biman gari*

*(I maa mɛɛrio Maaku 4:30-32, Luku 13:18-19)*

<sup>31</sup> Yesu kpam bu mɔ̄ndu garu kua u nɛɛ, Gusunɔn banda ka mutaadin bima weene ye durɔ goo u sua u duura win gbaarɔ. <sup>32</sup> Dãa binu kpuro sɔɔ yeya ya piiburu bo. Adama yà n kpia ya kpa ya gberun kiku baagere kpãaru kere. Domi ya ra ko dãru sere gunɔsu ra nɛ su sin sokunu ko ten kãasin wɔllo.

*Pɛɛ seeyatian gari*

*(I maa mɛɛrio Luku 13:20-21)*

<sup>33</sup> Yesu kpam bu mɔ̄ndu garu kua u nɛɛ, Gusunɔn banda ka pɛɛ seeyatia weene ye kurɔ goo sua u doke sakaku nɔɔ itan som sɔɔ, ma mɛ kpuro mu seewa mu kukua.

*Məndun yaasi*

*(I maa mɛɛrio Maaku 4:33-34)*

<sup>34</sup> Ka mənna Yesu u ra tən wəru gari yi kpuro sɔ̄, u ku ra bu gāanu sɔ̄ n kun ka mənnu. <sup>35</sup> Nge mɛya Gusunən səmən gari yi kooru yi yi nɛɛ,

“Mənna ko na n da ka bu gari sɔ̄. Na kon maa ye gere batuma sɔ̄ ye ya kukua saa handunian taka kobun di.”

*Yesu yaka kɔ̄susun gari tubusia*

<sup>36</sup> Sanam mɛya Yesu u seewa tən wəru gen min di u dua yenuɔ̄. Ma win bwāaba da win mi ba nɛɛ, a sun mən te tubusio te ta ka yaka kɔ̄su sin gari yā mi.

<sup>37</sup> Ma u bu wisa u nɛɛ, Tənun Biiwa u dīa bwese gee te duura. <sup>38</sup> Handunia yera ya sāa gbaaru. Gusunən bandun biba ba sāa dīa bwese gee te. Tən kɔ̄so win biba ba maa sāa yaka kɔ̄su si. <sup>39</sup> Setamwa maa sāa yiberɛ wi u su duura. Gɛɛbun saa maa sāa handunian kpeeru. Gusunən gɔradobara ba maa sāa gbaa səm kowobu. <sup>40</sup> Nge mɛ ba ra yaka kɔ̄susu wunɛ bu dɔ̄ doke, nge mɛya n ko n ko handunian kpeeru sɔ̄. <sup>41</sup> Tənun Bii u koo win wəllun gɔradoba gɔrima, bu ka baayere wuna ye ya tambu torasiamɔ̄ mi u bandu dii, ka be ba kɔ̄sa mɔ̄. <sup>42</sup> U koo maa bu kpɛɛ dɔ̄ wi u ku ra gbi sɔ̄, mi ba koo wiru nɔ̄ma sɔ̄ndi bu swī. <sup>43</sup> Sanam mɛ sɔ̄ra be ba kua ye Gusunɔ̄ u bikia ba ko n ballimɔ̄ nge sɔ̄ mi ben Baaba u bandu swīi. Wi u swaa mɔ̄ u ka nɔ̄, u nɔ̄wɔ̄.

*Dukia ye ya beruan gari*

<sup>44</sup> Yesu maa nɛɛ, Gusunən bandu ta maa sāawa nge dukia ye ya berua gbaaru sɔ̄. Ye durɔ̄ goo ye kame ma u ye berum sənwa. Ma u da ka nuku dobu u dɔ̄ra kpuro ye u mɔ̄, ma u gɔsirama u gbaa te dwa.

*Goo gobigirun gari*

<sup>45</sup> Yesu maa nɛɛ, Gusunɔn bandu ta maa sãawa nge goo gobigii ni nu wã, ni tenku goo u kasu. <sup>46</sup> Sanam mɛ u nin teeru wa te ta gobi mɔ too, ma u da u win baayere dɔra ye u mɔ, ma u tu dwa.

#### Yãakororun gari

<sup>47</sup> Yesu maa nɛɛ, Gusunɔn bandu ta kpam sãawa nge yãakororu te ba ra kpɛɛ nim wɔku sɔɔ kpa tu swɛɛ bwese bweseka mwa. <sup>48</sup> Tã n yiba ba ra gawame guruɔ, kpa bu sina bu gɔsi ye ya wã bu doke bireru sɔɔ, kpa bu ye ya kun gea sãa yari. <sup>49</sup> Nge meya n ko n sãa handunian kpeeru sɔɔ. Wɔllun gɔradoba ba koo na bu tɔn kɔsobu ka geegibu wunana. <sup>50</sup> Kpa bu tɔn kɔso be doke dɔɔ wi u ku ra gbi sɔɔ. Miya ba koo nɔma wiru sɔndi bu swĩ.

#### Dukia kpaa ka gura

<sup>51</sup> Yesu u bu bikia u nɛɛ, yabu ye kpuro ya bɛɛ yeeri?

Ma ba nɛɛ, oo.

<sup>52</sup> Yera u bu sɔɔwa u nɛɛ, wooda yɛro baawure wi u Gusunɔn bandun gari gia, u ka yenu yɛro weene wi u gãa kpaanu ka gãa gurunu wunamɔ win dukian di.

#### Nasaretigiba kun Yesu wure

(*I* maa mɛerio Maaku 6:1-6, Luku 4:16-30)

<sup>53</sup> Ye Yesu u mɔn ni kpuro kua u kpa, ma u doona min di. <sup>54</sup> U da win tiin wuuɔ ma u tɔmbu keu sɔɔsim wɔri ben mennɔ yerɔ sere be kpuro ba biti soora. Ma ba nɛɛ, man diya u bwisi yinin bweseru waama. Amɔna u ka kpãa u sɔm maamaakigii nini mɔ. <sup>55</sup> N ñ dãa dãkon bii wi mini? N ñ wiya wi Maari mara? N ñ win wɔnɔba Yakɔbu ka Yosefu ka Simɔɔ ka Yudu? <sup>56</sup> N ñ ka win sesubu kpuro sanna sa wãa mini? Ñ n men na, man diya u dam mɛ kpuro wa.

<sup>57</sup> Yeni kpuro ya bu yinari bu nùn naane doke. Yera Yesu bu sɔɔwa u nɛɛ, gam sari mi Gusunɔn sɔmɔ ku ra n bɛɛre mɔ ma n kun mɔ win tiin temɔ ka win yenuɔ.

<sup>58</sup> U ñ maa sɔm damgii dabinu kue mi, ben naane dokebu sarirun sɔ.

## 14

*Yohanu Batemu kowon gɔɔ*

*(I maa mɛerio Maaku 6:14-29, Luku 9:7-9)*

<sup>1</sup> Saa ye sɔra Herodu, Galilen tem yɛro u Yesun baaru nua. <sup>2</sup> Ma u win sɔm kowobu sɔɔwa u nɛɛ, Yohanu Batemu kowowa u seewa gɔrin di. Yen sɔna u dam mɔ u ka sɔm maamaakiginu mɔ.

<sup>3-4</sup> N deema Yohanu Batemu kowo raa Herodu sɔɔwa ma n ñ weene u win wɔnɔ Filipun kurɔ Herodia sua kurɔ. Yen sɔna Herodu u Yohanu Batemu kowo mwa ma u dera ba nùn bɔkua ba doke pirisɔm dirɔ Herodia win sɔ.

<sup>5</sup> Ma u kɪ u nùn go, adama u tɔmbun nɔnu nasie yèn sɔ ba nùn mɛera Gusunɔn sɔmɔ.

<sup>6</sup> Adama dɔma te ba Herodun maru tɔru yaayamɔ, Herodian bii wɔndia u dweebu dua u yawa. N Herodu dore, <sup>7</sup> sere u nùn nɔ mweeru kua ka bɔri u ka nùn wɛ ye u koo nùn bikia kpuro. <sup>8</sup> Ye u win mɛron gere nua u Herodu sɔɔwa u nɛɛ, a man Yohanu Batemu kowon wiru wɛɛma mini pɛrenti sɔɔ.

<sup>9</sup> Sunɔ win nukura sankira, adama u nɛɛ bu nùn tu wɛɛyo. U gerua mɛ yèn sɔ u bɔrua win tɔmbun wuswaaɔ.

<sup>10</sup> Ma u gɔra ba Yohanu wiru bura pirisɔm dirɔ. <sup>11</sup> Ba wii te kpɛɛma pɛrenti sɔɔ ba bii wi wɛ ma u ka win mero tu daawa. <sup>12</sup> Ma Yohanun bwãaba na ba win goru sua ba sikua ma ba da ba Yesu sɔɔwa.

*Yesu u tɔmbu nɔrɔbun*

*suba nɔɔbu diisia*

*(I maa mɛerio Maaku 6:30-44, Luku 9:10-17, Yohanu 6:1-14)*

<sup>13</sup> Ye Yesu u nua mɛ, u doona min di. U goo nimkuu dua u da gɔburɔ wi turo. Sanam mɛ tɔmba nua mɛ, ba yara

wusun di ma ba nùn naa gira mi gia ka naasu. <sup>14</sup> Ye Yesu u yara goon di, u tòn wòru guna wa. Ben wənwənda nùn mwa ma u yande ben barəbu bekiam wəri.

<sup>15</sup> Sanam mɛ sɔɔ duə win bwāaba na win mi ba nɛɛ, wee, gɓaburu sɔɔra sa wāa mini, sɔɔ maa kpa. A tòn be karo bu da baru kpaanɔ bu ben tii dīanu dwia.

<sup>16</sup> Ma Yesu bu sɔɔwa u nɛɛ, n n̄ tilasi bu ka doona. Bɛɛn tii i bu dīanu wɛɛyɔ.

<sup>17</sup> Yera ba nɛɛ, pɛɛ nɔɔbu tənawa sa mɔ mini ka swɛɛ yiru.

<sup>18</sup> Ma u nɛɛ, i man ye wɛɛma mini.

<sup>19</sup> Yen biru u nɛɛ, tòn wòru ge, gu yakasu yamɔ gu sina. Ma u pɛɛ nɔɔbu ka swɛɛ yiru ye sua u wuswaa seeya wəllɔ u Gusunɔ siara. Ma u pɛɛ ye murura u win bwāabu wɛ ba tòn wòru ge yabua. <sup>20</sup> Ben baawure di u deba. Ye ba di n tiara ba gure birenu wəkura yiru sɔɔ ba ka doona. <sup>21</sup> Be ba di ben geera tura tɔnu nərɔbun suba nɔɔbu (5.000), tòn kurɔbu ka bibu baasi.

*Yesu u sīimɔ nim wəllɔ*

*(I maa mɛɛriɔ Maaku 6:45-52, Yohanu 6:15-21)*

<sup>22</sup> Yen biru mii mii Yesu dera win bwāaba goo nimkuu dua ba nùn gbiiyɔ bu ka tɔbura guru giɔ. Sanam meya win tii u tòn wòru yarinasiyamɔ. <sup>23</sup> Ye u bu yarinasia u kpa u yɔɔwa guuru wəllɔ wi turo u ka kanaru ko. Ma u wāa mi, wi tɔna, sere yam mu ka tīra. <sup>24</sup> N deema saa ye sɔɔ, goo nimkuu ge, ga wāa nim suunu sɔɔ. Nim kurenu gu bərikiamɔ yèn sɔ woo ga gu nəm bira koosi. <sup>25</sup> Buru buru yam sāreru, yera Yesu u sīimɔ nim wəllɔ u dɔɔ win bwāabun bera gia. <sup>26</sup> Adama sanam mɛ ba nùn wa u sīimɔ nim wəllɔ, ba berum soora ba nɛɛ siiniwa.

Ma ba kuuki wəri berum saabu. <sup>27</sup> Adama mii mii Yesu ka bu gari kua u nɛɛ, i ku mwia kpana, nena, i ku berum ko.



<sup>28</sup> Yera Piεε nùn sǝw̃a u nεε, Yinni, ñ n wunen na, a man nǝw̃ kǝỹɔ n na wunen mi nim wǝll̃ɔ.

<sup>29</sup> Ma Yesu nεε, a na.

Yera Piεε u yara goon di u nim nǝw̃ sǝndi u s̃iim̃ɔ u dǝw̃ Yesun mi. <sup>30</sup> Adama ye u woo laakari kua berum nùn mwa. Ma nge mε u numm̃ɔ u wura kua u nεε, Yinni, a man faaba koowo.

<sup>31</sup> Mii mii Yesu nǝma demia u nùn nɛnua ma u nεε, naane doke piibugii wunε, mban sǝna a sika kua.

<sup>32</sup> Be yiru kpuro ba dua goo sǝw̃ ma woo ga mari. <sup>33</sup> Yera be ba wǝa goo ge sǝw̃, ba yiira Yesun wuswaaǝ ba nεε, ka geema wunε Gusuñn Biiwa.

*Yesu u barǝbu bekia Genesaretin temǝ  
(I maa mεerio Maaku 6:53-56)*

<sup>34</sup> Ba tǝbura ba kpa ba tura Genesaretin temǝ. <sup>35</sup> Tem min tǝmba Yesu tuba ma ba win labaari yǝbi yam kpuro ma u tunuma. Ma ba ka nùn ben barǝbu kpuro naawa. <sup>36</sup> Ba nùn kana u gesi de bu win yaberun swaa bua baba. Be ba maa ye baba kpuro ba bekura.

## 15

*Sikadoban deema  
(I maa mεerio Maaku 7:1-13)*

<sup>1</sup> Yera Falisiba ka wooda yǝrobu gabu ba na Yesun mi saa Yerusalemun di, ba nùn bikia ba nεε, <sup>2</sup> mban sǝna wunen bwǝabu ba ñ besen sikadoban deema mem nǝw̃wammε. Domi ba ku ra nie bu sere di.

<sup>3</sup> Yesu bu wisa u nεε, bεε maa ni, mban sǝna i ra Gusuñn wooda sare ma i sere bεen deema neni. <sup>4</sup> Domi Gusuñɔ u nεε, “A wunen tundo ka wunen mero bεere wǝỹɔ.” U maa nεε, “Wi u win tundo ñ kun mε win mero kǝsa gerusi ba koo nùn gowa.” <sup>5</sup> Adama bεε i gerum̃ɔ ma goo ù n win tundo ñ kun mε win mero sǝw̃a u nεε, win dukia ye u koo kp̃i u ka nùn somi ya kua Gusuñɔgia, <sup>6</sup> n ñ maa weenε durǝ wi, u win tundo ñ kun mε win mero

somi. Nge meya i Gusunon gari tæsimō ma i bæen deema swii. <sup>7</sup> Murafiti bæe, ka geema bæen sōna Gusunō u gerua saa Esain nōon di u nœe,

<sup>8</sup> “Tōn beni ba man bæere wẽemō ka nōo. Adama ben gōru ga ka man toma.

<sup>9</sup> Kama ba man sāmō.

Domi tōmbun woodawa ya kua ben sōosiru.”

*Ye ya tōnu mō disigii*

*(I maa mæerio Maaku 7:14-23)*

<sup>10</sup> Ma Yesu u tōn wōru soka u nœe, i nōowō kpa i de n bæe yeeri. <sup>11</sup> N ñ mō ye ya dumō tōnun nōo sōo yera ya nùn mō disigii, ma n kun mō ye ya yarimō saa win nōon di, yeya ya ra tōnu ko disigii.

<sup>12</sup> Yera win bwāaba na win mi ba nœe, n ñ a yẽ ma gari yi a gerua mi, yi Falisiba duawa mi ya.

<sup>13</sup> U bu wisa u nœe, dāru baatere te nen Baaba wōrukoo kun duure ba koo tu wukawa. <sup>14</sup> I bu derio. Swaa gbio wōkoba. Wōko ù n maa win wōkosi swaa gbiiye be yiru kpurowa ba koo tokoro wōri.

<sup>15</sup> Piæe nùn sōowa u nœe, a sun mōn te tubusio.

<sup>16</sup> Yesu u nœe, n ñ bæen tii yeeri ka tẽ? <sup>17</sup> I ñ yẽ ma ye ya dumō nōo sōo kpuro nukurōwa ya dōo? Ma ñ n sosi ya koo yari wasin di. <sup>18</sup> Adama ye ya yarimō nōon di, gōrun diya ya wee. Yeya ya ra tōnu ko disigii. <sup>19</sup> Domi gōrun diya bwisiku kōsunu wee, ka tōn goberu, ka sakararu, ka kōo mennabu tantanaru sōo ka gbena ka weesu ka tōn sankubu. <sup>20</sup> Yeya mi, ye ya ra tōnu ko disigii. Adama nōm kesenun dibu ku ra tōnu ko disigii.

*Kurō sōo goo u Yesu*

*naane doke*

*(I maa mæerio Maaku 7:24-30)*

<sup>21</sup> Yen biru Yesu doona min di u da Tiri ka Sidonin bera gia. <sup>22</sup> Kurō Kananiyii goo wi u wāa bera mi, u na win mi,

ma u nɔɔgiri sua u nɛɛ, Yinni, Dafidin sikadobu, a nen wɔnwɔndu waawo. Nen bii tɔn kurɔ u werɛkunu mɔ nu nùn nɔni sɔɔwa too.

<sup>23</sup> Ka mɛ, Yesu kun nùn gari gɛɛ wisa. Ma win bwāaba na win mi, ba nùn kana u de kurɔ wi, u doona min di domi u kuuki mɔ u ka bu swīi biruɔ.

<sup>24</sup> U bu wisa u nɛɛ, Isireliba tɔnan miya ba man gɔrima be, be ba kɔɔre nge yāanu.

<sup>25</sup> Adama kurɔ wi, u na Yesun wuswaaɔ u yiira u nɛɛ, Yinni, a man somiɔ.

<sup>26</sup> Yesu nùn sɔɔwa u nɛɛ, n ò weene bu bibun dīanu sua bu bɔnu kɔɔwa.

<sup>27</sup> Kurɔ wi nɛɛ, geema, Yinni. Ka mɛ, bɔnu ra dīa buri di yi yi wɔruma nin yinnibun tabulun di.

<sup>28</sup> Yera Yesu nùn sɔɔwa u nɛɛ, kurɔ wunɛ, wunen naane dokebu kpā too. N koo nun kua nge mɛ a kī.

Saa ye sɔɔ, ma kurɔ win bii wi, u bekura.

*Yesu u barɔ dabinu bekia*

<sup>29</sup> Yesu u doona min di u da Galilen daa burerun goorɔ. Ma u yɔɔwa guuru wɔllɔ u sina. <sup>30</sup> Yera tɔn wɔru guna na win mi. Ba ka yɛmɔbu na ka wɔkɔbu ka alebugibu ka sosobu, ka kpam barɔ dabinu ba yi Yesun wuswaaɔ, ma u bu bekia. <sup>31</sup> Biti baka tɔn be mwa ye ba wa sosoba gari mɔ, alebugiba bekura, yɛmɔba sīimɔ, wɔkɔba yam waamɔ, ma ba Gusunɔ Isireliban Yinni siarabu wɔri.

*Yesu u tɔmbu nɔrɔbun*

*suba nne diisia*

*(I maa mɛɛrio Maaku 8:1-10)*

<sup>32</sup> Yesu u win bwāabu soka u nɛɛ, tɔn benin wɔnwɔnda man mɔ. Yen sɔɔ ita wee ye ba ka wāa nen mi, gāanu kun maa bu tie ni ba koo di. Na ò maa kī n bu kara ka gɔɔru kpa bu ku raa dam bia swaaɔ bu wɔri.

<sup>33</sup> Win bwāaba nùn bikia ba nɛɛ, mana sa ko sere dīanu wa gbaburu sɔɔ mini ni nu koo tɔn dabi teni debu.

<sup>34</sup> Yesu bu bikia u nɛɛ, pɛɛ nyewa i sere mɔ.

Ma ba nɛɛ, wasi nɔɔba yiru ka swɛɛ piiminu ganu.

<sup>35</sup> Yesu u tɔn wɔru ge sinasia temɔ. <sup>36</sup> Ma u pɛɛ nɔɔba yiru ye sua ka swɛɛ yi, u Gusunɔ siara ma u murura u win bwãabu wɛ ba tɔn wɔru ge yabua. <sup>37</sup> Be kpuro ba di ba deba. Ye ba di n tia ba gure birenu nɔɔba yiru sɔɔ ba ka doona. <sup>38</sup> Be ba ye di ben geera tura tɔnu nɔɔɔbun suba nɛɛ (4.000), tɔn kurɔbu ka bibu baasi. <sup>39</sup> Ye u tɔn wɔru ge yarinasia u kpa, u goo nimkuu dua u da Magadan tem gia.

## 16

*Falisiba ka Sadusiba*

*ba yĩreru bikia*

*(I maa mɛɛrio Maaku 8:11-13, Luku 12:54-56)*

<sup>1</sup> Falisiba ka Sadusiba ba na Yesun mi, bu ka win laakari mɛɛri, ba nùn bikia ba nɛɛ, u bu sɔɔsi ka yĩreru garu ma win dam weewa saa Gusunɔn min di. <sup>2</sup> Adama Yesu bu sɔɔwa u nɛɛ, saa ye sɔɔ kpeeyɔ i ra nɛɛ, yam koo dora gisɔ domi wɔlla sɔri. <sup>3</sup> Ñ n bururun na, i ra nɛɛ, gura koo ne gisɔ domi wɔlla swãa ka wɔka tobe kua. I wɔllun yĩrenu wunanamɔ, adama i ñ kpɛ i saa yenin yĩrenu tubu. <sup>4</sup> Tɛn tɔn kɔsobu be ba ñ ka Gusunɔ turo yɔ ba yĩrenu bikiamɔ. Adama yĩreru garu maa sari te ba koo bu sɔɔsi ma n kun mɔ Gusunɔn sɔmɔ Yonasigiru.

Ma u bu deri u doona.

*Falisiba ka Sadusiban*

*pɛɛ seeyatia*

*(I maa mɛɛrio Maaku 8:14-21)*

<sup>5</sup> Ye win bwãaba tɔburɔ guru giɔ, ba duari bu pɛɛ kusenu ko. <sup>6</sup> Yera Yesu bu sɔɔwa u nɛɛ, i kpure kpure ko, i n tii sɛ ka Falisiba ka Sadusiban pɛɛ seeyatia.

<sup>7</sup> Bwãa be, ba wesiana ba nɛɛ, u gerua mɛ yèn sɔ̃ ba ò pɛɛ kusenu kue.

<sup>8</sup> Yesu ben bwisikunu gia ma u bu bikia u nɛɛ, mban sɔ̃na i wesiana i nɛɛ, yèn sɔ̃ i ò pɛɛ kusenu kue, yen sɔ̃na na gerua mɛ. Naanɛ doke piibugii bɛɛ. <sup>9</sup> N ò bɛɛ yeeri sere ka tɛ̃? I ò pɛɛ nɔ̃bu ye yaaye ye na murura tɔ̃mbu nɔ̃rɔ̃bun suba nɔ̃bun (5.000) sɔ̃? Ka sukum mɛ n tian birenun geeru? <sup>10</sup> I ò maa pɛɛ nɔ̃ba yiru ye yaaye ye na murura tɔ̃mbu nɔ̃rɔ̃bun suba nɛn (4.000) sɔ̃? Ka sukum mɛ n tian birenun geeru? <sup>11</sup> Amɔna i ò ka tuba ma na ò ka pɛɛ yã. I n tii sɛ ka Falisiba ka Sadusiban pɛɛ seeyatia.

<sup>12</sup> Sanam mɛya bwãa be, ba tuba ma u ò ka pɛɛ seeyatia yã. Adama u bu sɔ̃mɔwa ba n tii sɛ ka Falisiba ka Sadusiban sɔ̃sinu.

*Piɛɛ u nɛɛ, Yesu u sãawa*

*wi Gusunɔ̃ u gɔsa*

*(I maa mɛɛrio Maaku 8:27-30, Luku 9:18-21)*

<sup>13</sup> Yesu u tura Sesare Filipin temɔ. Ma u win bwãabu bikia u nɛɛ, wara tɔ̃mba gerumɔ Tɔ̃nun Bii u sãa.

<sup>14</sup> Ba nùn wisa ba nɛɛ, gaba gerumɔ Yohanu Batemu kowowa a sãa. Gaba maa mɔ Eliwa. Gaba maa kpam gerumɔ wunɛ Yemiwa ò kun mɛ, Gusunɔ̃n sɔ̃mɔbun turo.

<sup>15</sup> Yesu u nɛɛ, bɛɛ maa ni, wara i gerumɔ na sãa.

<sup>16</sup> Simɔɔ Piɛɛ nɛɛ, wuna mi, wi Gusunɔ̃ u gɔsa, wi, Yinni wason Bii.

<sup>17</sup> Yera Yesu nùn wisa u nɛɛ, doo nɔ̃rugiiwa wunɛ Simɔɔ, Yohanun Bii, domi n ò mɔ tɔnu u nun yeni sɔ̃si, ma n kun mɔ nɛn Baaba wi u wãa wɔllɔ. <sup>18</sup> Nena na nun sɔ̃mɔ ma na nun soka kperu \*.

<sup>19</sup> Wuna kon ban te Gusunɔ̃ u swiin kɔkɔrɔba wɛ. Ye a

\* 16:18 kperu - Yiisi te ba mɔ Piɛɛ, ten tubusiana kperu.

yinamə handuniaə ba koo ye yina wəllə. Ye a maa wura handuniaə ba koo ye wura wəllə.

<sup>20</sup> Yera Yesu win bwāabu nəə goosi u nəε, bu ku raa goo sō ma wiya wi Gusunə u gəsa.

*Yesu u win* gəə ka win seebun gari mə

(*I maa mεerio Maaku 8:31-9:1, Luku 9:22-27*)

<sup>21</sup> Saa saa yen min diya Yesu Kirisi u win bwāabu gari sōmə batuma səə u nəε, u n koo ko u kun Yerusalemu de, mi guro gurobu ka yāku kowo tənwerobu ka wooda yēroba koo nən nəni sō. Ba koo nən go adama sō itase u koo se.

<sup>22</sup> Yera Piεε ka nən da bōrə u nən gerisim wəri u nəε, Gusunə u nun bere Yinni, yenin bwesera kun nun deemamə pai!

<sup>23</sup> Adama Yesu sīira u Piεε sōwa u nəε, a gεero nen birun di Setam. A kasu a man torasiawa, domi a n bwisikumə nge Gusunə, ma n kun mə nge tənu.

<sup>24</sup> Yen biru Yesu win bwāabu sōwa u nəε, goo u n kī u man swīi nge bōə, u win gōru kīru derio kpa u win tiin dāa bunanaru sua u n ka man swīi. <sup>25</sup> Wi u kī u win wāaru di ka win gōru kīru u koo tu bia. Adama wi u win wāaru yina nen sō u koo ra tu wa. <sup>26</sup> Nge arufaani yerə tənu mə u n handunian gāanu kpuro wa ma u win wāaru bia. Nge mba n wāa ye tənu u koo ka win wāaru kəsina. <sup>27</sup> Tənun Bii u sisi kam kam ka win Baaban yiiko ka win gəradoba sannu. Sanam meya u koo baawure nən win are kəsia nge mε win kookoosu nε. <sup>28</sup> Geema na bεε sōmə tən be ba wāa mini ben gaba kun gbimə bu ka Tənun Bii wa u na nge sunə.

## 17

*Yesun wasi gəsia*

(*I maa mεerio Maaku 9:2-13, Luku 9:28-36*)

<sup>1</sup> Sõo nõõba tian biru Yesu Piεε sua ka Yakõbu ka Yohanu, Yakõbun wõnõ, u ka bu da guu bakaru garun wõllõ be tõna. <sup>2</sup> Win wasi gõsia tuki ben nõni sõõ, ma win wuswaa ballimõ nge sõõ, win yãnu maa burura fem fem nge suru. <sup>3</sup> Yen biru ba Mõwisi ka Eli wa ba ka Yesu gari mõ. <sup>4</sup> Yera Piεε u Yesu sõõwa u nεε, Yinni, n wã sa n wãa mini. À n kī, kon kunu ita ko, teeru wunεgiru, teeru Mõwisigiru, teeru maa Eligiru.

<sup>5</sup> U ñ gari yi gerum kpa, bukõ kpiku ga ka bu wukiri. Ma ba nõõ gagu nua saa bukõ min di ga nεε, winiwa nen Bii kīnasi wì sõõ nen gõru dobu kpuro wãa. I wigii swaa dakio.

<sup>6</sup> Ye bwãa be, ba nõõ ge nua berum bu mwa sere ba wõruma ba wuswaa tem girari. <sup>7</sup> Yesu na ben mi u bu nõõma sõndi u nεε, i seewo, i ku berum ko.

<sup>8</sup> Ye ba wuswaa seeya ba ñ maa goo wa ma n kun mõ Yesu turo.

<sup>9</sup> Sanam mε ba saram wee guu ten min di, Yesu bu sõõwa u nεε, bu ku raa goo sõ ye ba wa mi, sere Tõnun Bii u ka se garin di.

<sup>10</sup> Bwãa be, ba nõõn bikia ba nεε, mban sõna wooda yẽroba ra gere Eliwa koo gbi u na.

<sup>11</sup> U bu wisa u nεε, ka geema Eli koo na kpa u yabu baayere wesia yen ayerõ. <sup>12</sup> Adama na bεε sõõmõ, Eli u na kõ, ba ñ nõõn tuba, ma ba nõõn kua nge mε ba kī. Nge mεya ba koo Tõnun Biin tii nõni sõ.

<sup>13</sup> Yera n win bwãabu yeeri ma Yohanu Batemu kowon gariya u mõ.

*Yesu u bii wi wεreku ga wãasi bekia*

*(I maa mεerio Maaku 9:14-29, Luku 9:37-43a)*

<sup>14</sup> Ye ba tunuma mi tõn wõru ga wãa, durõ goo u na u yiira Yesun wuswaaõ <sup>15</sup> u nεε, Yinni, a nen biin wõnwõndu waawo. U giri kpakpanu barõ nu nõõn wahala mõ gem

gem sere nu ra gaso nùn kpɛɛ dɔɔ sɔɔ n̄ kun mɛ nim sɔɔ.  
<sup>16</sup> Na ka nùn wunen bwāabu naawa adama ba kpana bu nùn bekia.

<sup>17</sup> Yesu u nɛɛ, bɛɛ tɔn kɔso naane doke sarirugibu, sere saa yerà ko na n ka bɛɛ wāa. Nge sere domma ko na n kɔam ka bɛɛ tɛmanɛ. I ka man bii wi naawa mini.

<sup>18</sup> Yesu u wɛreku ge gerusi ma ga bii wi doonari ma u bekura mii mii.

<sup>19</sup> Yera Yesun bwāaba da win mi be tɔna ba nùn bikia ba nɛɛ, mban sɔna ba kpana bu wɛreku ge gira.

<sup>20</sup> Yesu bu wisa u nɛɛ, yèn sɔ bɛɛn naane dokebu kun kpā. Ka geema na bɛɛ sɔmɔ, baa bɛɛn naane dokebu bù n piibu sāa nge dīa bima ye ya piiburu bo i ko guu teni sɔ tu wukuro minin di tu da giɔ. Mɛya ta koo maa wukura. Gāanu maa sari ni i ko kpana i ko. [ <sup>21</sup> Adama wɛreku genin bwesera ku ra doone ma n kun ka kanaru ka nɔɔ bɔkuru.]

*Yesu u kɔam win gɔɔ*

*ka win seebun gari mɔ*

*(I maa mɛɛrio Maaku 9:30-32, Luku 9:43b-45)*

<sup>22</sup> Sɔɔ teeru nge mɛ bwāa be, ba mɛnne sannu Galileɔ Yesu bu sɔɔwa u nɛɛ, ba koo Tɔnun Bii tɔmbu nɔma bɛria  
<sup>23</sup> bu nùn go, adama sɔɔ itase u koo se gɔrin di.

Yera bwāa ben nukura sankira gem gem.

*Sāa yerun wɔɔ gobin kɔsiabu*

<sup>24</sup> Sanam mɛ Yesu ka win bwāabu ba tura Kapenamuo, yera sāa yerun wɔɔ gobigiba na Piɛɛn mi ba nɛɛ, bɛɛn yinni u ku ra sāa yerun wɔɔ gobi kɔsie?

<sup>25</sup> Piɛɛ nɛɛ, a, u ra kɔsie.

Ye Piɛɛ u duɔ dirɔ Yesu gbia u nùn bikia u nɛɛ, amɔna a wa Simɔɔ. Berà n weenɛ bu handunia min sinambu gbere gobi kɔsia. Sina bibu? Nge gabu.



<sup>26</sup> Píεε nεε, gabu.

Ma Yesu nεε, ñ n men na sina bibu ba ñ kɔsiamɔ. <sup>27</sup> Ka mε, sa ñ kī su tɔn be mɔru kɔsiki. Yen sɔ, a doo daarɔ a kɔkɔru kɔ. Swāa ye ya gbia ya tu mwe, a ye gawo a yen nɔɔ baaya. Kaa sii geesun gobi wa mi, yi yi koo nε ka wunen gobi turi. A yi suo a bu kɔsia.

## 18

Wara gisonkoru bo

(*I maa mεerio Maaku 9:33-37, Luku 9:46-48*)

<sup>1</sup> Saa ye sɔɔra Yesun bwāaba da win mi, ba nùn bikia ba nεε, wara gisonkoru bo Gusunɔn bandu sɔɔ.

<sup>2</sup> Yesu u bii piibu gagu soka u yɔrasia ben wuswaaɔ.

<sup>3</sup> Ma u nεε, ka geema na bεε sɔɔmɔ, ma n kun mɔ i tii gɔsia i kua nge bibu, i ñ kpε i n wāa ban te Gusunɔ u swīi sɔɔ.

<sup>4</sup> Wi u sāa gisonko ban te Gusunɔ u swīi sɔɔ, wiya wi u tii kawa nge bii wini. <sup>5</sup> Wi u maa bii winin bweseru wura nen yīsirun sɔ, nena u wura.

Torarun baberu

(*I maa mεerio Maaku 9:42-48, Luku 17:1-2*)

<sup>6</sup> Yesu maa nεε, wi u dera bii piimii ni nu man naane doke min turo wɔri toraru sɔɔ, n buram bo bu yεro nεε bakaru gbinisia win wīirɔ kpa bu nùn kpεε nim wɔku sɔɔ u nim diira. <sup>7</sup> Anna a handunian wahala wa ye gāanu ka wāa ni nu derimɔ tɔmba wɔrimɔ toraru sɔɔ. Gāa ninin bwesera ko n wāawa baadomma, adama nɔni swāarugiiwa wìn min di nu koo yari.

<sup>8</sup> Wunen nɔmu ñ kun mε wunen naasu, yen ye ya nun sure toraru sɔɔ, a ye buro a kɔ n toma. Domi n sanɔ bo a ka nɔm teu ñ kun mε naa teesu wāaru wa te ta ku ra kpe, n kere a n nɔma yiru ka naasu yiru mɔ kpa bu nun kpεε dɔɔ wi u ku ra gbi sɔɔ. <sup>9</sup> Ñ n maa wunen nɔnun na ga nun sure toraru sɔɔ a gu wɔwo a kɔ n toma. Domi n sanɔ bo a

ka nɔni tia wāaru wa te ta ku ra kpe n kere a n nɔni yiru mɔ kpa bu nun kpɛɛ dɔɔ wi u ku ra gbi sɔɔ.

Yāa te ta kɔɔra ta maa waara  
(I maa mɛɛrio Luku 15:3-7)

<sup>10</sup> Yesu maa nɛɛ, i ku ra de i bii piimii nin teu gem. Ka geema na bɛɛ sɔɔmɔ, ben gɔrado be ba wāa wɔllɔ ba ra n yɔwa baadomma nen Baaba wɔrukoon wuswaaɔ. [  
<sup>11</sup> Domi Tɔnun Bii u nawa u ka ye ya kɔɔra faaba ko.]

<sup>12</sup> Mba i tamaa. Tɔnu ù n yāanu wunɔbu (100) mɔ ma teera kɔɔra, u ñ koo wunɔbu tia sari deri guuru wɔllɔ kpa u da u tee te ta kɔɔra kasu? <sup>13</sup> Ù n maa tu wa, ka geema na bɛɛ sɔɔmɔ, win nuku dobu ko n kpā yāa ten sɔ n kere wunɔbu tia sari ni nu ñ kɔɔre. <sup>14</sup> Nge mɛya maa bɛɛn Baaba wi u wāa wɔllɔ u ñ kī baa bii piimii nin teu gu kɔɔra.

Naanɛ dokeo ù n tora

<sup>15</sup> Yesu maa nɛɛ, naanɛ dokeo goo ù n tora a doo win mi wunɛ tɔna a nùn win toraru tubusia. Ù n wunɛgii nua, a nùn faaba kua. <sup>16</sup> Adama ù n yina u nun swaa daki, a tɔn turo ñ kun mɛ tɔnu yiru kasuo a ka da win mi, kpa tɔnu yiru ñ kun mɛ ita ye, yu gari yi kpuron seeda di nge mɛ Gusunɔn gari gerumɔ. <sup>17</sup> Ù n maa kpam yina u bu swaa daki, a Yesun yigberu gari yi nɔɔsio. Ù n den yina u yigberun gari nɔ, a nùn garisio tɔn tuko ñ kun mɛ gbere mwaaɔ.

Yinabu ka wurabu

<sup>18</sup> Ma Yesu maa nɛɛ, ka geema na bɛɛ sɔɔmɔ, ye i yinamɔ handunia sɔɔ ba koo ye yina wɔllɔ. Ye i maa wura handunia sɔɔ, ba koo ye wura wɔllɔ.

<sup>19</sup> Na kpam bɛɛ sɔɔmɔ ma bɛɛn tɔmbu yiru bà n nɔɔ tia kua handunia mini ba gāanu bikia kanaru sɔɔ, nen Baaba wi u wāa wɔllɔ u koo bu wɛ. <sup>20</sup> Domi mi tɔmbu yiru ñ kun mɛ ita ba mɛnnɛ ka nen yīsiru, na wāa ben suunu sɔɔ.

Səm kowon gari wi u yina

*u suuru wura*

<sup>21</sup> Yera Pιεε u da Yesun mi u nùn bikia u nεε, nən nyewa kon nən beruse wi u man torari suuru kua. Nən nəəba yiru?

<sup>22</sup> Yesu nùn wisa u nεε, aawo n ñ mə nən nəəba yiru təna, nən wata ka wəkurun nən nəəba yiruwa. <sup>23</sup> Yenin sōna Gusunən bandun gari ka sunə goon gari weenε wi u kī u win gobi dooru ko ka win səm kowobu. <sup>24</sup> Ye u win gobi dooru torua, yera ba ka durə goo na wi u win dibu neni fərotə dabi dabiru. <sup>25</sup> Wee, durə wi kun gāanu mə u ka dii bi kəsia. Ma win yinni nεε bu nùn dəro ka win kurə ka win bibu ka ye u mə kpuro bu ka dii bi kəsia. <sup>26</sup> Yera səm kowo wi, u yiira win yinnin wuswaə u nùn suuru kana u nεε, a ka man tɛmanə, kon nun kəsia kpuro. <sup>27</sup> Ma win yinni u win wənwəndu wa u dii bi go u dera u doona.

<sup>28</sup> Ye səm kowo wi, u yara min di, u ka win səm kowosi yinna wi u win dibu neni nge fərotə nəəbun saka. Yera u nùn sēre u wīru sēka u nεε, a nən dibu kəsiamə bi a neni. <sup>29</sup> Yera win kpaasi u yiira win wuswaə u nùn suuru kana u nεε, a ka man tɛmanə, kon nun kəsia. <sup>30</sup> Adama u ñ wure. U dera ba nùn doke pirisəm sə sere u ka dii bi kəsia u kpe. <sup>31</sup> Ye səm kowo be ba tie ba gari yi wa, ben nukura sankira ma ba da ba ben yinni ye kpuro sōwa. <sup>32</sup> Yera yinni wi, u nùn sokusia u nεε, səm kowo nuku kōsurugii, na nun wunen dibu goowa yèn sō a man suuru kana. <sup>33</sup> N daa weenewa wunen tii a maa wunen səm kowosi wi wənwəndu kua nge mε na nun kua. <sup>34</sup> Yinni wi, u məru besira ma u səm kowo wi pirisəm kōsobu wē sere u ka dii bi kpuro kəsia.

<sup>35</sup> Ma Yesu nεε, nge mɛya nən Baaba wi u wāa wəllə koo bεε kua bεen wi u kun win winsim suuru kue win gōrun di.

## 19

*Yesu u yinanaan gari m̀*

*(I maa m̀erio Maaku 10:1-12)*

<sup>1</sup> Ye Yesu u gari yi gerua u kpa u doona Galilen di u da Yudean bera gia ye ya w̃a Yuudenin daarun guru giɔ.

<sup>2</sup> Tɔn w̃oru guna ǹn sw̃i mi, ma u ben barɔbu bekia.

<sup>3</sup> Falisi gaba na win mi, bu ka win laakari m̀eri ba ǹn bikia ba n̄e, besen wooda ya wura tɔnu u win kurɔ yina gari baayiren s̄?

<sup>4</sup> Yesu u n̄e, i ǹ garire Gusunɔn gari s̄ɔ ma “Toren di Taka kowo u bu kuawa durɔ ka kurɔ.” <sup>5</sup> Ma yi kpm n̄e, “Yen s̄na, durɔ u koo win tundo ka win mero deri kpa wi ka win kurɔ ba n manin̄e kpa be yiru kpuro bu ko wasi tee.” <sup>6</sup> Nge meya ba ǹ maa s̄a tɔmbu yiru ma n kun m̄ɔ tɔn turo. N̄ n man na, tɔnu u ku karana ye Gusunɔ u menna.

<sup>7</sup> Falisiba ba ǹn bikia ba n̄e, ǹ n men na, mban s̄na M̄wisi u wooda w̄e u n̄e, durɔ u yinanaan tireru yore kpa u de win kurɔ u doona.

<sup>8</sup> Yesu u bu wisa u n̄e, M̄wisi dera i been kurɔbu yinam̄ been woo b̄bunun s̄. Adama saa toren di gari yi, yi ǹ s̄a m̄. <sup>9</sup> Na be s̄ɔm̄, wi u win kurɔ yina ma n kun m̄ sakararun s̄, ma u kurɔ kpao sua, u sakararu kuawa.

<sup>10</sup> Win bw̄aba ǹn s̄ɔwa ba n̄e, ǹ n men na n s̄a durɔ ka win kurɔn suunu s̄ɔ, n buram bo bu ku suana.

<sup>11</sup> Yesu u n̄e, tɔmbu kpuro ba ǹ kp̄ bu gari yi sua ma n kun m̄ be Gusunɔ u yen dam w̄. <sup>12</sup> Domi gabun mi marumara, gabu maa tɔmba ba bu kua m̄, gabu maa kpm, Gusunɔn bandun s̄na ba ǹ kurɔ suam̄. Wi u koo kp̄i u gari yi sua, u suo.

*Yesu u bibu kanaru kua*

*(I maa m̀erio Maaku 10:13-16, Luku 18:15-17)*

<sup>13</sup> Tamba ka bii piiminu na Yesun mi, u ka bu noma sɔndi kpa u bu kanaru kua, adama win bwāaba tɔn be gerusi. <sup>14</sup> Yera Yesu nɛɛ, i de bii piiminu nu na nen mi, i ku bu yinari. Domi Gusunɔ u bandu swīi tɔmbun sɔ be ba ka bu weenɛ.

<sup>15</sup> U bu noma sɔndi ma u doona min di.

*Gobigii goon gari*

*(I maa mɛɛrio Maaku 10:17-31, Luku 18:18-30)*

<sup>16</sup> Durɔ goo na Yesun mi, u nùn bikia u nɛɛ, yinni, gea mba kon ko n ka wāaru te ta ku ra kpe wa.

<sup>17</sup> Yesu nùn sɔɔwa u nɛɛ, mban sɔna a man gean kobun gari bikiamɔ. Tɔn turowa sãa geo. À n kī a wāaru te ta ku ra kpe wa a woodaba swīiyɔ.

<sup>18</sup> U nɛɛ, yen yerà.

Yesu u nɛɛ, a ku tɔnu go, a ku sakararu ko, a ku gbeni, a ku goo gari mani, <sup>19</sup> a wunen tundo ka wunen mero beɛɛɛ wēɛyɔ, kpa a wunen tɔnusi kīa nge wunen tii tii.

<sup>20</sup> Aluwaasi wi, u nɛɛ, yeni kpurowa na swīi. Mba n maa man tie.

<sup>21</sup> Yesu nùn sɔɔwa u nɛɛ, à n kī a yibu, a doo a dɔra kpuro ye a mɔ, kpa a yen gobi sãarobu bɔnu kua, kaa n dukia mɔ wɔllɔ, kpa a na a man swīi.

<sup>22</sup> Adama ye aluwaasi wi, u nua mɛ, u doona ka nuku sankiranu domi win dukia ya kpã.

<sup>23</sup> Yera Yesu u win bwāabu sɔɔwa u nɛɛ, ka geema na beɛ sɔɔmɔ, n sē gem gem dukiagii u ka ban te Gusunɔ u swīi wura. <sup>24</sup> Yen sēɔ ga kpã n kere yooyoo gu du yaburan wēɛɔ gu yari.

<sup>25</sup> Ye bwāa be, ba gari yi nua, ba biti soora gem gem, ma ba nɛɛ, ñ n men na, wara u koo den faaba wa.

<sup>26</sup> Yesu bu mɛɛra ma u nɛɛ, tɔmbun miya n ñ koorɔ adama gāanu sari ni Gusunɔ u kpanɛ.

<sup>27</sup> Yera Píεε u nùn sǎwa u nεε, n wee bεε sa gǎanu kpuro deri sa nun swíi. Mba n ko n ko bεεgia.

<sup>28</sup> Yesu bu sǎwa u nεε, ka geema na bεε sǎmǎ, sanam me Tǎnun Bii u ko n sǎ win sina gǎni yíikogian wǎllǎ handunia kpaá sǎǎ, bεε wǎkura yiru be i man swíi bεen tii i ko n sǎ sina gǎni wǎllǎ i ka Isireliban bwesenu wǎkura yiru siri. <sup>29</sup> Ma baawure wi u win yenu deri, ñ kun me wǎnǎbu, ñ kun me sesubu, ñ kun me tundo, ñ kun me mero, ñ kun me bibu, ñ kun me gbea nen yísirun sǎ, u koo yen kǎsire wa dabi dabinu, kpa u wǎaru te ta ku ra kpe tubi di. <sup>30</sup> Adama dabiru be ba tǎ sǎa gbiikobu ba koo ko birukobu, ma dabiru be ba tǎ sǎa birukobu ba koo ko gbiikobu.

## 20

Sǎm kowo be ba wǎa gbaarǎ

<sup>1</sup> Ma Yesu u nεε, n wee ye Gusunǎn bandu ta ka weenε. Yenu yǎro goo u yara buru buru yellu u ka sǎm kowobu kasu bu da win gbaarǎ. <sup>2</sup> U wura u bu kǎsia nge me ba ra sǎm kowo kǎsie sǎǎ teeru, ma u nεε bu doo bu sǎmburu ko win gbaarǎ. <sup>3</sup> Ye n kua bururun kǎba nǎba nne, u kpaam yara ma u gabu deema ba sǎ tǎngεǎ ba ñ garu mǎ. <sup>4</sup> U bu sǎwa u nεε, bεen tii i doo i sǎmburu ko nen gbaarǎ. Kon bεε yen gobi kǎsia nge me n weenε. <sup>5</sup> Ma ba da mi. Yenu yǎro wi, u kpaam yara sǎǎ wii wǎllu, ka maa yokan kǎba ita, ma u kua me. <sup>6</sup> Ye n da kua yokan kǎba nǎbu, u kpaam yara u gabu wa be ba sǎ mi. U bu bikia u nεε, mban sǎna i sǎ mini saa bururun di i ñ garu mǎ. <sup>7</sup> Ba wisa ba nεε, yèn sǎ goo kun sun sǎmburu wǎ. Ma u nεε, ñ n men na, i doo nen gbaarǎ i sǎmburu ko bεen tii.

<sup>8</sup> Ye n kua yoka yenu yǎro wi, u win sǎm kowobun wirugii soka u nεε, a sǎm kowobu sokuo a bu ben gobi kǎsia, saa birukobun min di sere ka gbiikobun mi. <sup>9</sup> Be ba

samburu torua yokan kɔba nɔɔbu ba na ma ba sɔɔ teerun samburun gobi wa. <sup>10</sup> Ye gbiikoo be, ba na, ba tamaa begii koo kerawa mɛ. Adama sɔɔ teerun samburun gobiya ba maa ben tii kɔsia. <sup>11</sup> Ye ba gobi yi wa ba ka yenu yɛro wi wɔki. <sup>12</sup> Ba gerua, ba nɛɛ, be ba dɔkuru na mi, kɔbi tia tɔnawa ba kua ma a bu kɔsia nge beɛɛ be sa samburu kua bururun di ka sɔɔ boko. <sup>13</sup> Ma u ben turo wisa u nɛɛ, nen bɔrɔ, na n̄ nun taki di. A wura ma kaa sɔɔ teerun samburun gobi mwa, nge n̄ n̄ mɛ. <sup>14</sup> N̄ n̄ men na, a wunen gobi mɔɔ a doona. N̄ n̄ kī n̄ biruko wini kɔsia nge wunɛ, mba n̄ nun wa. <sup>15</sup> N̄ n̄ ye na kī yera kon ka nen ye na mɔ ko? Nge a nisinu mɔwa yèn sɔ na tɔn geeru kua. <sup>16</sup> Ma Yesu nɛɛ, nge mɛya birukobu ba koo ko gbiikobu, gbiikobu maa, ba koo ko birukobu.

*Yesu u win* gɔɔ ka win seebun gari m̄ n̄n itase

(*I maa mɛɛrio Maaku 10:32-34, Luku 18:31-34*)

<sup>17</sup> Nge mɛ Yesu u dɔɔ Yerusalemu gia, swaaɔ u win bwāabu wɔkura yiru ye tɔna sɔɔwa u nɛɛ, <sup>18</sup> wee, sa dɔɔ Yerusalemuɔ mi ba koo Tɔnun Bii yāku kowo tɔnwerobu ka wooda yɛrobu nɔma beria. Ba koo n̄n taare wɛ bu go, <sup>19</sup> kpa bu n̄n tɔn tukobu nɔmu sɔndia be ba koo n̄n yaakoru ko, bu n̄n seni so, yen biru bu n̄n kpare dāa bunanarɔ. Sɔɔ itase u koo maa se gɔrin di.

*Ye Yakɔbu* ka Yohanun mero u bikia

(*I maa mɛɛrio Maaku 10:35-45*)

<sup>20</sup> Yera Sebeden bibun mero u na Yesun mi ka win bibu sannu u yiira u ka gāanu kana. <sup>21</sup> Yesu u n̄n bikia u nɛɛ, mba a kī.

U nɛɛ, a de nen bibu yiru yeni yu sina, turo wunen nɔm geuɔ, turo maa wunen nɔm dwarɔ sanam mɛ kaa bandu di.

<sup>22</sup> Yesu u wisa u nɛɛ i n̄ yɛ ye i bikiamɔ, i ko kpī i wahala sɔbe ye kon sɔbe?

Ma ba nεε, sa ko kpĩ.

<sup>23</sup> Yesu bu sɔɔwa u nεε, ka geema i ko wahala sɔbe nge nε. Adama n ñ nen baa n ka ɔsi be ba koo sina nen nɔm geuɔ ka nen nɔm dware. Tɔn bèn sɔ nen Baaba u aye ni sɔru kua beya ba koo nu wa.

<sup>24</sup> Ye bwãabu waku te ta tie ta gari yi nua, ta ka yiru ye mɔru kua. <sup>25</sup> Yera Yesu bu soka u nεε, been tii i yẽ nge me tɔn tukobun tem yẽrobu ba ra n bu dam dɔremɔ. Kpa ben wirugibu ba n bu taaremɔ. <sup>26</sup> Adama n ñ sã me been mi. Been ɔoo ù n kĩ u ko wirugii, u de u ko been sɔmɔ. <sup>27</sup> Meya maa been wi u kĩ u ko gbiikoo u koowo been yoo. <sup>28</sup> Nge meya Tɔnun Bii kua. U ñ nε bu ka nùn sã ma n kun mɔ u ka gabu sã, kpa u win wãaru wẽ u ka tɔn dabinu yakia.

*Yesu wɔkoku yiru bekia*

*(I maa mɛerio Maaku 10:46-52, Luku 18:35-43)*

<sup>29</sup> Sanam me ba yara Yerikon di, tɔn wɔru guna Yesu swii. <sup>30</sup> Wɔkoku yiru gaba sɔ swaa baarɔ ba nua ma Yesu sarɔ. Yera ba nɔɔguru sua ba nεε, Yinni, Dafidin sikadobu, a besen wɔnwɔndu waawo.

<sup>31</sup> Tɔn wɔru guna ye, ya bu wɔkisimɔ bu mario. Ka me, ba gbãramɔ too too, ba mɔ, Yinni, Dafidin sikadobu, a besen wɔnwɔndu waawo.

<sup>32</sup> Yera Yesu u yɔra u bu soka ma u bu bikia u nεε, mba i kĩ n bεε kua.

<sup>33</sup> Ba nùn wisa ba nεε, Yinni, sa kĩ besen nɔni yi yam wawa.

<sup>34</sup> Yesu u ben wɔnwɔndu wa ma u ben nɔni baba. Yãatem mi, tɔnu yiru ye, ya yam wa ma ya nùn swii.

## 21

*Yesu u Yerusalemu dua*

*(I maa mɛerio Maaku 11:1-11, Luku 19:28-40, Yohanu 12:12-19)*



<sup>1</sup> Ye ba Yerusalemu bōku kua ba tura wuu ge ba ra soku Bētefagiō, Olifin guurō ma Yesu u win bwāabu yiru gōra. <sup>2</sup> U bu sōwa u nēē, i doo baru kpaa te i mēera bēen wuswaa mi. Miya i ko yande keteku wa ka gen buu nu sōri. I nu sōsiamā i ka man naawa. <sup>3</sup> Goo ù n bēē gāanu bikia, i nēē, Yinniwa u nin bukata mō. Mii mii ba koo de i ka nu na.

<sup>4</sup> Yeni ya kua kpa Gusunōn sōmōn gari yini yi ka koorā yi yi nēē,

<sup>5</sup> “I Yerusalemu gibu sōwō i nēē, wee, ben sunō sisi ben mi.

Wi, tōn duuduowa, u keteku sōni, keteku buu kpembu.”

<sup>6</sup> Ma bwāa be, ba da ba kua ye Yesu u bu sōwa. <sup>7</sup> Ba ka keteku ge ka gen buu na. Ba ben beka tēria nin wōllō ma ba dera Yesu u sōni. <sup>8</sup> Ma tōn wōru ga gen beka tēria swaa sō. Gaba bāa kako bekusu bōra ba tēria swaa. <sup>9</sup> Tōn be ba nūn gbiye ka be ba nūn swīi biruō, ba gbāramō ba mō, su Dafidin sikadobu wōlle sua. U sāawa domarugii. U sisi ka Yinnin yīsiru! Su Wōrukoo wōlle sua.

<sup>10</sup> Ye u dua Yerusalemuō, wuugibu kpuro ba biti soora ba mō, wara wini.

<sup>11</sup> Tōn wōru ga nēē, Gusunōn sōmō Yesuwa, Galilen Nasaretigii.

*Yesu u dua sāa yerō*

*(I maa mēerio Maaku 11:15-19, Luku 19:45-48, Yohanu 2:13-22)*

<sup>12</sup> Yesu u dua sāa yerō ma u be ba kiaru dōramō ka be ba dwemō gira min di. U be ba gobi kōsimōn tabuluba fukura, ka totoberē dōrobun kitanu. <sup>13</sup> Ma u bu sōwa u nēē, Gusunōn gari nēē, “Nēn dira ko n sāawa kanarun diru.” Adama bēē i tu gōsia gbenōbun wāa yeru.

<sup>14</sup> Yera wōkōbu ka yēmōba na win mi sāa yeru mi ma u bu bekiā. <sup>15</sup> Yāku kowo tōnwerōbu ka wooda yēroba mōru kua ye ba maamaaki wa ye u kua, ka maa bii be ba

gbāramə sãa yerə ba m̀, su Dafidin sikadobu wəlle sua.  
<sup>16</sup> Ma ba Yesu sđowa ba nεε, a sere nəomə ye ba gerumə?

Ma Yesu nεε, oo, i n̄ garire Gusunon gari sɔɔ mi ba nεε,  
 “A dera bii piiminu ka bii w̄enu nu nun siaramə.”

<sup>17</sup> Yen biru u bu deri u doona wuu min di u da Betania  
 u kpuna mi.

*Yesu d̄aru garu b̄rusi*

*(I maa m̄erio Maaku 11:12-14, 20-24)*

<sup>18</sup> Sisiru bururu nge mε Yesu ḡsirə wuu mi, gđora n̄n  
 m̀. <sup>19</sup> U d̄aru garu wa swaa baarə te ba ra soku figie. U  
 tu susi, adama wurusu tənawa u wa mi. Yera u tu sđowa  
 u nεε, a n̄ maa w̄a a binu ma sere ka baadomma.

Ma yande, figie ye, ya gbera. <sup>20</sup> Win bw̄aba yabu ye  
 wa ma biti bu mwa. Ba Yesu bikia ba nεε, aməna figie ye,  
 ya ka gbera mε mii mii.

<sup>21</sup> Yesu bu wisa u nεε, ka geema na bεε sđomə, ì n naanε  
 doke ma i n̄ sika m̀, i ko kp̄i i ko ye na figie ye kua. N n̄  
 mam mε tona, i ko maa kp̄i i guu teni sđ tu wukuro min  
 di tu da tu nim w̄ku w̄ri. Ya koo maa koorə mε. <sup>22</sup> Ma  
 i naanε doke, ye i bikia kanaru sɔɔ ye kpurowa i ko wa i  
 mwa.

*Man diya Yesu u yiiko wa*

*(I maa m̄erio Maaku 11:27-33, Luku 20:1-8)*

<sup>23</sup> Yesu dua sãa yerə u keu sđosimə. Yera ȳaku kowo  
 tənwerobu ka guro gurobu ba da win mi ba nεε, weren  
 yiikowa a ka yeni m̀. Wara nun yiiko ye w̄.

<sup>24</sup> Yesu bu wisa u nεε, nen tii kon bεε gari tia gaa bikia.  
 ì n man wisa, nen tii kon bεε sđ win yiiko na ka yeni m̀.

<sup>25</sup> Wara u Yohanu ḡrima u ka batemu ko. Gusunə? Nge  
 t̄nu.

Ma ba gerumə ben tii tiinε sɔɔ ba m̀, sà n nεε  
 Gusunəwa, u koo sun bikia mban sđna sa n̄ Yohanu naanε  
 doke. <sup>26</sup> Sà n maa nεε, t̄mba, ye t̄n w̄ru ga koo ko sa yen

berum mɔ, domi be kpurowa ba Yohanu garisi Gusunɔn sɔmɔ.

<sup>27</sup> Yera ba Yesu wisa ba nɛɛ, sa ñ yě.

Ma Yesu u bu sɔɔwa u nɛɛ, to, ñ n men na, nen tii na ñ maa bɛɛ sɔɔmɔ wìn yiiko na ka yeni mɔ.

### *Bibu yirun mɔndu*

<sup>28</sup> Yesu maa nɛɛ, amɔna i wa. Durɔ goo win bii tɔn durɔbu yiru mɔ. Ma u gbiikoo sɔɔwa u nɛɛ, bii wunɛ, a doo a sɔmburu ko nen gbaarɔ gisɔ. <sup>29</sup> Ma u nɛɛ, na ñ dɔɔ. Adama ye n sosi u bwisika ma u da. <sup>30</sup> Ma u maa da u win bii yiruse wini sɔɔwa mɛ. Bii wi, u nùn wisa u nɛɛ, too, baaba, kon da. Adama u ñ de. <sup>31</sup> Be yiru ye sɔɔ, wara u tundon kīru kua.

Ba nɛɛ, gbiikoo wi.

Yera Yesu bu sɔɔwa u nɛɛ, ka geema na bɛɛ sɔɔmɔ, gberɛ mwaɔbu ka kurɔ tanɔbu ba koo bɛɛ gbiiya bu da mi Gusunɔ u bandu swīi. <sup>32</sup> Domi Yohanu na u bɛɛ swaa gea sɔɔsi, ma i ñ nùn naanɛ doke. Adama gberɛ mwaɔbu ka kurɔ tanɔbu beya ba nùn naanɛ doke. Wee bɛɛ, baa mɛ i ye wa i ñ gɔru gɔsie i nùn naanɛ doke.

### *Gbaa wuko kɔsobun gari*

*(I maa mɛerio Maaku 12:1-12, Luku 20:9-19)*

<sup>33</sup> Yesu maa nɛɛ, i kɔm mɔndu garu swaa dakio. Yenu yěro goo u dɔa gbaaru kua ma u tu kara kua, ma u dɔa bii gama yeru kua ma u gbaa kɔsobun diru bana. Yen biru u gbaa wukobu kasu u bu ye nɔmu beria ma u sanum da. <sup>34</sup> Sanam mɛ dɔa binun sɔribu tura u win sɔm kowobu gɔra gbaa wuko ben mi, bu win bɔnu mwaama. <sup>35</sup> Adama gbaa wuko be, ba bu kunisi ba turo so, ma ba turo go, ma ba itase kpenu kasuka. <sup>36</sup> Yenu yěro wi, u kɔm bu gabu gɔria be ba gbiikobu dabiru kere. Daa tia yera ba ben tii kua. <sup>37</sup> Yen biru u bu win bii gɔria u nɛɛ, ba koo nen bii bɛɛrɛ wě. <sup>38</sup> Adama saa ye gbaa wuko be, ba bii wi wa ba

geruna ba nɛɛ, i ñ nùn wa wi u koo ra gbaa te tubi di? I de su nùn go kpa gbaa te, tu ko besegiru. <sup>39</sup> Ma ba nùn sɛre ba yara gbaa ten min di ba go.

<sup>40</sup> Yesu u bu bikia u nɛɛ, sanam mɛ gbaa yɛro win tii u koo na, mba u koo gbaa wuko be kua.

<sup>41</sup> Ba nùn wisa ba nɛɛ, nɔni swāarun gɔɔwa u koo ka tɔn kɔso be go, kpa u gbaa wukobu gabu win gbaaru nɔmu sɔndia, be ba ko n da nùn win bɔnu wɛ dāa binun sɔribun saa sɔɔ.

<sup>42</sup> Yesu bu sɔɔwa u nɛɛ, i ñ garire Gusunɔn gari sɔɔ mi ba nɛɛ,  
 “Kpee te banɔba yina, tera ta kua gani gɔmburun dam. Yinniwa ye kua, ma n kua maamaaki besen nɔni sɔɔ.”

<sup>43</sup> Yen sɔna na bɛɛ sɔmɔ, ba koo bɛɛ Gusunɔn bandu wɔrari kpa bu tu bweseru garu wɛ te ta koo ban te mem nɔɔwa. [ <sup>44</sup> Baawure wi u koo kpee te wɔri ta koo nùn bɔku, wi ta maa wɔri ta koo nùn namwa munu munu.]

<sup>45</sup> Ye yāku kowo tɔnwerobu ka Falisiba ba Yesun mɔn ni nua, ba tuba ma beya u ka yā. <sup>46</sup> Yera ba swaa kasu bu ka nùn mwa. Adama ba tɔn wɔrun berum kua yèn sɔ ga nùn garisɔ Gusunɔn sɔmɔ.

## 22

*Kurɔ* kpaarun dim gari

(*I* maa mɛɛrio Luku 14:15-24)

<sup>1</sup> Yesu kpaam ka bu mɔndu gari sɔɔwa u nɛɛ, <sup>2</sup> n wee, ye Gusunɔn bandun gari ka weenɛ. Sunɔ goo u win biin kurɔ kpaarun sɔɔru kua. <sup>3</sup> U win sɔmɔbu gɔra bu da bu be ba dim soka sokuma. Adama ba ñ kī bu na. <sup>4</sup> Ma u kpaam win sɔmɔbu gabu gɔra u nɛɛ, i doo i be na dim soka sɔ na sɔɔru kpa, na nen naa kinenu ka yaa sabe gumginu go. Ye kpuro ya sɔɔru kpeera, bu na kurɔ kpa yera. <sup>5</sup> Adama be ba dim soka mi, ba ñ gari yi swaa sue ma baawure u wigiru

doona, wini win gberu da, wini maa win tenkuru doona. <sup>6</sup> Ben gaba sɔmɔ be mwa ba nɔni sɔɔwa ba go. <sup>7</sup> Sunɔ wi, u mɔru besira u win tabu kowobu gɔra bu ka tɔn gowo be go kpa bu ben wuu dɔɔ saku. <sup>8</sup> Sanam mɛya u win sɔmɔbu sɔɔwa u nɛɛ, kurɔ kpaɔ dɛanu ye, adama be na soka ba n̄ maa ka nu weenɛ. <sup>9</sup> N̄ n men na, i doo swaa swaabu i be i waamɔ sokuma. <sup>10</sup> Ma sɔmɔ be, ba da swaa swaabu ba be ba wa kpuro menna kɔsobu ka geobu. Nge mɛya tamba ka yiba kurɔ kpaɔ yee te sɔɔ.

<sup>11</sup> Ye sunɔ wi, u dua u ka bu wa be ba dim na, u durɔ goo wa wi u kun kurɔ kpaɔ yānu doke. <sup>12</sup> U n̄n sɔɔwa u nɛɛ, bɔrɔ, amɔna a kua a ka duuma mini a n̄ ka kurɔ kpaɔ yānu doke. Durɔ wi kun gɛɛ wisa. <sup>13</sup> Yera sunɔ wi, u win sɔm kowobu sɔɔwa u nɛɛ, i win nɔma ka naasu bɔkuo kpa i n̄n kasa ko yam wɔkuru sɔɔ tɔɔwɔ, mi u koo wiru nɔma sɔndi u swi. <sup>14</sup> Ma Yesu u nɛɛ, dabira ba soka adama fiikowa ba gɔsa.

Wɔɔ gobin kɔsiabun gari

(I maa mɛerio Maaku 12:13-17, Luku 20:20-26)

<sup>15</sup> Sanam mɛya Falisiba ba da ba menna bu ka kasu mɛ ba koo ko bu ka Yesu garin yina beria. <sup>16</sup> Ma ba ben bwāabu gabu ka Herodun tambu gabu gɔra win mi. Ba da ba nɛɛ, yinni, sa yɛ ma a ra gem gere, ma a tambu Gusunɔn swaa sɔɔsimɔ dee dee, mɛya a ku ra goon n̄nu mɛeri, domi a ku ra gari gere binɛ ka berum sɔ. <sup>17</sup> N̄ n men na, a sun sɔɔwɔ, yen mɛ a wa. N weenɛ bu tem yɛro wɔɔ gobi kɔsia? Nge n̄ n̄ weenɛ.

<sup>18</sup> Adama Yesu u ben bwisi kɔsi yi yɛ ma u bu sɔɔwa u nɛɛ, murafiti bɛɛ! Mban sɔna i kɔi i nen laakari mɛeri. <sup>19</sup> I man gobi yi sɔɔsio yi i ra ka wɔɔ gobi kɔsie.

Ma ba n̄n sii geesun gobi sɔɔsi. <sup>20</sup> Ma u bu bikia u nɛɛ, weren foto ka yɛrera mini.

<sup>21</sup> Ba n̄n sɔɔwa ba nɛɛ, tem yɛrogia.

Yera u bu sǎwa u nεε, i tem yēro kǎsio ye ya sǎa tem yērogia, kpa i maa Gusunǎ kǎsia ye ya sǎa Gusunǎgia.

<sup>22</sup> Ye ba gari yi nua, ba bita soora, ma ba nùn deri ba doona.

Gəribun seebun gari

(I maa mεerio Maaku 12:18-27, Luku 20:27-40)

<sup>23</sup> Sǎa tee te sǎa, Sadusi be ba ra nεε gəriba kun seemǎ, ben gaba na Yesun mi. Ma ba nùn bikia <sup>24</sup> ba nεε, tǎnwero, Mǎwisi nεε, durǎ goo ù n gu ù kun bii mara, win wǎnǎwa koo win gǎmini yenu doke kpa u ka win mǎa bweseru seeya. <sup>25</sup> N wee bεsen suunu sǎa tundo turosibu nǎba yiru gaba raa wǎa. Gbiikoo kurǎ sua ma u gu u ò bii mara, ma u win wǎnǎ gǎmini deria. <sup>26</sup> Ben yirusen tii meya, ka itase, sere ka nǎba yiruseǎ. <sup>27</sup> Be kpuron biru kurǎ win tii maa gu. <sup>28</sup> Ñ n men na, dǎma te gəriba koo se, tǎmbu nǎba yiru ye sǎa, ben wara ko n kurǎ wi mǎ, domi be kpuro ba nùn yēwa kurǎ.

<sup>29</sup> Yesu bu wisa u nεε, i tore yèn sǎ i ò Gusunǎn gari yē, meya i ò maa win dam yē. <sup>30</sup> Domi sanam mε gəriba koo se, durǎbu ka kurǎbu ba ò maa suanamǎ, ba ko n sǎawa nge Gusunǎ wǎllun gǎradoba. <sup>31</sup> Ye n maa sǎa gəribun seebun gari, i ò garire ye Gusunǎ u bεε sǎwa? U nεε, <sup>32</sup> nena Gusunǎ Aburhamu ka Isaki ka Yakǎbun Yinni. Gusunǎ sǎawa wasobun Yinni, u ò sǎa gəribun Yinni.

<sup>33</sup> Tǎn wǎru ge ga gari yi nua ga bita kua win sǎasirun sǎ.

Wooda ye ya bo

(I maa mεerio Maaku 12:28-34, Luku 10:25-28)

<sup>34</sup> Ye Falisiba ba nua ma Yesu u Sadusiba nǎa mwaari, yera ba menna. <sup>35</sup> Ben turo wi u sǎa wooda yēro u kī u Yesun laakari mεeri, ma u nùn bikia u nεε, <sup>36</sup> tǎnwero, wooda yerǎ ya kpǎaru bo woodaba sǎa.

<sup>37</sup> Yesu nùn wisa u nɛɛ, “A Gusunɔ wunen Yinni kɔ̃ ka wunen gɔ̃ru kpuro ka wunen bwɛra kpuro ka wunen bwisikunu kpuro.” <sup>38</sup> Yeya ya sãa wooda gbiikaa, yera ya maa kpãaru bo. <sup>39</sup> Yen yiruse wee, ye ya ka ye weene yera “A wunen tɔnusi kɔ̃ nge wunen tii tii.” <sup>40</sup> Wooda yiru ye sɔ̃n diya Mɔ̃wisin wooda ka Gusunɔn sɔ̃mɔ̃bun sɔ̃sɔ̃sinu kpuro yari.

*Dafidi ka wi Gusunɔ u gɔ̃sa*

*(I maa mɛɛrio Maaku 12:35-37, Luku 20:41-44)*

<sup>41</sup> Ye Falisiba ba mɛnne, Yesu u bu gari yini bikia. <sup>42</sup> U nɛɛ, amɔ̃na i tamaa wi Gusunɔ u gɔ̃sa u sãa. Weren bweserun diya u yari.

Ba nùn wisa ba nɛɛ, Dafidin bweserun diya.

<sup>43</sup> Yesu bu sɔ̃ɔ̃wa u nɛɛ, amɔ̃na Dafidi ka nùn soka Yinni ka Hunde Dɛɛron sɔ̃sɔ̃siru. Domi Dafidi gerua u nɛɛ,

<sup>44</sup> “Yinni Gusunɔ u nen Yinni sɔ̃ɔ̃wa u nɛɛ, a sinɔ̃ nen nɔ̃m geuɔ̃ sere n ka nun wunen yibereba taarea.”

<sup>45</sup> Ñ n men na, Dafidi ù n nùn soka Yinni, amɔ̃na u ko n ka kɔ̃m sãa win bii.

<sup>46</sup> Baa ben turo kun maa kpãa u nùn gɛɛ wisi. Saa dɔ̃ma ten di goo kun maa nùn gɛɛ bikiare.

## 23

*I tii laakari koowo*

*ka wooda yɛrobu ka Falisiba*

*(I maa mɛɛrio Maaku 12:38-39, Luku 11:43, 46, 20:45-46)*

<sup>1</sup> Sanam mɛya Yesu u tɔn wɔ̃ru ka win bwãabu sɔ̃ɔ̃wa u nɛɛ, <sup>2</sup> wooda yɛrobu ka Falisiba ba sɔ̃ Mɔ̃wisin ayero. <sup>3</sup> Ñ n man na, i bu mem nɔ̃wɔ̃ kɔ̃a i ko ye ba bɛɛ sɔ̃ɔ̃mɔ̃ adama i ku ben kookoosu saari, domi ye ben tii ba gerumɔ̃, ba ñ ye mɔ̃. <sup>4</sup> Ba sɔ̃mu ni nu bunu bɔ̃kumɔ̃ ba tɔ̃mbu sɔ̃bimɔ̃

adama ba ku ra wure bu nu baba baa ka niki bii tia. <sup>5</sup> Ben kookoosu si ba m̀ kpuro ba m̀wa bu ka bu wan s̄. Nge meya ba ra tii b̄ki beke gbinisi kpa ba n gurumusu sari dendeninginu wukiri. <sup>6</sup> Ba maa sin yee beeregini k̄ dii yenu ka menn̄ yen̄. <sup>7</sup> Ba ra k̄ t̄mba n bu t̄birim̄ yabur̄ ka beere kpa ba n bu sokum̄ yinni. <sup>8</sup> Adama beɛ, i ku kasu bu beɛ soku yinni domi beɛ kpuro saara teera, ma i yinni turo dege dege m̄. <sup>9</sup> I ku maa goo soku baaba handunia s̄, domi i Baaba turo m̄ wi u w̄a w̄ll̄. <sup>10</sup> I ku maa kasu bu beɛ soku wirugii, domi wirugii turo dege dege t̄nawa i m̄, wiya Kirisi. <sup>11</sup> Wi u s̄a gisonko beɛ s̄, wiya u ko n s̄a been s̄m̄. <sup>12</sup> Wi u tii sua ba koo n̄n kawa, wi u maa tii kawa ba koo n̄n w̄lle sua.

*Yesu u wooda ȳrobu*

*ka Falisiba taare w̄*

*murafitirun s̄*

(*I maa m̄erio Maaku 12:40, Luku 11:39-42, 44, 52, 20:47*)

<sup>13</sup> Ma Yesu u neɛ, beɛ wooda ȳrobu ka Falisiba murafiti beɛ, i ko n̄ni sw̄aru wa! Domi i ban te Gusun̄ u sw̄in gambo kenun̄. Been tii, i ñ tu wure. I ñ maa wure be ba tu k̄, bu tu wura.

[<sup>14</sup> Beɛ wooda ȳrobu ka Falisiba murafiti beɛ, i ko n̄ni sw̄aru wa! Domi i ḡminibu w̄rarim̄ ye ba m̄ kpuro, meya i maa kana dendennu m̄ i n ka s̄are nge t̄n geobu. Yen s̄na been taare koo kp̄a.]

<sup>15</sup> Beɛ wooda ȳrobu ka Falisiba murafiti beɛ, i ko n̄ni sw̄aru wa! Domi i sirene yam kpuro tem̄ ka nim w̄kuo i kasu wi u koo beɛ sw̄i. Ma ñ n n̄n wa i ra n̄n ko kam koore wi u beɛ kere n̄n yiru.

<sup>16</sup> I ko n̄ni sw̄aru wa, beɛ swaa gbio w̄kobu. Domi i gerum̄ ma goo ù n ka s̄a yeru b̄rua n ñ s̄a ḡanu, ù n maa ka ten wura b̄rua u kua dibugii. <sup>17</sup> Gari baka



wōkoku! Mba n kpāaru bo. Wura? Nge sãa yee ten tii te ta wura ye dɛerasie. <sup>18</sup> I kparam gerumɔ ma goo ù n ka yāku yeru bōrua, n ñ sãa gāanu, ù n maa ka yāku bōrua te ta wāa yāku yeru wōllɔ, u kua dibugii. <sup>19</sup> Wōkoku bɛɛ! Yen mba n kpāaru bo. Yāku? Nge yāku yee ten tii te ta yāku dɛerasie. <sup>20</sup> Ñ n man na, wi u ka yāku yeru bōrua, tera u ka bōrua ka maa kpuro ye ya sɔndi ten wōllɔ. <sup>21</sup> Wi u ka sãa yeru bōrua, tera u ka bōrua ka maa Gusunɔ wi u wāa te sɔɔ. <sup>22</sup> Wi u maa ka wōllu bōrua, Gusunɔn sina gɔna u ka bōrua ka maa Gusunɔ wi u sō mi.

<sup>23</sup> Bɛɛ wooda yērobu ka Falisiba murafiti bɛɛ, i ko nɔni swāaru wa! Domi i Gusunɔ kpee yi ba m̀ mantu ka aneti ka kumɛ, yin wōkuru baateren wōllɔ tia wɛɛmɔ, adama i duarimɔ ye ya kpāaru bo wooda sɔɔ nge gem kobu ka tɔn geeru ka naanɛ. Yeya n weenɛ i ko kpa i ku ye ya tie duari. <sup>24</sup> Swaa gbio wōko bɛɛ, i ra bɛɛn gāa nɔruranu wɔre kəkɔbun sō, adama i yooyoo mwɛɛmɔ.

<sup>25</sup> Bɛɛ wooda yērobu ka Falisiba murafiti bɛɛ, i ko nɔni swāaru wa! Domi i nɔra ka gbɛɛrun biru teamɔ. Adama sɔɔwɔ bɛɛn aka dim ka gbena i yibie mi. <sup>26</sup> Falisi wōko, a gina nɔra ka gbɛɛrun nukuru teo, birun tii ga koo maa dɛera.

<sup>27</sup> Bɛɛ wooda yērobu ka Falisiba murafiti bɛɛ, i ko nɔni swāaru wa! Domi i ka sikinu weenɛ ni ba soo tɛɛni. Nin wōlla wā adama sɔɔwɔ gonun kukuna nu yiba ka yabu baayere ye ya kōsa. <sup>28</sup> Bɛɛn tii, tɔɔwɔ i sãare nge tɔn geobu adama bɛɛn nukurɔ murafitiru ka kōsa ya yiba.

*Yesu u nɔni swāarun gari m̀*

*(I maa mɛɛrio Luku 11:47-51)*

<sup>29</sup> Ma Yesu maa nɛɛ, bɛɛ wooda yērobu ka Falisiba murafiti bɛɛ, i ko nɔni swāaru wa! Domi i gāa buranu banimɔ Gusunɔn sɔmɔbun sika wōllɔ ma i gemgibun sika kisa kisa kuammɛ. <sup>30</sup> Ma i gerumɔ i m̀, ì n daa wāa

béen sikadoban waati, i ñ ko i n daa nōma mō Gusunōn sōmōbun goberu sō. <sup>31</sup> Ñ n men na, béen tii i wura ma i sãa be ba Gusunōn sōmōbu gon bweseru. <sup>32</sup> I hania koowo, i béen sikadoban ye ba deri dakura. <sup>33</sup> Waa gōsō wuuru bée! Amōna i ko ka dōō wi u ku ra gbin taare suuri. <sup>34</sup> Yen sō, i swaa dakio, kon bée Gusunōn sōmōbu ka bwisigibu ka tire yērobu gōriama. I ko i ben gabu go, i ko i gabu dāa bunanaru kpare, i ko i maa gabu seni so béen mennō yenō kpa i n bu naa swīi i n nōni sōōmō wusu ka wusō. <sup>35</sup> Nge mēya béen wiru wōllōwa be ba geegibu go kpuron nōni swāara koo wōri, saa Abeli geegii win goberun di sere Sakari, Barakin biigiru wi i go sãa yeru ka yāku yerun baa sō. <sup>36</sup> Ka geema na bée sōōmō, yeni kpuro ya koo wōriwa tēn tōmbun wii wōllō.

*Yesu ka* Yerusalemu

(*I maa mēerio* Luku 13:34-35)

<sup>37</sup> Ma Yesu u nēe, Yerusalemu, Yerusalemu, wunē wi a ra Gusunōn sōmōbu go kpa a be u nun gōria kpenu kasuku. Nōn nyewa na kīa n wunen tōmbu kpaasina nen bōkuō nge mē goo mero ga ra gen binu menne gen kasa sō, adama i ñ wure. <sup>38</sup> N wee ba ko bée béen yenu deria gu ko bansu. <sup>39</sup> Domi na bée sōōmō saa tēn di i ñ ko i maa man wa sere dōma te i ko i nēe, na sãa domarugii wi u sisi ka Yinnin yīsiru.

## 24

*Yesu u sãa yerun* kōrabun gari mō

(*I maa mēerio* Maaku 13:1-2, Luku 21:5-6)

<sup>1</sup> Yesu yara sãa yerun di. Sanam mē u doonō win bwāaba da win mi bu ka nùn sãa yerun bana sōōsi. <sup>2</sup> Yera u bu sōōwa u nēe, i yabu ye kpuro wa? Ka geema na bée sōōmō ba koo ye kpuro sura, baa kpee teeru ta ñ ko n sōndi ten tensim wōllō.

Wahala ye ya koo na handunia yu sere kpe

(*I maa mɛerio Maaku 13:3-13, Luku 21:7-19*)

<sup>3</sup> Yesu u sɔ guu te ba m̀ Olifin wɔllɔ. Yera win bwāaba da win mi be tɔna ba ǹn bikia ba nɛɛ, a sun sɔwɔ ǹ n domman na yabu ye, ya koo koora ka ỳire te ta koo wunen naaru ka handunian kpeeru sɔsi.

<sup>4</sup> Yesu bu sɔwa u nɛɛ, i n tii sɛ kpa goo u ku raa bɛɛ nɔni wɔke. <sup>5</sup> Domi tɔn dabira koo na ka nen ỳsiru ba n m̀, beya ba s̄a wi Gusunɔ u gɔsa, kpa bu tɔn dabiru nɔni wɔke. <sup>6</sup> I ko i n tabun damu damusu nɔmɔ. I ku de n bɛɛ berum ko. Yeni ya ǹ koo ko ya kun koore, adama ǹ ǹ gina handunian kpeeru mi. <sup>7</sup> Bwesenu koo seesina nu tabu ko, sinamba koo tabu seesina. Gɔru ka tem ỳiribu ko n w̄a bera ka bera. <sup>8</sup> Ye kpuro ya ko n s̄awa nge tɔn kurɔn nuku wuriribun tore.

<sup>9</sup> Tɔmba koo bɛɛ gabu nɔmu sɔndia bu bɛɛ tɔya ko kpa bu bɛɛ go. Bwesenu kpuro nu koo bɛɛ tusi nen ỳsirun sɔ. <sup>10</sup> Sanam mɛ sɔɔ, tɔn dabira koo biru wura. Ba koo kɔrumɔtɔnu kuana kpa bu tusina. <sup>11</sup> Sɔmɔ weesugii dabira koo yarima bu tɔn dabinu nɔni wɔke. <sup>12</sup> Kɔsan kobu koo dabia sere tɔn dabi dabinun k̄ira koo yemia. <sup>13</sup> Adama wi u tɛmana sere ka nɔrɔ, wiya u koo faaba wa. <sup>14</sup> Gusunɔn bandun Labaari gea yeni ya koo nɔra handunia kpuro sɔɔ, kpa yu ko seeda bwesenu kpuron mi. Sanam mɛ sɔra kpeerabu koo tunuma.

Ḡa kɔsunun gari

(*I maa mɛerio Maaku 13:14-23, Luku 21:20-24*)

<sup>15</sup> Yesu maa nɛɛ, Gusunɔn sɔmɔ Danieli u raa “Kam koosion bwāaroku kɔsun” gari kua. Geya i ko wa ga yɔ yam dɛeram sɔɔ. Wi u tire teni garimɔ, u tubuo s̄a s̄a. <sup>16</sup> Sanam meya n weenɛ be ba w̄a Yudeaɔ bu duki su bu da guunu gia. <sup>17</sup> Wi u w̄a dii tɛeran wɔllɔ u ku raa sare u du dirɔ u ȳanu gura. <sup>18</sup> Wi u maa woo gberɔ u ku gɔsira

yenüə u ka win kumbooro sua. <sup>19</sup> Aməna kurə ben wahala ko n nɛ sanam mɛ sɔɔ, be ba guri mə ka be ba bibu bəm kɛmə. <sup>20</sup> I Gusunə kanə kpa bɛɛn kpikirun sanam mu kun s̄aa woorun saa ñ kun mɛ t̄ɔɔ wɛrarugiru sɔɔ. <sup>21</sup> Domi sanam mɛ sɔɔ, nɔni sw̄aa bakara ko n w̄aa tèn bweseru ta ñ koore saa handunian toren di sere ka gisɔ. Ten bwesera kun mam maa sisi. <sup>22</sup> Gusunə ù kun daa sanam mɛ kawee goo kun tiarə. Adama u mu kawawa be u gɔsan s̄ɔ.

<sup>23</sup> Saa ye sɔɔ, goo ù n bɛɛ s̄ɔɔwa u nɛɛ, Kirisi wi, u w̄aa mini, ñ kun mɛ u w̄aa giɔ, i ku ra naanɛ ko. <sup>24</sup> Domi Kirisi weesugibu ka Gusunən sɔmə weesugiba koo yari. Ba koo ȳire bakanu ka sɔm maamaakigia ko bu ka tambu nɔni w̄ɔke, ka mam be Gusunə u gɔsa, ñ n ko n koorə. <sup>25</sup> N wee, na bɛɛ ye s̄ɔɔwa ya sere na.

<sup>26</sup> B̄a n maa bɛɛ s̄ɔɔwa, wee u w̄aa gbaburə, i ku da mi. Nge b̄a n bɛɛ s̄ɔɔwa, wee u w̄aa dii sɔɔwə, i ku ra naanɛ ko. <sup>27</sup> Nge mɛ guru maakinu ra balli wəllə saa s̄ɔɔ yari yerun di n ka da duu yerə, nge mɛya Tɔnun Biin naaru ta ko n maa s̄aa. <sup>28</sup> Yam mi gora w̄aa, miya yaberekunu koo menna.

Tɔnun Biin naaru

(I maa mɛɛrio Maaku 13:24-27, Luku 21:25-28)

<sup>29</sup> Ma Yesu maa nɛɛ, sanam mɛn nɔni sw̄aarun biru, mii mii s̄ɔɔ koo yam t̄ira, suru kun maa win yam bururam s̄ɔɔsimə, kperi koo wəruma wəllun di kpa wəllun dam mu ȳiri. <sup>30</sup> Sanam mɛya Tɔnun Biin ȳirera koo kura wəllə. Handunian bwesenu kpuro nu koo sw̄i. Nu koo Tɔnun Bii wa u wee wəllun di guru wiru sɔɔ ka dam bakam ka yiiko. <sup>31</sup> Kəbi baka koo sw̄i kpa u win wəllun gɔradoba gɔri handunian goonu nɛɛ sɔɔ. Ba koo be u gɔsa menna handunia kpuron di.

*Ȳire te d̄aa te ba m̄ə figie*

ta s̄ōsimō

(*I maa m̄erio Maaku 13:28-31, Luku 21:29-33*)

<sup>32</sup> Yesu maa n̄ε, i de n b̄ε yeeri ye d̄āa te ba m̄ò figie ta s̄ōsimō. Saa m̄in di ten k̄āasi dwiia ma ta kpararu toruma, i ȳē ma tomburura ta turuku kua. <sup>33</sup> Nge m̄eya b̄ε maa, ì n yabu ye kpuro wa, i n ȳē ma saa ya sisi ya turuku kooma. <sup>34</sup> Ka geema na b̄ε s̄ōm̄ō, t̄on be ba w̄āa t̄ē ben kpuro kun gbim̄ō yabu ye kpuro yu ka tunuma. <sup>35</sup> W̄ollu ka tem baa ya koo doona, adama nen gari kun d̄ōn̄ō pai.

*Gusunō* turowa

handunian kpeerun saa ȳē

(*I maa m̄erio Maaku 13:32-37, Luku 17:26-30, 34-36*)

<sup>36</sup> Yesu maa n̄ε, ye n s̄āa nen naarun saa, goo sari wi u yen t̄ōru ȳē, baa ḡoradoba be ba w̄āa w̄ollō, baa mam Biin tii, ma n kun m̄ō Baaba turo. <sup>37</sup> Nge m̄ε n kua N̄ōwen saa, m̄eya n ko n maa ko sanam m̄ε T̄ōnun Bii u koo na. <sup>38</sup> Geema nim yibu baka te, tu sere na, t̄omba dim̄ō ba n̄orum̄ō ba kur̄ō kpaanu m̄ò, ba ben bibu dur̄ōbu k̄ēm̄ō sere d̄ōma te N̄ōw̄ε dua goo s̄ō. <sup>39</sup> Ba ñ ḡāanu bwisika sere nim yibu baka te, ta ka tura ta ka bu doona kpuro. Nge m̄eya n ko n s̄āa sanam m̄ε T̄ōnun Bii u koo na. <sup>40</sup> Sanam m̄eya t̄ambu yiru ba ko n w̄āa gber̄ō. Ba koo turo sua bu turo deri. <sup>41</sup> T̄ōn kur̄ōbu yiru ba ko n namm̄ō. Ba koo turo sua bu turo deri. <sup>42</sup> Yen s̄ō, i n swaa m̄εera domi i ñ ȳē t̄ō te b̄εen Yinni u koo tunuma. <sup>43</sup> I de yeni yu b̄ε yeeri. Yenu ȳēro ù n ȳē w̄ōkurun saa ye gb̄en̄ō u koo na, u koo dom se kpa u ku de u du win ȳenūō. <sup>44</sup> Yen s̄ō, b̄εen tii i n s̄ōru s̄āa domi T̄ōnun Bii u koo nawa saa ye i ñ bwisika.

*Yoo naan̄egii*

ka naane sarirugii

(*I maa m̄erio Luku 12:41-48*)

<sup>45</sup> Ma Yesu nεε, wara s̄a yoo laakarigii wi u naane m̄. Wiya wi win yinni u win s̄am kowo be ba tie n̄omu s̄andia, u ka bu n̄ori saa ye n weene. <sup>46</sup> Doo n̄orugiiwa s̄am kowo wi, win yinni ù n deema u m̄ me, sanam me u koo wurama. <sup>47</sup> Ka geema na beε s̄ōm̄, yinni wi, u koo win dukia kpuro s̄am kowo wi n̄omu beria. <sup>48</sup> Adama ù n s̄a s̄am kowo kam, ma u bwisikum̄ u m̄, win yinni t̄em̄, <sup>49</sup> ma u seem̄ u win s̄am kowosibu soom̄, ma u dim̄ u n̄orum̄ ka tam n̄orobu sannu, <sup>50</sup> win yinni koo wurama d̄ma te u ñ n̄un ȳiȳo ka saa ye u ñ ȳ. <sup>51</sup> Kpa u n̄un b̄ori kp̄iri kp̄irika kpa u da u ka murafitiba n̄oni sw̄aru b̄onu ko. Miya u koo wiru n̄oma s̄andi u sw̄i.

## 25

### W̄andia w̄akurun gari

<sup>1</sup> Yesu kpam nεε, t̄ō te, t̄a n na, Gusun̄on bandun gari yi ko n ka w̄andia w̄akuru garun gari weene be ba ben fitilanu sua ba yara ba kur̄o kpaon dur̄o senn̄o da. <sup>2</sup> Ben n̄ōbu ba laakari m̄, n̄ōbu maa ba ñ laakari m̄. <sup>3</sup> N̄ōbu be ba ñ laakari m̄ ba ben fitilanu sua ba ñ gum kusenu kue. <sup>4</sup> Adama be ba laakari m̄ mi, ba fitilanu sua, ba maa gum kusenu kua. <sup>5</sup> Nge me kur̄o kpaon dur̄o t̄em̄, w̄andia w̄aku te, ta dom ȳibirim̄ ta dweeyam̄.

<sup>6</sup> W̄ōkurun b̄onu goo u gb̄ara u nεε, kur̄o kpaon dur̄o wee, i yarima i wi senn̄o da. <sup>7</sup> Yera w̄andia w̄aku te, ta seewa ta ten fitilanu s̄onwa. <sup>8</sup> Be ba ñ laakari m̄ mi, ba beon̄o s̄ōwa ba nεε, i sun gum k̄ē domi besen fitilanu gb̄iō. <sup>9</sup> Laakarigii be, ba wisa ba nεε, aawo domi n ñ koo besε kpuro turi. I yande doo i beεgim dwe. <sup>10</sup> Saa ye ba dwem da ma kur̄o kpaon dur̄o u tunuma. Be ba s̄ōru s̄a siba dua kur̄o kpaā yer̄o ka wi sannu ma ba gambo kenua. <sup>11</sup> Yen biruwa w̄andia be ba tie ba tunuma ba n̄ōguru sua

ba nɛɛ, yinni a sun kenio. <sup>12</sup> Adama kurɔ kpaon durɔ nɛɛ, ka geema na bɛɛ sɔɔmɔ, na n̄ bɛɛ yɛ̄.

<sup>13</sup> Ma Yesu u nɛɛ, n̄ n men na, i n swaa mɛɛra, domi i n̄ tɔɔ te ka saa ye yɛ̄.

*Yobu itan gari*

*(I maa mɛɛrio Luku 19:11-27)*

<sup>14</sup> Yesu maa nɛɛ, win naarun gari yi ko n sãawa nge durɔ goon gari wi u kɪ u wuu da. U win yobu soka u bu win dukia nɔmu sɔndia. <sup>15</sup> U turo gobi beke geen suba nɔɔbu wɛ̄, turo maa suba yiru, itase sube teeru. U bu wɛ̄ wɛ̄ nge mɛ ben baawuren dam nɛ, ma u doona. <sup>16</sup> Yoo wi ba suba nɔɔbu wɛ̄ mi, u yande seewa u ka gobi yi tenkuru kua, ma u maa nɔɔbu kpaa are wa. <sup>17</sup> Wi ba maa suba yiru wɛ̄ u kua nge mɛ, ma u maa yiru kpaa are wa. <sup>18</sup> Adama wi ba sube teeru wɛ̄ mi, u da u wɔru gba u win yinnin gobi yi sikua.

<sup>19</sup> Sanam dɔɔ sanam wee, yoo ben yinni u wurama ma u ka ben baawure win gobi dooru kua. <sup>20</sup> Yoo wi ba suba nɔɔbu wɛ̄ u na ka suba nɔɔbu kpaa u nɛɛ, yinni, gobi yin suba nɔɔbuwa a man wɛ̄. N wee, nɔɔbu kpaa ye na are di. <sup>21</sup> Win yinni n̄n sɔɔwa u nɛɛ, na nun siara, wunɛ yoo geo ka naanegiiwa. A kua naanegii gã piiminu sɔɔ, kon nun gã bakanu nɔmu sɔndia. A na su yɛ̄eri. <sup>22</sup> Wi ba maa suba yiru wɛ̄ u na u nɛɛ, yinni, gobi yin suba yiruwa a man wɛ̄, n wee yiru kpaa ye na are di. <sup>23</sup> Win yinni nɛɛ, na nun siara wunɛ yoo geo ka naanegiiwa. A kua naanegii gã piiminu sɔɔ, kon nun gã bakanu nɔmu sɔndia. A na su yɛ̄eri. <sup>24</sup> Yen biru yoo wi ba sube teeru wɛ̄ mi, u na u nɛɛ, yinni na yɛ̄ ma wunɛ tɔn sɛ̄sɔgiiwa. Mi a n̄ duure miya a ra gbe, mi a n̄ maa yɛ̄ke, miya a ra gɛ̄. <sup>25</sup> Berum man mwa ma na da na wunen gobi berua temɔ. N wee wunenyam. <sup>26</sup> Win yinni n̄n sɔɔwa u nɛɛ, wunɛ yoo kɔso ka yikurowa. N n̄ a yɛ̄ ma na ra gbe mi na n̄ duure? Kpa n gɛ̄ mi na n̄

yēke? <sup>27</sup> Ñ n men na, n daa weenewa a nen gobi goo wē ka nim kēru, sanam me na wuma kpa n nenyam wa ka are. <sup>28</sup> I nùn sube tee te mwaario kpa i wəkurugii wi wē. <sup>29</sup> Domi wi u mō, win mōru sōra ba koo nùn sosia kpa u n mō n kpā, adama wi u kun mō, fiiko ye u mam mō ba koo nùn ye mwaari. <sup>30</sup> Yoo kam wi maa, i nùn kasa koowo tōwō mi u koo wiru nōma sōndi yam wōkuru sō u swī.

### *Siri dāakibu*

<sup>31</sup> Ma Yesu nē, sanam me Tōnun Bii u koo na ka win yiiko baka, ka wōllun gōradoba kpuro, u koo sina win sina gōni yiikogian wōllō. <sup>32</sup> Handunian bwesenu kpuro nu ko n menne win wuswaa, kpa u tōmbu wunana nge me yāa kparo ra yāanu ka bonu wunane. <sup>33</sup> U koo yāanu yi win nōm geuō, bonu maa win nōm dwarō. <sup>34</sup> Sanam meya sunō u koo be ba wāa win nōm geuō sō u nē, i na bēe be nen Baaba u domaru kua, i bandu tubi dio te ba bēe sōru kua saa handunian toren di. <sup>35</sup> Domi gōra man kua ma i man dīanu wē na di. Nim nōru ga man kua ma i man nim kā na nōra. Na sāa sō ma i man dam koosia. <sup>36</sup> Na wāa tereru, ma i man biru wukiri. Na barō ma i man nōri. Na wāa pirisōm sō ma i man beram da. <sup>37</sup> Saa ye sōra gemgii be, ba koo nùn wisi bu nē, Yinni, domma sa wa gōra nun mō sere sa nun dīanu wē, ñ kun me nim nōru ga nun mō ma sa nun nim kā. <sup>38</sup> Domma sa nun sōru mwa ñ kun me domma sa nun wa tereru ma sa nun biru wukiri. <sup>39</sup> Domma sa nun wa a barō, ñ kun me a wāa pirisōm dirō, ma sa nun beram da. <sup>40</sup> Sunō u koo bu wisi u nē, ka geema na bēe sōmō, men nō i bwēbwē benin turo ye kua nena i kua.

<sup>41</sup> Yen biru sunō u koo win nōm dwarugibu sō u nē, i tii gawo nen bōkun di, bēe be Gusunō u bōrusi. I doo dō wi u ku ra gbi sō wi ba sōru kua Setam ka win gōradoban sō.

<sup>42</sup> Domi gōra man kua, i ñ man dīanu wē na di. Nim nōru



ga man kua, i ñ man nim kã na nɔra. <sup>43</sup> Na sãa sɔɔ, i ñ man dam koosie. Na wãa tereru, i ñ man biru wukiri. Na barɔ, na maa wãa pirisəm dirɔ, i ñ man nɔəri. <sup>44</sup> Sanam meya be, ba koo maa nɛɛ, Yinni, domma sa nun wa gɔɔra nun mɔ, ñ kun mɛ nim nɔru ga nun mɔ, ñ kun mɛ a sãa sɔɔ, ñ kun mɛ a wãa tereru, ñ kun mɛ a barɔ, ñ kun mɛ a wãa pirisəm dirɔ, ma sa ñ nun somi. <sup>45</sup> Sunɔ u koo bu wisi u nɛɛ, ka geema na bɛɛ sɔɔmɔ, mɛn nɔɔ i ñ bwɛɛbwɛɛ benin turo ye kue, nɛna i ñ ye kue. <sup>46</sup> Ma Yesu u nɛɛ, beniwa ba koo dã mi sɛɛyasia bi bu ku ra kpe bu wãa, gemgibu maa, wãaru te ta ku ra kpe sɔɔ.

## 26

*Wirugiba wesianamɔ*

*bu ka Yesu go*

(*I maa mɛɛrio Maaku 14:1-2, Luku 22:1-2, Yohanu 11:45-53*)

<sup>1</sup> Ye Yesu u gari yi kpuro gerua u kpa, u win bwãabu sɔɔwa u nɛɛ, <sup>2</sup> i yɛ ma n tie sɔɔ yiru bu ka Gɔɔ sararibun tɔɔ bakarar ko. Ba koo Tɔnɔn Bii tɔmbu nɔmu sɔndia bu nɔn go dãa bunanaru wɔllɔ.

<sup>3</sup> Sanam meya yãku kowo tɔnwerɔbu ka guro gurobu ba menna Kaifa yãku kowo tɔnweron yenu yaaraɔ. <sup>4</sup> Ba nɔɔ tia kua bu ka Yesu mwa goo u kun yɛ kpa bu nɔn go. <sup>5</sup> Adama ba nɛɛ, n ñ mɔ tɔɔ bakarun sanam, kpa n ku raa ko gidi baka tɔmbun suunu sɔɔ.

*Kurɔ goo turare yɛka*

*Yesun wirɔ*

(*I maa mɛɛrio Maaku 14:3-9, Yohanu 12:1-8*)

<sup>6</sup> Sanam mɛ Yesu wãa Betaniɔ Simɔɔn yenuɔ wi u raa bara disigiru mɔ, <sup>7</sup> kurɔ goo na win mi, u too buraru neni te ta turare gobi bekegia yiba. U too te wukia ma u turare ye yɛka Yesun wirɔ sanam mɛ u dimɔ. <sup>8</sup> Ye bwãa be, ba

wa mε, ben nuki gbisa ba nεε, mban sōna u yeni kam koosia. <sup>9</sup> Sa ko raa kpī su turare ye dōra ka gobi beke kpa su sāarobu yen gobi bōnu kua.

<sup>10</sup> Yesu gia ye ba gerumō, ma u bu bikia u nεε, mban sōna i ka kurō wi wōki. Gāa geena u man kua. <sup>11</sup> Domi baadommawa sāaroba wāa ka bεε, adama nena, na ñ ko na n wāa ka bεε baadomma. <sup>12</sup> U nen wasi turare ye wisi u ka nen sikubun sōru ko. <sup>13</sup> Ka geema na bεε sōmō, baama mi ba koo Labaari gea yeni kpara handunia sō kpuro ba koo maa gere ye kurō wi kua ba n ka nùn yaaye.

*Yudasi u kī u Yesu yāku kowo tōnwerobu nōmu sōndia*  
(*I maa mεerio Maaku 14:10-11, Luku 22:3-6*)

<sup>14</sup> Sanam mēya bwāabu wōkura yiru yen turo wi ba mō Yudasi Isikariōtu, u da u yāku kowo tōnwerobu deema. <sup>15</sup> U bu bikia u nεε, mba i ko i man kē nà n bεε Yesu nōmu sōndia.

Ma ba sii geesun gobi tēna gara ba nùn wē. <sup>16</sup> Saa saa yen diya u swaa kasu u ka nùn bu nōmu sōndia.

*Yesu u Gōō sararibun*

yaa dibu dimō ka win bwāabu

(*I maa mεerio Maaku 14:12-21, Luku 22:7-14, 21-23, Yohanu 13:21-30*)

<sup>17</sup> Pēε ye ba ñ seeyatia doken tōō bakarun tōō gbiikuru Yesun bwāaba na win mi, ba bikia ba nεε, mana a kī su nun Gōō sararibun yaa dibun sōru kua.

<sup>18</sup> Yesu bu wisa u nεε, i doo wuu sōō waane kasan mi, kpa i nùn sō na nεε, nen saa ya tura, win miya kon Gōō sararibun yaa dibu di ka nen bwāabu sannu.

<sup>19</sup> Bwāa be, ba kua nge mε Yesu bu sōōwa ma ba Gōō sararibun yaa dibu sōru kua.

<sup>20</sup> Ye n kua yoka, Yesu ka win bwāabu wōkura yiru ye, ba menna bu ka di. <sup>21</sup> Nge mε ba dimō Yesu nεε, ka geema na bεε sōmō bεen turo koo man dōmε.

<sup>22</sup> Bwãa ben nukura sankira ma ba nùn bikiamō tia tia ba m̀, asa n ò nē Yinni.

<sup>23</sup> Yesu u wisa u nē, nē ka wi sa gbēe teerō sōramō, wiya wi u koo man dōmē. <sup>24</sup> Tōnun Bii u koo gbi nge mē Gusunōn gari yi win gari m̀, adama nōni swāarugiiwa wi u koo nùn dōmē. N buram bo ba kun daa yēro mara.

<sup>25</sup> Yudasi wi u koo nùn dōmē u nē, asa n ò nē yinni. Yesu nùn wisa u nē, wuna mi.

*Yinnin dīa domaruginu*

(*I maa mēerio Maaku 14:22-26, Luku 22:15-20, Korinti I, 11:23-25*)

<sup>26</sup> Sanam mē ba dimō, Yesu pēe sua. Ye u Gusunō siara u kpa u ye murura u win bwāabu wē u nē, i mō i di, yeniwa nen wasi.

<sup>27</sup> Yen biru u tam nōra sua. Ye u Gusunō siara u kpa, u bu wē u nē, i nōruo bēe kpuro. <sup>28</sup> Domi yeniwa nen yem, m̀ sō Gusunō u win nō mweeru sire, mē mu yari tōn dabirun sō bu ka torarun suuru wa. <sup>29</sup> Na bēe sōmō, saa tēn di na ò maa tam meni nōrumō sere dōma te nē ka bēe sa ko tam kram nō nen Baaban bandu sō.

<sup>30</sup> Yen biru ba womusu kua ma ba yara ba da Olifin guuru wollo.

*Yesu u nē, Piēe koo nùn siki*

(*I maa mēerio Maaku 14:27-31, Luku 22:31-34, Yohanu 13:36-38*)

<sup>31</sup> Yera Yesu u win bwāabu sōwa u nē, gisōn wōku te, bēe kpuro i ko tora nen sō, domi ba yorua Gusunōn gari sō, “Kon yāa kparo go, kpa yāanu nu yarina yam kpuro.”

<sup>32</sup> Adama nà n seewa gōrin di kon bēe gbiiya Galileō.

<sup>33</sup> Piēe nùn sōwa u nē, baa be kpuro bā n tora wunen sō, nena kun toramō pai.

<sup>34</sup> Yesu nùn wisa u nē, ka geema na nun sōmō, gisōn wōku te, goo dōo gu sere swī kaa man siki nōn ita.

<sup>35</sup> Piεε nùn sḏḡwa u nεε, baa sà n ko gbi sannu na ò nun sikimḡ.

Bwāa be ba tie meya ben tii ba gerua.

*Yesu u kanaru mḡ Gesemanεḡ*  
(*I maa mεεrio Maaku 14:32-42, Luku 22:39-46*)

<sup>36</sup> Yera Yesu ka win bwāabu ba tura yam mi ba mḡ Gesemanε. Ma u bu sḏḡwa u nεε, i sinḡ mini kpa n da n kanaru ko giḡ.

<sup>37</sup> U Piεε ka Sebeden bibu yiru sua ba susi wuswaaḡ. Ma nuku sankiranu nùn deema, win wasi dwiia. <sup>38</sup> Yera u bu sḏḡwa u nεε, nen nukura sankira sere n gḡḡ gum girari. I yḡro mini i ka man dom se.

<sup>39</sup> U ka bu tondina ma u kpuna u kibari u kanaru kua u nεε, nen Baaba, ò n ko n koora, a de wahala ye, yu man doonari. Adama n ò mḡ nge mε na kī ma n kun mḡ nge mε a kī.

<sup>40</sup> Yen biru u wurama bwāabu ita yen mi, u deema ba do ma u Piεε sḏḡwa u nεε, ò n man na, i kpana i ka man dom se baa kḡbi tia. <sup>41</sup> I n dom sera kpa i n kanaru mḡ kpa i ku ra du kḡkiribu sḡḡ. Tḡnun gḡru ga kī adama wasi yen dam bie.

<sup>42</sup> U kpam ka bu tondina nḡn yiruse u kanaru kua u nεε, nen Baaba, wahala yeni yà kun koo man doonari na kun ye wa, a de wunen kīru tu koora.

<sup>43</sup> U kpam wurama win bwāabun mi ma u deema ba do, domi ben nḡni bunia. <sup>44</sup> Yesu u kpam bu deri u doona u kanaru kua nḡn itase ka gari tee yi. <sup>45</sup> Ma u kpam wurama win bwāabun mi u nεε, i do ka tē i wēramḡ? Saa ya turuku kooma ye ba koo Tḡnun Bii tḡn kḡsobu nḡmu sḡndia. <sup>46</sup> Wee wi u koo nùn dḡmε u sisi, i seewo su ka bu yinna.

*Yesun mwaabu*

(*I maa mæerio Maaku 14:43-50, Luku 22:47-53, Yohanu 18:3-12*)

<sup>47</sup> Yesu kun gari yi gerum kpa Yudasi ka tunuma, bwāabu wākura yiru yen turo. Tɔn dabi dabira nùn swīi ba takobiba ka bokunu neni. Yāku kowo tɔnwerobu ka guro guroba ba bu gɔra. <sup>48</sup> Yudasi wi u koo Yesu dɔmɛ u raa bu yīreru sɔɔsi u nɛɛ, wi kon nɛnɛ n bəkasi, wiya mi, i nùn mɔɔ. <sup>49</sup> Mii mii u susi Yesun mi u nɛɛ, yinni a sɔɔ kpa n do?

Ma u nùn nenua u bəkasi. <sup>50</sup> Yesu u nùn sɔɔwa u nɛɛ, bɔrɔ, ye a kobu na a koowo.

Yera tɔn be, ba na ba Yesu sɛre ba mwa. <sup>51</sup> Yesun tɔmbun turo u win takobi woma, u ka yāku kowo tɔnweron yoon soo sɔra u bura. <sup>52</sup> Yera Yesu nùn sɔɔwa u nɛɛ, a wunen takobi wesio yen kararɔ, domi baawure wi u takobi neni, takobiwa ya koo nùn go. <sup>53</sup> A ñ yē ma kon kpī n nen Baaba faaba kana kpa u yande man wəllun gɔradoban wuunu gɔriama n kere wākura yiru? <sup>54</sup> Adama nà n kua mɛ, amɔna Gusunɔn gari yi koo ka yibiara yi yi gerumɔ ma mɛya kon ka gbi.

<sup>55</sup> Ma Yesu u tɔn wɔru ge sɔɔwa u nɛɛ, n weene i man mwaabu na ka takobiba ka bokunu nge swaa dio? Baadommawa na ra n sɔ ka bɛɛ sãa yerɔ na n keu sɔɔsimɔ, i ñ maa man mwaare. <sup>56</sup> Adama ye kpuro ya koorawa kpa Gusunɔn sɔmɔbun gari yi ka kooru yi yi wāa Gusunɔn gari sɔɔ.

Yera win bwāabu kpuro ba nùn deri ba duki sua.

*Ba Yesu sirimɔ Yuuban tɔnwerobun mɛnnɔ yero*

(*I maa mæerio Maaku 14:53-65, Luku 22:54-55, 63-71, Yohanu 18:13-14, 19-24*)

<sup>57</sup> Be ba Yesu mwa ba ka nùn da Kaifa yāku kowo tɔnweron mi, mi wooda yērobu ka guro guroba mɛnne.

<sup>58</sup> Pīɛɛ u Yesu swīi dandankuru sere ka yāku kowo

tɔnweron yenu yaaraɔ. U dua yenu yaaraɔ ma u sina ka yenu kɔsobu u ka wa nge mɛ gari yi, yi koo ka wiru goora.

<sup>59</sup> Yǎku kowo tɔnwerobu ka guro gurobun mennɔ kpuro ba seeda weesugia kasu bu Yesu mani bu wa bu ka nùn go.

<sup>60</sup> Adama ba ñ wa, baa mɛ seedagii dabiru ta na ta weesu kua. Yen biru tɔmbu yiru gaba na. <sup>61</sup> Ba nɛɛ, durɔ wini gerua u nɛɛ, u koo kpĩ u Gusunɔn sãa yeru sura kpa u tu bani sɔɔ itan baa sɔɔ.

<sup>62</sup> Yǎku kowo tɔnwero u seewa u Yesu bikia u nɛɛ, a ñ gɛɛ wisimɔ? Mban bwesera tɔn beni ba nun manimɔ.

<sup>63</sup> Adama Yesu u maari. Ma yǎku kowo tɔnwero nùn sɔɔwa u nɛɛ, a bɔruo ka Gusunɔ Yinni wason yĩsiru, a sun sɔɔwɔ ñ n wunen na Gusunɔ u gɔsa, a sãa win Bii.

<sup>64</sup> Yesu nùn wisa u nɛɛ, wunen tii a gerua kɔ. Adama na beɛ sɔɔmɔ sɔɔ teeru i ko i Tɔnun Bii wa u sɔ Gusunɔ Yinni damgiin nɔm geuɔ. I ko maa nùn wa u wee guru wirun di.

<sup>65</sup> Yera yǎku kowo tɔnwero u win tiin yaberu nɛnua u karana mɔrun sɔ ma u nɛɛ, u Gusunɔ gari kam gerusi, seedagii berɔ sa kpam mara. I nua tɛ gari kam ye u gerua.

<sup>66</sup> Amɔna i wa.

Ba nɛɛ, n weenɛwa bu nùn go.

<sup>67</sup> Yen biru ba nùn yǎatam sie nɔniɔ, ma ba nùn nɔm kusa so, gaba nùn baari so. <sup>68</sup> Ba nɛɛ, Kirisi a de Gusunɔ u nun sɔ, kpa a sun sɔ wi u nun so.

*Piɛɛ u Yesu siki*

*(I maa mɛerio Maaku 14:66-72, Luku 22:56-62, Yohanu 18:15-18, 25-27)*

<sup>69</sup> Piɛɛ u sɔ yenu yaaraɔ. Wɔndia goo u nùn susi u nɛɛ, wunen tii a raa wãa ka Yesu Galilegii wi sannu.

<sup>70</sup> Adama u siki baawuren nɔni biru u nɛɛ na ñ yɛ mba a gerumɔ.

<sup>71</sup> Yen biru u seewa u da yenu yaaran kɔnnɔwɔ. Wɔndia goo kpam nùn wa ma u be ba wãa mi sɔɔwa u nɛɛ, durɔ wini u raa wãa ka Yesu Nasaretigii wi.

<sup>72</sup> Ma Piεε kpam siki ka bōri u nεε, na ñ durō wi yē.

<sup>73</sup> Ye n tε fiiko be ba wāa mi, ba susi Piεεn bōkuō ba nεε, ka gem, a sāawa ben turo, wunen gari geru gerusu nun terasia.

<sup>74</sup> Yera u bōrua u sōnna u nεε, na ñ durō wi yē.

Mii mii ma goo dōo ga swī. <sup>75</sup> Ma Piεε u Yesun gari yi yaaya yi u raa gerua u nεε, goo dōo gu sere swī kaa man siki nōn ita. U yara tōōwō u swī gem gem.

## 27

Ba ka Yesu da

*Pilatin wuswaaw*

(*I maa mεerio Maaku 15:1, Luku 23:1-2, Yohanu 18:28-32*)

<sup>1</sup> Ye n kua buru buru yellu yāku kowo tōnwerobu ka guro gurobu ba nōo tia kua bu ka Yesu go. <sup>2</sup> Ye ba nūn bōkua ba kpa ba ka nūn da ba Pilati tem yēro nōmu beria.

*Yudasin gōo*

(*I maa mεerio Gōrobun Kookoosu 1:18-19*)

<sup>3</sup> Ye Yudasi wi u Yesu dōmε u wa ba Yesu taare wē bu go, win nuki sankira ma u ka sii geesun gobi tēna ye wura yāku kowo tōnwerobu ka guro gurobun mi. <sup>4</sup> U nεε, na durum kua ye na ka tōn dεero gōo bōrie.

Ma ba nūn wisa ba nεε, besen baaye, wunen gariya.

<sup>5</sup> Yudasi gobi yi yari sāa yerō ma u yara u da u tii soora doke.

<sup>6</sup> Yāku kowo tōnwerobu ba gobi yi dōbura ba nεε, n ñ weene su gobi yi kpēε sāa yerun gobi beru yerō, domi tōnun yem gobiya.

<sup>7</sup> Ye ba wesiana ba kpa ba ka gobi yi tem dwa mōmōn mi, mi ba ko n da sōbu sike. <sup>8</sup> Yen sōna ba tem mε sokumō tem yemgim sere ka gisōn gisō. <sup>9</sup> Yera Gusunōn sōmō Yeremin gari yi koora yi yi nεε, “Ba sii geesun gobi tēna

ye sua, gobi yi Isireliba ba wesiana ba wẽ win sã, <sup>10</sup> ba ka tem dwa mòmòn mi, nge me Yinni u man yiire.”

*Pilati* u Yesu gari bikiamò

(*I maa mærio Maaku 15:2-5, Luku 23:3-5, Yohanu 18:33-38*)

<sup>11</sup> Yesu yõ tem yẽro Pilatin wuswaaò ma tem yẽro wi, u nùn bikia u nœ, wuna Yuuban sunò?

Yesu nùn wisa u nœ, wunen tii a gerua kò.

<sup>12</sup> Yen biru sanam me yãku kowo tønwerobu ka guro gurobu ba nùn mem mani, u n gœ wisa. <sup>13</sup> Yera Pilati nùn bikia u nœ, a n mem kpuro nœmò me ba nun manimò?

<sup>14</sup> Adama Yesu kun nùn wisa baa nòn teeru sere biti baka tem yẽro wi mwa.

*Ba* Yesu taare wẽ bu go

(*I maa mærio Maaku 15:6-15, Luku 23:13-25, Yohanu 18:39-19:16*)

<sup>15</sup> Gò sararibun tõò bakaru baatere tem yẽro ra pirisòm turo karewa wi tøn wòru ga kĩ. <sup>16</sup> N deema saa ye sò, pirisòm yĩsirugii goo wãa mi, wi ba sokumò Baraba.

<sup>17</sup> Yen sõna sanam me ba mœnœ, Pilati u bu bikia u nœ, wara i kĩ n bœ kara, Baraba? Nge Yesu wi ba sokumò Kirisi.

<sup>18</sup> Domi u yẽ sã sã ma nisinun sõna ba nùn Yesu nœmu beria.

<sup>19</sup> Ye Pilati sã win siri yerò win kurò nùn tœnu gòria u nœ, a ku nœma doke durò gemgii win gari sò domi wõku te, na wahala wa dosu sò durò win sã.

<sup>20</sup> Yãku kowo tønwerobu ka guro gurobu ba tøn wòru sõmò gu de bu Baraba kara kpa bu Yesu go. <sup>21</sup> Pilati u bu bikia u nœ, be yiru ye sò, ben wara i kĩ n bœ kara.

Ba nœ, Baraba.

<sup>22</sup> Ma Pilati nœ, n n mœn na, mba kon ko ka Yesu wi ba mò Kirisi.

Be kpuro ba nœ, a nùn kpareo dãa bunanarò.



<sup>23</sup> Pilati u nɛɛ, kɔ̄sa yerà u kua.

Adama ba nɔ̄ɔguru sua wɔ̄llɔ ba nɛɛ, a nùn kpereo dāa bunanarɔ.

<sup>24</sup> Ye Pilati wa ma ye u m̀ kpuro kama, wurenu sosimɔwa, yera u nim sɔka u nia tɔn wɔru gen wuswaɔ u nɛɛ, durɔ gemgii win yem yaribu kun man wa, bɛɛn gariya.

<sup>25</sup> Ma tɔn be kpuro ba nɛɛ, win yem mu ko bɛsɛ ka bɛsɛn bibun sɔmunu.

<sup>26</sup> Yera Pilati bu Baraba kara, ma u dera ba Yesu seni so. Yen biru u nùn bu nɔmu sɔndia bu nùn kpere dāa bunanarɔ.

Tabu kowoba Yesu

yaakoru m̀

(*I*maa mɛɛrio Maaku 15:16-20, Yohanu 19:2-3)

<sup>27</sup> Pilatin tabu kowobu ba ka Yesu da tem ȳeron siri yerɔ, ma tabu kowobu kpuro ba menna mi. <sup>28</sup> Ba nùn win yānu potari ma ba nùn gurumususu swāabu sebusia. <sup>29</sup> Ma ba sāki tundu bɔkana ba nùn dokea wirɔ, ma ba nùn dɛka w̄ɛ win nɔm geuɔ. Yen biru ba nùn yiiramme ba yaakoru m̀ ba m̀, Yuuban sunɔ, fɔɔ baasira.

<sup>30</sup> Ba nùn yāatam siriki ma ba dɛka w̄ɛna ba ka nùn soomɔ wirɔ. <sup>31</sup> Ye ba nùn yaakoru kua ba kpa, ba nùn gurumususu te potari ba kpam nùn win yānu sebusia ma ba ka nùn da bu dāa bunanaru kpere.

Ba Yesu kpere dāa bunanaru wɔ̄llɔ

(*I*maa mɛɛrio Maaku 15:21-32, Luku 23:26-43, Yohanu 19:17-27)

<sup>32</sup> Ye ba yariɔ ba ka Sirenin durɔ goo yinna wi ba m̀ Simɔɔ, ma ba nùn Yesun dāa bunanaru sɔbi ka tilasi. <sup>33</sup> Ye ba tura yam mi ba ra soku Gɔɔgɔta, yen tubusiana aye te ta ka wii koko weene, <sup>34</sup> miya ba Yesu tam w̄ɛ u nɔ ka tim mɛ mu ra yem go. Ye u mu denda u n̄ wure u mwe.

<sup>35</sup> Ba nùn kp̄are dāa bunanaru s̄əə, ma ba win yānu tete toosi ba b̄onu kua. <sup>36</sup> Ma ba sina ba nùn k̄osu. <sup>37</sup> Win wii w̄oll̄ə ba yora gaa bwē ye ya win taare gerum̄ə ya n̄e, winiwa Yesu, Yuuban sun̄ə. <sup>38</sup> Ba maa gb̄en̄əbu yiru kp̄are dāa bunanan̄ə Yesun b̄okūə, turo win n̄əm geūə, turo maa n̄əm dwar̄ə.

<sup>39</sup> Be ba sar̄ə bera mi, ba nùn wiru diirisim̄ə ba w̄omm̄ə. <sup>40</sup> Ba m̄ə, wun̄e wi kaa s̄āa yeru sura kpa a tu bani s̄əə itan baa s̄əə, a tii faaba koowo. À n s̄āa Gusun̄ən Biin na, a sarama dāa bunanarun di.

<sup>41</sup> Nge m̄eya yāku kowo t̄ənwerobu ka wooda yērobu ka guro gurobu ba nùn yaakoru m̄ə ba n̄e, <sup>42</sup> u gabu faaba kua adama u kp̄ana u tii faaba ko. Isireliban sun̄əwa. U den sarama dāa bunanarun di kpa su nùn naan̄e doke.

<sup>43</sup> U Gusun̄ə naan̄e s̄āa ma u n̄e, wiya Gusun̄ən Bii. Ñ n men na, Gusun̄ə u nùn faaba koowo ù n nùn kī.

<sup>44</sup> M̄eya maa gb̄en̄ə be ba kp̄are ka wi sannu, ben tii ba nùn w̄omm̄ə.

*Yesu* ḡəə

(*I* maa m̄er̄io Maaku 15:33-41, Luku 23:44-49, Yohanu 19:28-30)

<sup>45</sup> Ye n kua s̄əə wii w̄ollu, yera yam t̄ira tem m̄e s̄əə kp̄uro sere n ka tura yokan k̄əba ita. <sup>46</sup> K̄əba itan saka Yesu u n̄əḡiru sua u n̄e, Eli, Eli, lema sabatani. Yen tubusiana, Gusun̄ə n̄en Yinni mba n kua a ka man deri.

<sup>47</sup> T̄ən be ba w̄āa mi, ye ben gaba nua m̄e, ba n̄e, u Eli soku.

<sup>48</sup> Yande ben turo u duka da u sw̄e duk̄e duk̄esu sua u kp̄ē tam m̄əmm̄əm̄ s̄əə u b̄eri dekāə u ka nùn t̄i u n̄ə.

<sup>49</sup> Adama be ba tie ba n̄e, a ȳro gina, su wa nge Eli u koo na u nùn faaba ko.

<sup>50</sup> Yesu u kp̄am n̄əḡiru sua ma u n̄ə mari.

<sup>51</sup> Saa ye s̄əəra, beku kare te ta w̄āa s̄āa yer̄ə ta ḡēra saa w̄ollun di sere tem̄ə. Tem mu ȳira ma kp̄enu b̄esikira.

<sup>52</sup> Sikinu wukiara, ma Gusunəgii dabinu be ba raa gu ba seewa. <sup>53</sup> Ba yara sikan di Yesun seebun biru, ba dua Yerusalemu Gusunən wuuə, ba tii tən dabinu sḏəsi.

<sup>54</sup> Tabu sinambu ka be ba wāa ka wi ba Yesu kḏsu, ba tem yīiri bi wa ka kpuro ye ya koora, ma berum bakam bu mwa ba nɛɛ, ka geema Gusunən Biiwa. <sup>55</sup> Tən kurə dabinu nu yḏ mi, nu Yesu mɛera saa sarun di. Ba raa nùn swiimawa saa Galilen di bu ka nùn nḏəri. <sup>56</sup> Be sḏə, Maari Madalagii ka Maari, Yakəbu ka Yosefun mero, ka Sebeden bibun mero, ba wāa mi.

*Yesun sikubu*

(I maa mɛerio Maaku 15:42-47, Luku 23:50-56, Yohanu 19:38-42)

<sup>57</sup> Ye n kua yoka, durə gobigii goo na, Arimategiiwa, win yīsira Yosefu, u maa sāa Yesun bḏə. <sup>58</sup> U da Pilatin mi, u nùn kana u nùn Yesun goru wɛ. Yera Pilati nùn tu yəllaa kua, u dera ba nùn tu wɛ. <sup>59</sup> Yosefu wi, u goo te sua u beku kpaaru tɛkusi te ba wesa ka wɛɛ damgii. <sup>60</sup> U tu kpī win tiin sikirə te u dera ba nùn dākua kperə. Yen biru u kpee bakaru bimiamu u ka siki ten nḏə kərua ma u doona. <sup>61</sup> Maari Madalagii ka Maari wiənə ba sḏə siki ten bəkuə.

*Sikirun kḏsubu*

<sup>62</sup> Ye n kua sisiru, tḏə wɛrarugiru, yāku kowo tənwerəbu ka Falisiba ba da Pilatin mi sannu. <sup>63</sup> Ba nɛɛ, yinni sa yaaye ye weesugii wi, u raa gerure sanam mɛ u wāa handunia sḏə. U nɛɛ, sḏə itan biru u koo se gərin di. <sup>64</sup> Yen sḏə, a wooda wɛɛyḏ bu siki te kḏsu sere sḏə ita, kpa win bwāabu bu ku raa nɛ bu win goru gbeni, kpa bu tambu sḏə bu nɛɛ, u seewa gərin di. Wee dāaki sini su koo gbiikisu kpāaru kera.

<sup>65</sup> Pilati u bu sḏəwa u nɛɛ, i tabu kowobu mḏə, i doo i tu kḏsu nge mɛ i ko kpī.

<sup>66</sup> Ba doona ma ba yīreru kua siki ten nḏəwə bu ka tubu goo ù n wukia. Ma ba tabu kowobu yi, ba tu kḏsu.

## 28

*Yesun seebu* gōrin di

(*I maa mēerio Maaku 16:1-10, Luku 24:1-12, Yohanu 20:1-10*)

<sup>1</sup> Tḡw wērarugirun biru, alusuma buu sḡnu buru buru yellu, Maari Madalagii ka Maari wiḡnḡ ba siki te tendem da. <sup>2</sup> Suaru sḡw tem yīiri bakabu seewa, ma Yinnin gḡrado u sarama wḡllun di u na u kpee te bḡria u sinari. <sup>3</sup> Win wuswaa ballimḡ nge guru maakinu ma win yānu buriri nge suru. <sup>4</sup> Bērum bakam mu kḡso be mwa ba diira ma ba kua nge gonu. <sup>5</sup> Gḡrado wi, u kurḡ be sḡḡwa u nēē, i ku bērum ko bēē! Na yē ma Yesuwa i kasu, wi ba kpare dāa bunanarḡ. <sup>6</sup> U ḡ wāa mini, u seewa nge mē u raa gerua. I na i wa mi u raa kpī, <sup>7</sup> kpa i da fuuku fuuku i win bwāabu sḡ ma u seewa gōrin di. Wee, u bēē gbiiyḡ u dḡḡ Galileḡ. Miya i ko nḡn wa. Yera na bēē sḡḡbu na.

<sup>8</sup> Ba gḡsira kpaaka sikiru min di ka bērum ka nuku doo bakabu, ba duki da bu bwāa be labaari ye sḡ. <sup>9</sup> Wee Yesu ka bu yinna ma u nēē, na bēē tḡbura.

Ma ba na ba win naasu nenua ba nḡn sāwa.

<sup>10</sup> Yera Yesu u bu sḡḡwa u nēē, i ku bērum ko, i doo i nēgibu sḡ bu doo Galileḡ. Miya ba koo man wa.

*Kḡso ben gari*

<sup>11</sup> Nge mē ba dḡḡ, kḡso ben gaba dua wuu sḡḡ ba yāku kowo tḡnwerobu sḡḡwa ye n kooru kpuro. <sup>12</sup> Ma yāku kowo tḡnwerḡ be, ba menna ka guro gurobu ba wesiana ma ba tabu kowobu gobi beke kḡ. <sup>13</sup> Ba bu sḡḡwa ba nēē, i geruo ma win bwāaba ba na wḡkuru ba win goru gbena sanam mē i do. <sup>14</sup> Tem yēro ḡ n gari yi nua sa yē mē sa ko nḡn kua su ka bēē yara wahalan di.

<sup>15</sup> Tabu kowo be, ba gobi yi mwa ma ba kua nge mē ba bu yiire. Yeya n dera Yuuba ba ra n gari yi gerumḡ sere ka gisḡ.

*Yesu u win* bwãabu tii sãosi

(*I maa mærio Maaku 16:14-18, Luku 24:36-49, Yohanu 20:19-23, Gərobun Kookoosu 1:6-8*)

<sup>16</sup> Bwãabu wəkura tia ye, ya da Galileə guu ten mi, te Yesu raa bu yĩreru kua. <sup>17</sup> Ye ba nùn wa, ba nùn sãwa. Adama ben gaba gãrusu yiru m̀. <sup>18</sup> Yesu bu susi u nɛɛ, wəllu ka tem yiiko kpurowa ba man wẽ. <sup>19</sup> Yen sã, i doo bwesenu kpuron mi, kpa i bu ko nen bwãabu. I bu batemu koowo ka Baan yĩsiru ka Biigiru ka Hunde Dɛerogiru. <sup>20</sup> Kpa i de ye na bɛɛ sãwa ba n ye kpuro mɛm nɔwammɛ. N wee, ko na n ka bɛɛ wãa baadomma sere ka handunian kpeerɔ.

## Bibeli Gusunɔn Gari

The Holy Bible in the Baatonum language of Benin, also called the Bariba language

copyright © 2013 SIM

Language: Bariba (Baatonum)

Translation by: SIM International

### Bariba, Bibeli Gusunɔn Gari

This translation, published by the UEED/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

---

PDF generated using Haiola and XeLaTeX on 27 Sep 2019 from source files dated 26 Jun 2019

00601790-b883-5da1-83f2-d05a7fa289a8